

“Pagdahom og dagkong mga butang gikan sa Diyos.
Pagsulay og dagkung mga butang alang sa Diyos.”
William Carey

Mga Tikang
NGADTO SA PERSONAL NGA
PAGKAPUKAW

*Ang pagkapuno sa
Balaang Espiritu*

HELMUT HAUBEIL

Magmamantala:

Orihinal: „Schritte zur persönlichen Erweckung“

TOP Life Wegweiser-Verlag GmbH, Wien

Austrian Publishing House

Verlagsarchivnummer: 040 415

ISBN: 978-3-903002-14-2

Ang mga Ingles nga Edisyon naprinta sa:

1 st March 2015 - Germany	9 th May 2017 – Germany	16 th July 2018 – Philippines
2 nd April 2016 – South Korea	10 th November 2017 - Sambia	17 th November 2018 - USA
3 rd April 2016 – USA	11 th December 2017 - Australia	18 th March 2019 – USA
4 th April 2016 – Germany	12 th December 2017 - USA	19 th April - Zambia
5 th February 2017 – Philippines	13 th January 2018 - USA	20 th May 2019 - Philippines
7 th April 2017 – USA	14 th March 2018 - USA	21 st June 2019 - Zambia
8 th April 2017 – Zambia	15 th July 2018 - USA	22 nd June 2019 - USA
23 rd July 2019 - Great Britain		

Konsepto: Simon Eitzenberger, www.desim.de

Tighimo: Konrad Print & Medien, www.Konrad-medien.de

Tagadumala sa Proyekto: Christian Stroeck

Tighulagway: Henry Stober

Tighubad gikan sa ikaunom nga edisyon: Holly Tarita

Sa pag-order sa mga nasulat sa langyaw nga linggwahe:

© Helmut Haubeil, Rosenheimer Str. 49

D – 83043 Bad Aibling/Oberbayern – Germany

E-mail: helmut@haubeil.net or kun ibalik

Helmut.haubeil@gmail.com

Telepono: +49 (0)8061 4900 712

Mga Nahubad:

Ang Orihinal nasulat sa German nga linggwahe

European nga mga linggwahe:

Bulgarian, Croatian, Czech, Danish, English, French, Hungarian, Italian, Latvian, Norwegian, Polish, Portuguese, Romanian, Russian, Serbian, Slovenian, Spanish, Swedish.

Sa pag-andam: Albanian, French-Canadian, Dutch.

Mga Asyanong Linggwahe

Indonesia: Bahasa, gipasimple ug tradisyonal

Chinese, Philippines: Filipino, Cebuano, India: Hindi, Telugu, Odia, Mizo, Thailand: Thai, Pakistan: Urdu, Vietnamese

Website:

www.steps-to-personal-revival.info ug www.schritte-zur-persönlichen-erweckung.info

Aduna ug aduna pay gihubad nga mga linggwahe nga mabasa, maprinta ug mapadala sa higala. Ang mga pagpilian: Leader, How to generate interest? Share it, Development (sa paagi nga gimugna sa Dios ang mga libro), Testimonies (sobra sa 100), Contact. Aduna usab sunod niini nga libro: Pabilin kang Jesus.

Impormasyon sa pag-order:

Alang sa mga detalye, tan-awa ang pahina 2

**MGA TIKANG
NGADTO SA PERSONAL NGA
PAGKAPUKAW**

IMPORMASYON ALANG SA PAG-ORDER

USA

Remnant Publications

649 E. Chicago Rd

Coldwater MI, 49036

Phone 800-423-1319

O 517-279-13043

Web address alang sa mga order:

www.remnantpublications.com

Anaa sa Adventist Book Centers

Canada

Lucas Jurek

118 G First Avenue North

Williams Lake, BC

V2G1Y8

Email: lucasjurek@gmail.com

Telepono: 250 983 – 2650

Australien

Colin Hone

Ang mga balasahon nasulat sa Ingles

Colin.hone@murrayhone.com.au

Great Britain

ADVENT PRESS LIMITED

141 Cressex Road

High Wycombe

Buckinghamshire, HP12 4PZ

Telepono: +44 7545 23 00 83

E-mail: info@adventpress.eu

Philippines

Allan D. Faina

Email: berevived7.14@gmail.com

SDA Church

Fidela Herrera Subd

Brgy. Santol, Tanza, Cavite – 4108

Telepono: (63) 9976003397

Russia

Source of Publishing House

Vostochnaya St. 9, Zaoksky 301000

Tula Region, Russia

Telepono: +78 73 42 01 01

www.lifefsource.ru

Europe-Russian-language literature

Christa Medien GmbH

Pulverweg 6

D-21337 Lüneburg (Germany)

Telepono: +49 (0) 4131 9835-580

www.christa-medien.eu

und www.christa-shop.eu

E-mail: info@christa-medien.eu

Germany og uban pang nasod

Wertvoll leben

Im Kiesel 3, D-73635 Rudersberg

www.wertvollleben.com

Telepono: + 49 (0)7183-3071332

Telepono: +49 (0)7183 – 3099847

Austria

TOP Life Wegweiser-Verlag

Prager Str. 287, A-1210 Wien/Vienna

www.toplife-center.com

Email: info@wegweiser-verlag.at

Telepono: +43 (0)13199301-0

Austria ug Germany

Adventist Book Center

Bogenhofen, A-4963 ST. Peter/Hart

www.adventistbookcenter.at

Email: info@adventistbookcenter.at

Telepono: +43 (0)2294000

Switzerland

Advent-Verlag

Leissigenstr. 17, CH-3704 Krattigen

www.av-buchshop.ch

Email: info@adventverlag.ch

Telepono: + 41 33 654 1065

Spain

Safeliz Publishing House

Pradillo 6, Poligono Industrial 'La Mina'

28770 Colmenar Viejo – Madrid

Telepono: 34 (91) 845-9877

E-mail: adm@safeliz.com

www.publicacionesadventistas.com

MGA MAGWAWALI ALANG SA MGA SEMINAR

USA ug ubang mga nasod: www.spiritbaptism.org – sugdi pagpaubos

Germany, Austria, Switzerland, European nga mga nasod:

www.steps-to-personal-revival.info – tuploka ang German nga bersyon – Kontakt page – sugdi pagpaubos

Philippines: Allan D. Faina, Email: berevived7.14@gmail.com, SDA Church:

Fidela Herrera Subd, Brgy. Santol, Tanza, Cavite – 4108, Telepono: (63) 9976003397

Mga Tikang

NGADTO SA PERSONAL NGA
PAGKAPUKAW

*Ang pagkapuno sa
Balaang Espiritu*

HELMUT HAUBEIL

MGA SULUD

7

PASIUNA

MGA TIKANG NGADTO SA PERSONAL NGA PAGKAPUKAW

Ang pagkapuno sa Balaang Espiritu

9

PASIUNA ALANG SA MGA PANGULO UG MGA UMALABOT NGA PANGULO
PAGPILOPILO SA RESULTA

15

KAPITULO 1

ANG LABING BILILHON NGA GASA NI JESUS

Unsay Gitudlo Ni Jesus Mahitungod Sa Balaang Espiritu?

Nakasinati Ka Ba Sa Labing Makagagahom Nga Mensahe Ni Jesus?

26

KAPITULO 2

UNSA ANG SENTRO SA ATONG MGA PROBLEMA?

Aduna bay espiritwal nga hinungdan sa atong mga problema?

Nag-ugat ba kini sa kakulangan sa Balaang-Espiritu?

51

KAPITULO 3

ANG ATONG MGA PROBLEMA MASOLBAD BA KINI – SA UNSANG
PAMAAGI?

Unsa nga pamaagi nga magtubo kita nga malipayon ug lig-on nga mga Kristiyano?

Unsa ang pamaagi nga ang Balaang Espiritu makapuno kanato?

69

KAPITULO 4

UNSA ANG ATONG EKSPEKTARON NGA MGA KALAINAN?

*Unsay kapuslanan nga atong mabatnan sa usa ka kinabuhi nga napuno sa
Balaang Espiritu?*

Unsa ang mawala kanato kung dili kita mu-ampo para sa Balaang Espiritu?

93

KAPITULO 5

ANG YAWI NGADTO SA PRAKTIKAL NGA EKSPERIYENSIYA

Unsaon nako pagpatuman ug pageksperiyensiya ang solusyon sa Dios para kanako? Unsaon nako pag-ampo aron ako makasigurado nga ako napuno sa Balaang Espiritu?

110

KAPITULO 6

UNSA NGA MGA EKSPERIYENSIYA ANG NAGAHULAT KANATO SA UNAHAN?

Ang mga personal nga eksperiyensiya ug mga eksperiyensiya nga nagagikan sa mga simbahan, sa usa ka komperensya, ug unyon

122

KAPITULO 7

INTERES UG PAKIG-AMBIT

*Ang kalipay nga atong gina-ambit nagabalik sa atong mga kasingkasing.
(Panultihon sa Alemanya)*

Unsaon nako pagtabang sa uban nga makaeksperiyensiya og “madagayaon nga kinabuhi?” (Juan 10:10)

134

PANAPOS NGA MGA PANGHUNAHUNA

136

APENDIKS

Rekomendasyon Alang Sa Dugang Nga Pagtoon

40 Ka Adlaw Nga Manwal Sa Pagpanudlo

Bag-Ong Mga Eksperiyensiya Sa Pagkinabuhi Kauban Ang Balaang Espiritu

Balasahon Mahitungod Niini Nga Tupiku

ANG ATONG DIOS MISMO
ANG NAGHATAG SA MANDO¹

“TUGOTI ANG INYONG MGA
KAUGALINGON NGA
MAKANUNAYON UG
BALIK-BALIK NGA MAPUNO
PAG-USAB SA ESPIRITU!”²

1. E.G. White, *Mount of Blessing*, MB 20.3 (egwwritings.org)

2. Johannes Mager, *Auf den Spuren des Heiligen Geistes* (Lüneburg, 1999), Seite 101

MGA TIKANG NGADTO SA PERSONAL NGA PAGKAPUKAW

Napuno sa Balaang Espiritu

*Unsa ang rason nga kalit akong na-okupar
pag-ayo mahitungod sa "Pagkinabuhi diha sa
Balaang Espiritu?"*

Niadtung Agost 14, 2011, atoa ako sa Kandergrund sa Bernese Highlands, Switzerland, usa ka importanteng koneksyon ang nahimong tataw kanako. Akong nailhan ang espirituhanong hinungdan nganong nagakawala ang atong mga batan-on. Ako nakurat pag-ayo. Gihuna-huna nako ang akong mga kabataan ug mga kaapohan. Sukad niadto, ako na-okupar pag-ayo mahitungod niini nga tupiku.

Karon, ako nagatoo nga ang parehos nga espirituhanong hinungdan mao ang rason sa daghang mga problema; ilabina gayud ang mga personal nga problema, sa mga lokal ug sa tibook kalibutan nga mga simbahan. Mao kini ang kakulangan sa Balaang Espiritu.

Kung mao kini ang hinungdan, kinahanglan nga ato dayong tagaan kini og pagtagad nga isyu. Kung mawagtang nato ang hinungdan o mahinungdanong mapakunhod, daghang mga problema ang mahimong walay kapuslanan o masolbad.

Unsa ang masulti sa uban mahitungod niini nga kakulangan:

- **EMIL BRUNNER**, *usa ka repormador nga Evangelical nga teologo, nagsulat nga ang Balaang Espiritu “kanunayng nahimong kapin o kulang humablus sa teolohiya.”*¹
- **D. MARTIN LLOYD-JONES**: *“Kung ako magahatag sa akong matinud-anong opinyon, walay tupiku mahitungod sa biblikal nga pagtoo nga napasagdan pag-ayo kaniadto ug karon, kundi ang tupiku sa Balaang Espiritu...Ako nakasigurado nga mao kini ang hinungdan sa pagkaluya sa evangelical nga pagtoo.”*²
- **LEROY E. FROMM**: *“Ako kumbinsido nga ang kakulangan sa Balaang Espiritu mao ang atong pinakadakong problema.”*³
- **DWIGHT NELSON**: *“Ang atong simbahan miabot na sa punto nga namugna halos tanan ang dalayegong mga porma, mga plano, ug mga programa, apan kung kita dili mu-angkon sa atong espirituhanong pagkahugno [kakulangan sa Balaang Espiritu], nga mao ang gidangatan sa kadaghanan kanato nga mga ministro ug mga pangulo, kita dili gayud makalingkawas gikan sa atong Pro-Forma nga Kristiyanismo.”*⁴

Gusto nato nga madasig una pinaagi sa Pulong sa Dios kung unsa ang posibilidad sa pagpadaghan sa resulta nganha kanato.

Human niana, mutan-aw usa kita sa appellar sa atong Ginoong Jesu Kristo mahitungod sa Balaang Espiritu.

1 Johannes Mager, *Auf den Spuren des Heiligen Geistes* (Lüneburg, 1999), Cover
2 D. Martin Lloyd-Jones, *Vollmacht, Telos-Taschenbuch* Nr. 385, Marburg 1984, p. 72
3 E.G. White, *The Coming of the Comforter* (Hagerstown, 1949), p. 94
4 Editor Helmut Haubeil, *Missionsbrief* Nr. 34 (Bad Aibling, 2011), Seite 3

PAGPILOPILO SA RESULTA

Minahal kong Pangulo,

Gusto ba nimo nga ang imong mga ginsakpan magtubo espirituhanon ug sa gidaghanon? Apan kini ba posible sa atong panahon karon? Oo, posible gayud kini! Sa unsang paagi?

*“Dili pinaagi sa kusog, ni pinaagi sa gahum,
kondili pinaagi sa Akong Espiritu,
miingon si Jehova sa mga panon.”
(Zacarias 4:6)*

Unsaon kini pagkahitabo? Sa akong hunahuna kinahanglan pa nato kini tun-an dinhi. Gusto ba usab nato makakat-on gikan sa mga eksperiyensiya sa uban? Kumbinsido ako niini. Hinaot nga ang Dios magapadayag kanato sa kinatibuk-ang paagi pinaagi sa Iyang Espiritu.

Ang mga napahat nga eksperiyensiya pinaagi sa “Mga Tikang ngadto sa Personal nga Pagkapukaw” nagapakita nga kini nga balasahon makahatag og bililhon nga panabang. Apan ang espirituhanon ug gidaghanon nga pagtubo nagakinahanglan og mas labaw pa sa pagbasa kausa sa balasahon o sa pagpanghatag niini. Kinahanglan ang pagkinabuhi sa gipresentar nga mga elemento sa pagkapukaw. Kinahanglan niini ang kalabotan sa imong kasingkasing. Ako makapangahas sa pagsulti: Ang imong luna kutob ra sa imong paga-abtan. Walay makagiya sa uban, gawas kon siya gikan na niana nga dalan kaniadto. Ang atong mga kinabuhi, mga pag-ampo, mga pagpamatuod, atong mga paghinisgutanay, atong impluwensiya ug ang atong mga wali magamit sa Dios. Sa pagkatinuod, ang pagbasa sa makadaghan mao ang yawe: Nagpakita ang edukasyonal nga pagtuon, kinahanglan basahon ang usa ka hilabihan ka importante nga tema alang sa atong kinabuhi kaunom o kapulo nga beses usa pa

nato masabtan kini pag-ayo. Sulayi bisag kausa. Ang resulta magakumbinsi kanimo.

Duha ka mga pagpamatuod gikan sa usa ka pastor ug usa ka pangulo sa departamento sa Unyon nga karon nagretiro na sa USA:

1. Pagpamatuod - ...Akong nabasa ang imong balasahon nga “Mga Tikang ngadto sa Personal nga Pagkapukaw” katulo ka beses. Wala ko nagdahom nga ako makakaplag og mga bag-ong panghunahuna mahitungod sa pag-ampo. Pag-ampo, nga nakabase sa mga saad sa Dios sumala sa imong gipatin-aw. Sukad niadto, **nagmalampuson ang Dios sa paghatag og mga kadaugan sa akong kinabuhi nga wala nako mahunahunaan nga posible.** – Ako naimbitar nga magwali sa usa ka panagtigum. Ang imong libro naghatag kanako og tupiku. Hunyo 26, 2017 – F.S. Gipamubo
2. Pagpamatuod - ...Sukad nga akong gisugdan pagbasa ang imong libro (Ako kining nabasa kaunom ka beses sumala sa imong tambag didto sa libro) ug nakat-on unsaon pag-ampo gamit ang mga saad, ang akong kinabuhi nabag-o...Ang Dios naggiya kanako sa pag-andam og wali alang sa panagtigum mahitungod sa atong labing dako nga gikinahanglan, ang nagapabag-o nga ulan sa Espiritu sa Dios. **Sa tanang mga katuigan nga akong gidedikar alang sa ministeryo, wala pa ko sukad nakabati sa gahum sa Balaang Espiritu nga nagalihok taliwala sa mga katawhan nga 3,000 nga anaa sa awdituryum.** – Ang akong asawa nakamatikod og bug-os nga pagbag-o kanako. Bisan ako natingala sa akong kaugalingon. Hulyo 25, 2017 – F.S. Gipamubo

Ang Konsepto sa 40 ka mga Adlaw – gikan sa 17 padulong sa 65 ka mga miyembro

Ang gamay nga simbahan sa Cologne – Kalk, Germany adunay 17 ka mga German, Spanish ug Portuguese nga mga miyembro. Gi-imbatar sila ni Pastor J. Lotze nga buhaton ang 40 ka adlaw nga konsepto. Sila nagtoon tinagduha sa 40-Days nga libro, ang kada usa nag-ampo adlaw-adlaw alang sa lima ka tawo nga wala malab-ot ug sila naghimo og personal nga pagkontak kanila. Sa ika-40 ka adlaw, aduna silay Adlawng Igpapahulay para sa mga bisita ug human niadto nagpatigayon sila og 14 ka adlaw nga serye sa pagpangwali. Sila nakahimo sa pagbautismo og 13 ka mga tawo sa mubo nga panahon. Ilang gi-utro ang 40 ka adlaw nga konsepto sa pipila ka mga beses ug naglab-ot sa 65 ka mga miyembro sa sulod sa 4 ka tuig. (Tan-awa ang 40-days nga mga libro alang sa 40 ka mga

adlaw nga konsepto ug adto sa “Experiences” No. 19 aron makaplagan ang mas daghan nga mga eksperiyensiya gikan sa Cologne.)

Lugano, ang Italyano nga linggwahe sa Switzerland – hilabihan ka sekular

Si Pastor Matthias Maag adunay hilabihan ka mga maayo nga eksperiyensiya isip usa ka misyonero sa South Africa mahitungod sa 40 Days nga mga libro ni Dennis Smith. Sa iyang pagbalik sa Switzerland, siya nagsugod dayon sa paghimo niini nga konsepto. Aduna silay 15 ka mga bautismo sa unang tuig [usa ka talagsaon gayud nga panghitabo ani nga rehiyon]. Adunay usa ka babaye nga kanunay nagabisita sa simbahan sa sulod sa 15 ka tuig. Sa panahon sa 40 ka mga adlaw, siya nakadesisyon nga magpabautismo.

Batan-on - Ako si Alina van Rensburg ug ako usa ka Direktor sa mga batan-ong hamtong sa Kumperensya sa South Queensland [12,200 ka mga miyembro sa Australia]. Adunay usa ka batan-ong babaye nga nagpahat kanako mahitungod sa ‘Mga Tikang ngadto sa Personal nga Pagkapukaw’ pagsugod niini nga tuig ug ako gayud nahibulong. Ginasuhid niini ang eksaktong tema nga gibutang sa Dios sa akong kasingkasing ug sa akong bana: pagpukaw ngadto sa Balaang Espiritu sa among mga kinabuhi!! – Ako makasaysay ug daghang mga estorya, apan ang pinakapunto – kami napanalanginan pag-ayo pinaagi niining gamay nga libro! Si Greg Pratt [Direktor sa Discipleship and Spiritual Development sa SQC] adunay sobra sa 300 nga akong gipanghatag sa tanan nga mga batan-ong hamtong sayo ning tuiga sa mga miting sa pagpangulo ug ang tubag dili gayud katoohan. – Ug karon gusto ko nga makalikom og dugang nga 150 aron akong mahatag sa mga batan-ong hamtong sa usa ka Big Camp karon nga tuig, aron sa pagtoon sa Life Group Sessions.

366 ka mga bautismo + 35 ka mga klase sa mga mabautismohan

Ang Sekretarya sa Unyon sa Burundi nga si Paul Irakoze [130,000 ka mga miyembro, 100,000 ka “Mga Tikang ngadto sa Personal nga Pagkapukaw” sa Kirundi] nag-ingon nga sa kinatibuk-an 320 ka mga miyembro kaniadto ang mingbalik pinaagi sa impluwensiya niini nga balasahon. Sila gi-dawat pag-usab pinaagi sa bag-ong bautismo niadtong Marso 2017.

Mga Bungol nga mga tawo nagbasa niini nga balasahon ikatulo ka beses – Sila dayon nagpahat sa ilang mga eksperiyensiya sa ubang mga adunay

kabilinggan sa pangdungog. Resulta: Sa Marso 2017, kami nakabautismo og 25 ka bungol nga mga tawo.

Mga Binilanggo – Sila nanghatag ug balasahon sa mga miyembro sa mga simbahan sa Mpimba nga Bilanggoan. Sila natandog sa Balaang Espiritu ug nagsugod sa pag-ambit sa ilang pagtoo. Niadtong niaging Sabado, 21 ka mga binilanggo ang nabautismohan ug 35 ang nag-andam alang sa bautismo. Mao kini ang bunga sa balasahon nga Mga Tikang ngadto sa Personal nga Pagkapukaw. Gipamubo

Panahon sa Pagtoon/Semana alang sa Pag-ampo

Ang Unyon sa Burundi nagpatigayon og usa ka semana nga pag-ampo alang sa ilahang 130,000 ka mga miyembro niadtong Nobyembre 2017 gamit pag-usab ang “Mga Tikang ngadto sa Personal nga Pagkapukaw.” Ang mga wali sa among Sekretarya mahitungod niini nga tupiku gisibya usab sa radyo sa adv. kada gabie.

Mga Estudyante – Si Pastor Dwight Nelson, ang Pangulong Pastor sa *Andrews University* nag-ingon nga kini nga gamayng libro “nagbag-o sa akong kinasuluron. Gusto usab nako nga buhaton kini kaninyo.” Niadtong Septiyembre 2, 2017, siya nagsugod og usa ka serye nga adunay 3 ka mga wali: “Ground Zero and the New Reformation: How to be Baptized with the Holy Spirit?” Siya nagkutlo gikan sa “Mga Tikang ngadto sa Personal nga Pagkapukaw” ug girekomendar sa tanan. Kini nagdala ngadto sa 4,000 ka mga *downloads* ug nagpalit og linibo ka mga balasahon. Ang *link* alang niini nga mga wali ug sa iyang *blog*: <https://www.pmchurch.tv/sermons>

Ang labing maayong ideya – gikan sa USA – Ako naminaw sa serye nga mga wali ni Dwight Nelson kagahapon. Sa akong pagpaila sa libro nga “Mga Tikang ngadto sa Personal nga Pagkapukaw” akong ipakita ang unang 5 ka-minuto niini sa akong simbahan karong Adlawng Igpapahulay sa paglaum nga iyang pagpamatuod mahitungod sa libro makapadilaab og interes. Human sa *potluck*, inubanan sa pagtugot sa among mga pastor, among ipakita ang tibook nga wali alang sa mga interesado! D.W.

Pag-ebanghelyo – Si Dwight Nelson nagsulat sa iyang *blog* niadtong Oktubre 11, 2017 (gipamubo ug gi-utro)

Nubentay – uno ka mga “bisita”(sumala sa ilang pagtawag) ang mi-apil sa kada gabie nga nubenta ka mga minuto nga programa sa mga Adventista sa Zagreb...Sa usa ka personal nga sulat ug isip pagpasalamat alang sa inyong mga pagpangaliya, kinahanglan akong maghatag ug pagpamatuod nga **wala pa ako**

sukad makaeksperiyensiya og usa ka wali publiko nga susama sa Zagreb sa tibook katuigan nga ako nalambigit sa pag-ebanghelyo. Akong gisutihan ang mga pastor diri sa Pioneer nga ako sigurado gayud nga kadto ug nagpabilin sa gihapon nga bunga sa bug-os nga pagpanginlabot sa Balaang Espiritu, adlaw ug gabie niadto nga siyudad isip tubag sa hiniusang pag-ampo. Ako kamong ginapahinumduman nga kadaghanan kanato niadtong Septiyembre nagsugod sa pagpangita sa Dios alang sa bautismo sa Balaang Espiritu (sumala sa pag-imbatar ni Kristo kanato nga buhaton sa Lucas 11:13). Busa ako adunay kumpiyansa sa pagpasidungog sa akong personal nga naeksperiyensiyahan ug nasaksihan sa Zagreb sa Iyang direkta nga buluhaton. Ang tanan wala naghisgot bahin kanako – apan ang tanan kadto nagtuboy sa pagkatinuod sa mga saad ni Jesus – **“Apan managdawat kamo sa gahum, sa diha nga ang Espiritu Santo mokunsad kaninyo, ug mga saksi ko kamo...”** (Buhat 1:8). Busa kung unsa man ang atong buhaton, dili nato talikdan ang atong adlaw-adlaw nga pagpangita sa bag-o, ug nagahatag og gahum nga bautismo sa Espiritu sa Dios kada buntag.

Pagpasig-uli: Adunay mga maayong eksperiyensiya sa kada usa ug mga pamilya (tan-awa ang mga eksperiyensiya numero/ 2 /17; 3 /31; 3 / 35; 3 /40; 4 /52; 4 /56) Mga eksperiyensiya sa tibook iglesiya gikan sa mga tensyon, mga away, mga panagbahinbahin, mga kadaot, ka-walay pagpasaylo, mga emosyonal nga pagsilaob, ug mga personal nga atake ngadto sa mahigugmaon ug malinawon nga pagpasaylo ug pagpasig-uli (eksperiyensiya no.1/10; 7/84)

Batan-ong Inahan – Mga Kabataan – USA: Ako gayud nakabati og hilabihan ka dako nga responsibilidad sa pagpadako og tulo ka mga batang lalaki. Ako lamang makita ang paglaum sa pagpangayo adlaw-adlaw nga ako angkonon sa Balaang Espiritu. Sukad sa pagbasa nako sa imong libro, akong nakita ang nahimo niini nga kalainan sa kinaiya sa akong mga batang lalake. Ako nakabaton og pagpasensya nga sa diin kasagaran ako walay pagpasensiya, ako adunay paghigugma ug kaluoy sa diin ako adunay kahigawad. Ug makanunayon silang nagasunod nga adunay kasingkasing nga mapainubsanon. Kami tinood nga nagatubo, ug ako malipayon nga nakasabot sa simpleng kamatuoran kung unsaon pagpuyo ni Kristo nganha kanako! D.W.

‘Unsaon pagpasaka og interes?’ Ilalom niini nga punto ikaw makakaplag og bililhon nga mga sugyot. Ang usa ka butang nga sayon sugdan mao ang sugyot mahitungod sa “Dungang Pagbasa.” Ang pinakalig-ong pabuya mao ang pinaagi sa pagpatigayon og “seminar.” Mamahimo nga ikaw makapatigayon niini o magkuha ka og bisita nga magwawali (o maggamit og *video*; anaa lamang kini sa mga pipila ka mga linggwahe). Mamahimo nimong mapalambo pa ang

eksperyensiya sa seminar kung ikaw adunay “Dungang Pagbasa” sa wala pa o paghuman sa seminar.

Ang akong hangyo: Tugoti ako – isip usa ka mas hingkod nga igsoong lalake – makarekomenda kanimo: pag-ampo ug basaha ang balasahon kapila ka beses nga adunay kauban nga dool kanimo. Kini makahatag gayud og mamatikdang impluwensiya sa kalamboan sa inyong grupo, iglesia o komperensiya.

Ang sunod nga tikang kaha mao ang pagpahat sa imong mga panghunahuna og mga eksperyensiya sa mga pastor, mga tigulang sa iglesia, ug uban pang mga importanteng miyembro? Importante nga malab-ot usab ang ilahang mga kasingkasing. Sa ingon niana ang sinugdanan sa Ethiopia. Niadtong Hulyo 2017, 500 ka mga pastor ang nakadawat sa balasahon sa Amharic sa katapusan sa Semana sa Pagkapukaw. Sa North Philippine Union, ang balasahon sa Filipino nga linggwahe gipresentar sa 1,500 ka mga tigulang sa iglesia sa usa ka panagtigum alang sa pag-ampo niadtong Hunyo 2017.

Mga Eksperyensiya

Mamahimo mo ba nga ipahat ang imong mga personal nga pagpamatuod sa among papel? Adunay dakong inspirasyon diha kanila. Kung mahimo, ang mga pagpamatuod magamit usab gikan sa www.steps-to-personal-revival.info – Testimonies.

Hinigugma kong Pangulo!

Kita magtubo diha sa Balaang Espiritu. Ang Dios mismo ang naghatag sa mando [MB20.3]:

“Kondili himoa nga mapuno kamo sa Espiritu.” (Efeso 5:18)

Si Kristo nga anaa kanato ug ang Balaang Espiritu nga nagahimo kanato nga mga “nagasugilon og mga maayong balita” (Isaias 40:9). Ayaw kalimti ang katapusang mga pulong ni Jesus sa kalibutan:

“Apan managdawat kamo sa gahum, sa diha nga ang Espiritu Santo mokunsad kaninyo, ug mga saksi Ko kamo [abilidad, pagsangkap, ug gahum nga labaw sa kinaiyahan].” (Buhat 1:8)

Ang imong Igsoon diha kang Kristo Jesus,
Helmut Haubeil

ANG LABING BILILHON NGA GASA NI JESUS

UNSAY GITUDLO NI JESUS MAHITUNGOD SA BALAANG ESPIRITU?

*Nakasinati ka ba sa labing makagagahom nga mensahe ni
Jesus?*

Mga pipila sa nahaunang personal nga pagpamatuod:

Pagbalik sa among “nahaunang gugma”: Nagsulat kanako ang usa ka igsoong babaye: “Sa pagkakaron, ako ug ang akong higala nagatoon sa librong “40 Days” sa ikatulo na nga beses, pulipuli sa balasahong “Mga Tikang Ngadto sa Personal nga Pagkapukaw”. Sa wala pa namo kini madiskubrehan nga balasahon, ang among kasinatian sa pagtoo ug ang among pag-ampo dili na susama kaniadto. **Naghandom kami nga makaplagan pagbalik ang among “nahaunang gugma.”** Ug amo kining nakita! Nagpasalamat kami sa Ginoo sa tibook namong kasingkasing. Kahibulongan gayud kaayo ang pamaagi sa atong mahigugmaong Dios sa pagtubag sa mga pag-ampo ug ang Iyang pagpadayag bahin sa paglihok sa Balaang Espiritu – kanamo ug sa mga tawo nga among gina-ampo.” M.S.

Si Jesus misulod sa among kinabuhi: Lain naman nga tawo ang nagsulat parte niini nga mga libro: “...Kini sila nahimong dako ug dugay nang gihulat nga panalangin sa akong kinabuhi. Sama sa naeksperiyensiyahan sa kadaghanan sa mga miyembro sa Iglesia ug sa usa ka igsoong babaye sa among simbahan, pirmi gayod nga aduna’y kulang sa among kasinatian sa pagtoo ug karon nahatagan kami og pribilehiyo nga maekperiyensyahan **ang pagsulod ni Kristo sa among**

mga kinabuhi; ug nagsugod sa pagbag-o kanamo. Nagapadayon sa gihapon ang Iyang pagbag-o kanamo ug anam-anam kami nga ginapadool Kaniya.” S.K.

Nakapangutana ba ang mga tinon-an ni Jesus sa ilahang mga kaugalingon: Giunsa pagbansay ni Jesus ang labing dako nga impluwensiya? Kini ba konektado sa Iyang mainampoong kinabuhi? Mao nga sila naghangyo, “Ginoo, tudloi kami sa pag-ampo.” Si Jesus mitubag sa ilahang paghangyo.

Ang pagtulon-an ni Jesus mahitungod sa pag-ampo sa Lucas 11:1-13 adunay tulo ka bahin: Ang Pag-ampo sa Dios, ang sambingay sa usa ka higala nga niabot sa takna nga lalom na ang kagab-ihon, ug ang sangkoanan nga mao ang makanunayong paghangyo alang sa Balaang Espiritu.

Sa sambingay (bersikulo 5-8), adunay mga bisita nga niabot sa balay sa usa ka tawo sa takna nga lalom na ang kagab-ihon ug **wala** siyay bisan unsa nga maikadalit kanila. Tungod sa iyang panginahanglanon, siya miadto diha-diha dayon sa iyahang silingan. Siya mi-eksplikar kaniya nga “**wala gayod siya’y maikadalit**” busa siya manghulam og tinapay. Nagpadayon siya sa paghangyo hangtod nga nadawat niya ang maong tinapay. Karon, aduna na siyay tinapay – ang tinapay sa kinabuhi – para kaniya ug para sa iyahang mga bisita. Aduna na siyay para sa iyang kaugalingon ug nabutang siya sa posisyon nga makabahin usab sa uban.

Kini nga sambingay gilambigit ni Jesus (problema: wala akoy bisan unsa) sa pagpangayo sa Balaang Espiritu pinaagi sa pag-ingon, “**Busa** pangayo kamo, ug kamo pagahatagan”(Lucas 11:9) Ug misunod:

Ang pinasahi nga Apelar ni Jesus: Busa pangayoa ang Balaang Espiritu

Adunay usa ka partikular nga bahin sa Biblia nga tataw ang pagmando ni Jesus nga kita mangayo sa Balaang Espiritu. Wala na ako’y nahibaloan nga uban pa nga bahin diin si Jesus mahigugmaon nga nag-awhag kanato sa pagtanom pag-ayo niini sa atong kasingkasing. Kini nga mga bersikulo makita sa Iyahang pagtulon-an mahitungod sa pag-ampo sa Lucas 11. Didto Iyang gihatagan og kabug-aton 10 ka beses ang pagpangayo sa Balaang Espiritu. Lucas 11: 9-13.

*“Ug ingnon Ko kamo, **Pangayo**, ug kamo pagahatagan; **pangita**, ug kamo makakaplag; **pagtuktok**, ug kamo pagaablihan. Kay ang tanan nga **magapangayo** magadawat, ug ang **magapangita** makakaplag, ug ang magatuktok pagaablihan. Ug kinsa bang amahana diha kaninyo nga kon ang*

iyang anak **mangayog** [tinapay, hatagan hinoon niyag bato; o kon **mangayo** siyag isda, hatagan hinoon niyag bitin inay isda; o kon **mangayog** itlog, hatagan hinoon niyag tanga? Busa, kon kamo, bisan sa inyong pagkadautan, mahibalo man ganing mohatag ug mga maayong gasa ngadto sa inyong mga anak, unsa pa gayud ka labaw pa sa langitnong Amahan nga mohatag sa Espiritu Santo ngadto sa mga **nagapangayo** Kaniya?"

Niini nga pipila ka mga bersikulo si Jesus naggamit sa berbo nga "pangayo" unom ka beses; ug Iyahang gi-ilisdan ang "pangayo" og gihatagan ug gibug-aton kini paagi sa pulong nga "pangita", ikaduha ka beses – nagpadayag og aksyon – ug duha pa ka beses sa pulong nga "panuktok"- nagpadayag usab og aksyon.

Dili ba tataw ang Iyang pagpakita kanato nga kinahanglan kita mubuhat og aksyon aron kita mapuno sa Balaang Espiritu? Ang pinakaulahing pulong nga "pangayo" anaa sa nagapadayon nga *tense* sa Griyego. Nagpasabot nga dili lang kita mangayo kausa apan magmapinadayonon kita sa pagpangayo niini. Wala lang diri giduso ni Jesus ang pagpangayo isip usa ka importante kaayo nga butang apan Siya usab nagdahom nga padayon nato kining buhaton. Paagi niini nga kinasingkasing nga imbitasyon, gusto usab Niya nga pukawon nganha kanato ang paghandom sa Balaang Espiritu. Kining importante nga imbitasyon nagpadayag sa pagtoo ni Jesus nga aduna kitay dakong kawad-on kung dili kita mapinadayonon sa pagpangayo sa pagbubo sa Balaang Espiritu. Siya hingpit nga nagatawag sa atong atensyon ngadto sa kasayuran nga kita nanginahanglan pag-ayo sa Balaang Espiritu. Sa ingon niini nga paagi Siya nagapaninguha nga padayon natong madawat ang abunda nga mga panalangin sa Balaang Espiritu.

Sa *Christ's Object Lessons* naga-ingon: "Ang Dios wala nag-ingon, Pangayo ikausa, ug ikaw makadawat. Gina-aghat kita Niya nga mangayo. Padayon sa pag-ampo nga walay kaluya. Ang mapinadayonon nga pagpangayo magdala sa nagadangup ngadto sa mas makugihon nga kinaiya, ug maghatag kaniya ug dugang nga paninguha nga madawat ang mga butang nga iyang gipangayo."¹

Ug dayon, si Jesus naghatag ug tulo ka mga panig-ingnan, nga nagapakita sa kinaiya nga dili mahanduraw bisan pa sa mga makasasala nga tawhanong amahan. Gusto Niya ipadayag kanato nga mas makatilingala kung ang langitnong Amahan magdumili sa paghatag kanato sa Balaang Espiritu kung kita mangayo niini. Gusto ni Jesus nga kita makasigurado nga madawat nato ang Balaang Espiritu kung pangayoon nato sa haom nga pamaagi. Pinaagi niini nga saad ug

uban pang mga saad, kita makapangayo nga adunay pagtoo ug kahibalo nga ato nang nadawat ang atong gihangayo. (1 Juan 5:14-15; ang dugang nga impormasyon makita sa kapitulo 5)

Suno kang Jesus, kini nga pinasahi nga imbitasyon nagpadayag kanato nga adunay importante kaayo nga butang nga makulang kung wala kita nagmapinadayonon sa pagpangayo sa Balaang Espiritu. Gitawag niya ang atong atensyon niini nga punto nga kinahanglan gayud nato ang Balaang Espiritu. Gusto niya nga padayon natong maeksperiyensiyahan ang pagkabuhong sa mga panalangin gikan sa Balaang Espiritu.

Kini nga bahin sa Iyahan pagtulon-an mahitungod sa pag-ampo usa ka pinasahi nga proseso. Ang Balaang Espiritu ang pinakadakong gasa sa Ginoo – ang gasa nga magdala sa uban pang mga gasa kauban niini. Mao kini ang labing taas nga gasa ni Jesus sa Iyang mga tinon-an ug usa ka tataw nga pamatuod sa Iyahan gugma. Sa akong hunahuna kita makasabot nga ang usa ka tinipigan nga gasa wala ginapamugos sa bisan kinsa. Kini ginahatag lamang sa mga nagpahayag sa ilahang pagpangandoy niini nga gasa ug naghatag bili niini.

Siya igahatag kanila nga mga nagtugyan sa ilahang mga kinabuhi kay Jesus; Siya igahatag kanila nga nagkinabuhi sa mapinadayonon nga pagkamaunongon (Juan 15:4-5). Ang pagkamaunongon ginapahayag paagi sa:

- Hilabihang paghandom sa Dios (*“Ang giuhaw”* Juan 7:37)
- Pagsalig sa Dios (*“Ang motoo Kanako, sumala sa giingon sa Kasulatan”* Juan 7:38)
- Kinatibok-ang pagtugyan isip resulta sa pagsalig sa Dios (*“pagtugyan sa imong tibook kaugalingon sumala sa kubutut-on sa Dios”* Roma 12:1)
- Pagsunod sa Dios sa tanang butang (*“niadtong nagmatinumanon Kaniya”* Buhat 5:32)
- Pagdumili sa ilang kaugalingong paagi, ug pagsunod sa pamaagi sa Dios suno sa Iyahan kabubut-on. (*“Maghinulsol kamo ug managpabautismo”* Buhat 2:38)
- Dili magplano ug bisan unsang daotan (*“Kong sa akong kasingkasing nagapalandong ako sa kadautan, ang Ginoo dili magapatalinghug kanako.”* Salmo 66:18)
- Pag-amgo ug pag-angkon sa atong dakong panginahanglan (*“wala akoy ikadulot bisan unsa”* Lucas 11:6)
- Mapinadayonon nga pagpangayo sa Balaang Espiritu (Lucas 11:9-13)

Sa niining mga handom sa Ginoo alang kanato, wala ba nahimong klaro kanimong kung unsa ka bililhon kini nga gasa? Kung imong hunahunaon kining tanan nga mga kinahanglanon aron madawat ang gasa, ikaw gayud makakita og daghang kakulangan sa imong kaugalingon.

Akong gibatasan nga kada adlaw ako mag-ampo nga mahatagan og paghandom sa Balaang Espiritu, suno sa Juan 7:37 , *“Kong adunay tawo nga giuhaw, umari Kanako ug uminum.”*²

Kita maka-ampo: “Ginoong Jesus, ako hingpit nga mu-uyon sa tanan nga mga kinahanglanon aron madawat ang Balaang Espiritu. Kinasing-kasing kong ginapangayo nga Ikaw karon – niining adlaw – mutuman niining tanan nganhi kanako.” Sanglit, ang atong mahimayaong Dios anaa alang kanato sa pagtuman niini nga mga kinahanglanon.

Ang Balaang Espiritu ang Tinubdan sa Kinabuhing may Katagbawan

Suno kang Jesus, unsa ang rason nga Siya miari diri sa kalibutan? Siya miingon:

“Ako mianhi, aron sila may kinabuhi, ug makabaton niana sa labing madagayaon.” (Juan 10:10)

Si Jesus nagapaninguha nga kita makaeksperyensiya niining bag-ong kinabuhi karon ug padayonon kini sa lahi gayud nga aspeto pagkahuman sa ikaduha Niyang pagbalik isip kinabuhing dayon sa ginharian sa Dios.

Siya usab nagapadayag kanato nga ang tinubdan sa usa ka kinabuhing adunay katagbawan mao ang Balaang Espiritu:

“...Kong adunay tawo nga giuhaw, umari Kanako ug uminum. Ang motoo Kanako, sumala sa giingon sa Kasulatan, gikan sa sulod niya moagay ang mga sapa sa tubig nga buhi. Apan niini nagsulti Siya mahitungod sa Espiritu....” (Juan 7:37-39)

“Mga sapa sa tubig nga buhi”- dili ba kini usa ka maanindot nga pagtandi sa usa ka kinabuhing adunay katagbawan?

2 Mapuslanon ang pag-ampo gamit ang mga saad. Kung gusto nimo madugangan ang imong kahibalo mahitungod niini, pakibasa sa kapitulo 4 sa *Mga Tikang ngadto sa Personal nga Pagkapukaw*.

Samtang Siya nagkinabuhi diri sa kalibutan, naghatag ba si Jesus ug usa ka katugbang nga panig-ingnan?

Nakahibalo kita nga si Maria nanamkon kang Jesus paagi sa Balaang Espiritu. (Mateo 1:18) Nakahibalo kita nga pagkahuman sa Iyang bautismo, Siya nag-ampo: *“Mikunsad sa ibabaw Niya ang Espiritu Santo, sa dagway nga lawasnon sama sa usa ka salampati...”* (Lucas 3:22) Bisan sa niini nga panghitabo gikinahanglan ug importante pa ba gayud nga Siya makadawat sa Balaang Espiritu adlaw-adlaw? Ako magakutlo gikan kang E. G. White:

*“Sa kada buntag Siya gapakigsulti sa Iyang Amahan sa langit, ug nagadawat gikan Kaniya adlaw-adlaw ug bag-ong bautismo sa Balaang Espiritu.”*³

Adunay usa ka pahayag sa *Acts of the Apostles*: “Nganha sa gipahinungod nga magbubuhat adunay kahibulongan nga kalipay diha sa kahibalo nga bisan si Cristo sulod sa panahon sa Iyang kinabuhi diri sa kalibutan adlaw-adlaw nga nangita sa Iyang Amahan alang sa lab-as nga mga sangkap sa gikinahanglan nga grasya...”⁴

Sa ingon niini nga mga butang, si Jesus gayod ang atong sumbanan. Kinahanglan nga pangutan-on nato ang atong mga kaugalingon: Kung si Jesus adlaw-adlaw nanginahanglan og pagbubo sa Balaang Espiritu, unsa nalang kaha ka-importante kini alang kanimo ug kanako?

Si Apostol Pablo nakasabot gayud sa tumong ni Jesus. Sa Iyang sinulat ngadto sa simbahan sa Efeso, gikumpirma ni Pablo sa Kapitulo 1 bersikulo 13 nga sila naselyohan pinaagi sa Balaang Espiritu sa takna nga sila nahimong mga magtotoo. Sa kapitulo 3 bersikulo 16-17, siya nagpadasig kanila nga mahimong malig-on sa Espiritu ug sa kapitulo 5 bersikulo 18 si Pablo, isip usa ka awtorisado nga apostol, naga-awhag sa mga taga-Efeso ug kanato *“...himoa nga mapuno kamo sa Espiritu”* o *“tugoti nga ang inyong mga kaugalingon nga padayon ug balik-balik nga mapuno usab sa Espiritu.”*⁵ Atong makita nga bisan pa nga nadawat nato ang Balaang Espiritu sa panahon nga kita natawo pag-usab, kita sa kinatibuk-an nagkinahanglan adlaw-adlaw og pagpabag-o. Importante alang sa espirituhanong kinabuhi ug pagtubo sa usa ka Kristiyano nga adlaw-adlaw mapuno sa Balaang Espiritu.

3 E.G. White, *Signs of the Times*, November 21, 1895, par. 3

4 E.G. White, *The Acts of the Apostles*, (1911) p. 56.1

5 Johannes Mager, *Auf den Spuren des Heiligen Geistes*, (Lüneburg, 1999), Seite 101

Ang atong Leksyon sa Escuela Sabatika naghigot mahitungod sa Efeso 5:18: “Unsa’y kahulogan kung ‘mabautismohan’ paagi sa Balaang Espiritu? Si Jesus personal nga nag-eksplikar niini gamit ang mga pulong nga parehos ang kahulogan. Ang usa ka tawo ‘nabautismohan’ sa Balaang Espiritu (Buhat 1:5) kung ang Balaang Espiritu ‘mikunsad’ kanila (bersikulo 8). Ang boot pasabot sa mabautismohan mao ang bug-os nga paglusbog sa tibuok nga lawas - kasagaran sa tubig. Kini naglakip sa kinatibok-an sa tawo. Ang pagbautismo sa Balaang Espiritu nagakahulogan og bug-os nga pagpailalom sa impluwensya sa Balaang Espiritu – ang bug-os nga ‘pagkapuno’ diha Kaniya. Dili lang kini kausa nga eksperiyensiya, apan kini wala’y puas nga pagbalik-balik, sama sa paghulagway ni Pablo sa Efeso 5:18b paagi sa Griyego nga berbo sa pulong nga “napuno”⁶.

Ang Pagpanamilit ni Jesus ug ang Balaang Espiritu

Sa pagpanamilit ni Jesus, Siya nagdalag kalipay ug paglaum paagi sa pagsulti kanila nga ang Balaang Espiritu mopuli Kaniya. Si Jesus nagsulti og makahibulongang butang sa mga tinon-an sa Juan 16:7:

“Bisan pa, Ako nagasulti kaninyo sa kamatuoran: mapuslanon alang kaninyo nga mogikan Ako; kay kong dili Ako mogikan, ang Maglilipay dili moanhi kaninyo; apan kong Ako mogikan, pagasugoon Ko Siya kaninyo.”

Usa ka Mas Mapuslanon nga Solusyon

Si Jesus naghigot sa iyang mga tinon-an og usa ka makatilingala nga butang: *“Mapuslanon alang kaninyo nga mogikan Ako.”* Kini nagpasabot nga ang bag-ong solusyon, nga Siya uban kanato pinaagi sa Balaang Espiritu, mas mapuslanon kaysa sa personal Siyang nakigkauban kanato. Paagi niini, dili Siya limitado, apan Siya mamahimo nga kauban sa kada tawo, bisan asa pa Siya sa pagkakaron.

Usa ka personal nga pagpamatuod gikan sa usa ka magtutudlo ug usa sa iyang mga studyante:

Sa paghatag sa among simbahan balasahon nga “Mga Tikang Ngadto sa Personal nga Pagkapukaw” gikan kang H. Haubeil, mga usa na ka tuig ang milabay, akong

gipaspasan kini sa pagbasa. Samtang ako nagabasa niini mas nagdugang ang akong mga eksperyensiya uban ang Ginoo kumpara kaniadto – kini nagpalipay ug nagpadasig kanako.

Sa apendiks sa maong balasahon aduna ako’y nakita nga sugyot nga nagkanayon:

“Ang usa ka kinaadman nga pagtoon nagpahayag nga gikinahanglan nga kaunom hangtod kapulo ka beses basahon o pamation pag-ayo ang usa ka importante nga topiko hangtod sa masabtan na kini pag-ayo.”

Kini nga pagpadasig nakakuha sa akong atensyon:

“Sulayi bisag kausa. Ang resulta magakumbinsi kanimo.”

Gusto nako maeksperyensiyahan kini ug sa ikatulo nako nga pagbasa, ako nakabig niini ug nabatian ko ang usa ka dakong gugma para sa atong Manunubos, nga akong gipangandoy sa tibook nakong kinabuhi. Sa sulod sa duha ka bulan ako kining nabasa kaunom ka beses ug mabungahon ang resulta niini.

Niadto nga takna daw akong nasabtan kung unsa kaha ang hulagway sa panahon nga mudool si Jesus kanato ug kita mamahimo nga makatutok sa Iyang putli, mahigalaon ug mahigugmaong mga mata. Sukad niadto, dili na ko gusto nga mawagtang pa ang maong kalipay nganha sa Manluluwas.

Sa akong pagmata sa buntag ako nang ginapangita ang takna sa akong personal nga pagsimba sa Ginoo aron makabaton na usab og ekperyensiya sa pakig-uban Kaniya ug sa buntag ako hilom nga naga-ampo nga ang Balaang Espiritu mutabang kanako sa akong mga ginahuna-huna sa panahon sa mga panagsultihanay, sa akong panag-ingnan samtang nagatudlo o nakig-istorya.

Kung ang usa ka bata nagapangita og atensyon ug nagabuhat og butang suno sa iyang gusto, ginahatagan usab ako sa Ginoo og kusog ug kaalam unsaon kini pagdala.

Sugod niadto, ang panahon sa akong pagtrabaho napuno na sa presensya sa Magbubuhat. Siya literal nga nagatabang sa akong adlaw-adlaw nga pagkinabuhi. Sugod usab niadto, ako naga-ampo sa buntag ug sa tunga-tunga sa adlaw alang sa pagbubo sa Balaang Espiritu. Daw bation mo ang kadool sa langit ug masulayan kung unsa ang pamati nga anaa didto.

Samtang nagabasa ako sa balasahon misangput kanako ang hunahuna nga dapat makaambit usab ang akong mga estudyante sa eskwelahan og susama niini nga eksperyensiya. Akong ginatudloan ang mga nag-edad ug 10-15 sa atong Adventistang tulonghaan sa Elijah, sa Vorarlberg, Austria. Busa nangayo ko sa Ginoo og mga oportunidad. Ug human niana aduna ako’y hilabihan ka maanindot

nga eksperiyensiya kung giunsa sa Balaang Espiritu paglihok ang mga kasingkasing sa mga batan-on.

Ang 13 Anyos nga Delingkuwente ug ang Balaang Espiritu

Ang ekperiensiya nagsugod *usa ka tuig sa wala pa nako mabasa ang balasahon parte sa Balaang Espiritu*. Adunay usa ka bag-ong estudyante nga mitungha sa among tulonghaan ug sa sulod sa pipila ka adlaw ang maong malinawong dangpanan, nahimong awayanan. Ang batang lalake nag-edad ug 13 kaniadto—siya ang pinakadako sa tanang mga bata ug kusgan siya kaayo. Ug daw kalit nga nawala ang daghang mga natun-ang mga maayong butang sa sulod niana nga tuig.

Tugoti nga siya mismo ang magsaysay niini: “Sa pag-abot nako sa tulonghaan kung asa ako nagaeskwela karon, ako wala gayud magdahom kung unsa ang naghulat kanako. Sa ikaduhang adlaw nako sa tulonghaan, akong gitugutan akong kaugalingon nga mahagit ug makipag-away sa usa sa akong mga klasmeyt. Ako siyang gisumbag bisan nga siya mas huyang kanako, nakigtinubagay sa iya ug dili na nako siya gustong makita pa pag-usab.

Wala madugay, ako naka-amgo sa akong sala ug nangayo ko og pasaylo sama sa akong pirmi ginabuhat kaniadto. Human niadto, nagsultihanay kami sa among prinsipal. Sa misunod nga mga bulan, adunay proseso nga nagsugod nganha kanako. Kahibulongan nga kini nga proseso bag-o lang nagsugod kanako bisan pa nga ako usa ka anak sa pastor. Nagsugod ko sa paghatag og mas taas nga oras kang Jesus.”

Ako naghunahuna nga kini nga batan-on nagkinahanglan ug dugang nga espesyal nga atensyon. Siya nakahibalo sa iyang sayop, nagbasol niini ug misulay sa pagbag-o, apan dili galuntad ang iyang kalampusan paagi sa iyang kaugalingong kusog. Sa sinugdanan, dili mulabay ang usa ka adlaw nga dili siya makakita og away. Apan kini sa hinay-hinay, nag-arang-arang.

Human sa unom ka bulan, siya misaysay sa iyang hunahuna nga ang mga pag-ampo ang nagpadool kaniya sa Ginoo. Siya nagsugod nga mag-ampo sa buntag sa pagpangayo og kusog. Ang iyang pagpanumbag ug pakig-away naminusan.

Onse na ka mga bulan ang milabay sukad nga siya miabot sa among tulonghaan ug mas dako pa ang iyang mga kalamboan. Apan ang iyang kasuko, iyang pagpamalikas ug ang iyang kumo dili gayod permanente makontrolar.

Kini natural lamang - ginasulayan niya nga magmalampuson paagi sa iyang kaugalingong kusog ug pagsabot; adunay mga panahon nga kini epektibo apan naa sa panahon nga dili gayud. *Ang among mga pag-ampo nakatabang, apan ang iyang panghuna-huna dili gihapon insakto ug ang gahom sa Espiritu nga makabag-o maoy kulang.*

Unsa ang maayong mabuhay kung ang usa ka tawo makakita sa iyang mga sala, musulay nga e-kontrol ang iyang kasuko ug sa mga musunod nga mga gutlo mapakyas na usab? Sa panahon nga ako naka-amgo nga napuno na ko pag-ayo, akong nadawat ang maong balasahon. Miabot kini sa saktong oras. Ug didto ako naka-amgo kung unsa ang kulang. Ang gahom sa Balaang Espiritu. Wala kami nakapangayo og tabang Kaniya.

Tungod nga ako natandog sa mensahe sa “Mga Tikang Ngadto sa Personal nga Pagkapukaw” ako nangisog sa pagpangutana sa maong batang lalake kung iya bang nasulayan ang pag-ampo nga makadawat sa Balaang Espiritu. Wala – wala sukad niya nabuhat. Human, akong gisulayan nga pukawon ang iyang interes sa pagbasa sa balasahon. Apan wala nako kini gihatag kaniya. Dapat nga siya gayod mismo ang gusto makadawat niini. Ug tood man, sa wala madugay, siya nangayo sa balasahon.

Usab siya nagsaysay: “Niadtong Nobyembre 2012 ang akong magtutudlo naghatag kanako sa balasahon “Mga Tikang Ngadto sa Personal nga Pagkapukaw”. Madasigon nako kining gibasa. Niadto nga panahon wala gayod ako masayod sa binuhatan sa Balaang Espiritu.”

Sa una nga adlaw, hapit siya makahuman og duha ka kapitulo ug iya akong gipangutana kung kapila nako kini nabasa. Diha-diha dayon, gisugdan niyang balik sa pagbasa ang mga kapitulo ug gusto niya basahon kini suno sa gisugyot sa balasahon: basahon kini nga kaunom hangtod kapulo ka beses.

Sukad niadto, daghan ang nagbag-o. Gikan sa Disyembre 2012, wala na sumbagay o away – daw dili ko kattoo. Ang mga batang lalake nga halos kada adlaw niya nga ginasumbag nahimo niyang mga higala ug sila nagkasinabot na.

Siya bug-os nga nabag-o – nahimong matinahoron ug matinagdanon ug ang pagkamalinawon minghulip sa iyang agresibong batasan. Ang iyang mga klasmeyt makapamatuod nga ang Dios nagbag-o sa iyang kinabuhi. Imong makita ang mga bunga sa matag adlaw. Alang sa paghimaya sa Dios, gusto ko ilakip pagsaysay nga ang batang lalaki nagdesisyon nga magpabautismo niadtong Hunyo 2013. Kung dili lang tungod sa Balaang Espiritu...

Kaniadto, akong gihunahuna nga kaya nako magdumala og bata ug magpasabot sa rason sa mga butang. Pailub, atensyon ug daghang pakigstorya ang kinahanglan, apan dili galuntad ang resulta. Kinahanglan nga ang Dios manginlabot ug tudloan ako nga ang Iyang Espiritu, mao ang naghimong posible sa mga imposibleng butang.

Sa umalabot, kung kini nga bata atoa na sa langit, ako makahibalo nga ang Dios ang nagpadangat niini. Sa dihang naabot nako ang katapusan sa akong kaalam ug ako na gayung nasabtan nga dili ko makagiya niya, didto nagsugod ang Dios sa maid-id nga paglihok sa iyang kinabuhi. Kini nagpadasig kanako nga wala'y lisod nga estado sa tawo nga dili makakita og paglaum diha sa Ginoo. C.P

***Pag-ampo:** Amahan sa langit, salamat sa imbitasyon ni Jesus nga mangayo sa Balaang Espiritu. Pasayloa ako sa mga kawad-on nga akong naeksperiyensihan tungod sa kakulangan sa Balaang Espiritu. Ako nanginahanglan og diosnong tabang aron nga mapadako si Jesus nganhi kanako. Ako nanginahanglan sa Iyang tabang sa tanang aspeto sa akong kinabuhi. Salamat nga ang Balaang Espiritu makabag-o sa akong kinaiya ug makahimo kanako nga angayan alang sa ginharian sa Dios. Bug-os ko nga ginatugyan ang akong kaugalingon ug tanan nga aduna ako. Salamat sa pagdawat kanako ug sa paghatag kanako sa Imong mga panalangin. Tabangi ako nga mutubo sa kaalam parte sa Balaang Espiritu. Amen*

UNSA ANG SENTRO SA ATONG MGA PROBLEMA?

Aduna bay espiritwal nga hinungdan sa atong mga problema? Nag-ugat ba kini sa kakulangan sa Balaang-Espiritu?

ANG MGA HINUNGدان SA KAKULANGON

Ang Bibliya nagatubag: “Nangayo kamo, ug wala kamo makadawat, kay sayup ang inyong pagpangayo, (suno sa unodnong hunahuna, Roma 8:5-7) aron sa pag-usik-usik niini alang sa inyong kalipayan.” (Santiago 4:2-3)

Ang atong Ginoong Jesus mahigugmaon ug mapursigehon nga nagadapit kanato nga mangayo sa Balaang Espiritu (Lucas 11:9-13). Atong nasabtan nga kinahanglan kanunay nato kining buhaton. Sa ikatulong kapitulo, ato kining tuki-on pag-ayo.

“...Sila mosulti mahitungod kang Kristo ug mahitungod sa Espiritu Santo, apan bisan pa wala makadawat sa kaayohan. *Wala nila itugyan ang kalag aron giyahan ug mandoan sa diosnon nga mga ahensiya..*”⁷

Kita naga-ampo alang sa espirituhanong pagkapukaw sa pipila na ka panahon. Kini bililhon. Si E.G. White nagpamulong, “Ang bautismo sa Balaang Espiritu ang gikinahanglan karon sa mga iglesia.”⁸ “Ngano nga wala kita nagutom ug nauhaw alang sa gasa sa Balaang Espiritu, sanglit mao kini ang paagi nga kita makadawat og gahom? Nganong wala kita gahisgot niini, gaampo para niini, ug gawali mahitungod niini?”⁹

7 Ellen G. White, *The Desire of Ages*, (1898), p. 672

8 E. G. White, *Manuscript Releases* Vol. 7 p. 267

9 E. G. White, *Testimonies for the Church* Vol. 8 (www.egwwritings.org), p. 22

Maayo nga kita naga-ampo alang sa pagkapukaw, apan dili lang dapat kita maga-ampo para niini, apan – suno kay Mark Finley – **“atong ikinabuhi ang mga Biblikal nga elemento sa pagkapukaw.”**¹⁰ Mamahimo ba nga kamo akong maimbita nga muhimo og mga tikang ngadto sa personal nga pagkapukaw? Sa kadaghanan, kini magdala kanila ngadto sa usa ka kinabuhing puno sa gahum ug katagbawan.

Sa pagsugod, gusto nato nga tukion ang problema. Gusto nato buhaton kini sa maid-id nga paagi; kon dili kuyaw nga kita magkonsidera nga ang kabag-ohan dili kinahanglanon o kon dili importante. Human niana, gusto natong tan-awon ang solusyon sa Ginoo, nga nagatanyag kanato og makalilisang nga mga panalangin ug sa katapusan, unsaon nato kini pagpatuman ug pag-eksperiensiya.

Ang atong kakulangan sa Balaang Espiritu wala nagpasabot nga ang tanan natong nabuhat ug pagabuhaton makawang lang. Adunay daghang mga niagi ug umalabot nga mga maayong plano ug programa. Ang Dios, sa pagkatinuod, naghatag og panalangin sa atong mga tawhanong pagpaningkamot. Apan unsa ka mas dako ang mga resulta ug unsa ka mas maayo ang mahimong sitwasyon, kung kita sa pagkatinuod magkinabuhi o magkinabuhing mas dool sa Balaang Espiritu – ang Dios lamang ang nakabalo niana.

Nahimo unta nga misubay niini nga direksyon ug mupadulong niana nga direksyon sa umalabot suno sa pahayag ni Henry T. Blackaby:

“Siya (Ang Dios) makahimo og mas daghang mga butang sa sulod sa unom ka bulan pinaagi sa mga katawhan nga mapahinunguron Kaniya kumpara sa atong mahimo sa saisenta ka mga katuigan nga wala Siya.”¹¹

Nagasangko kini sa pangutana mahitungod sa pagsubay sa insaktong dalan diha-diha dayon sa ilawom sa pagpangulo sa Dios nga mas epektibo (arang) ang resulta. Mao kini ang mahitabo kung kita napuno sa Balaang Espiritu.

Pananglit: Adunay usa ka nagwali. Natapos ang iyang pagsulti – mamahimo nga wala, pipila lang, daghan o tanan ang midawat sa mensahe. Kung ang kadaghanan o ang tanan nga midawat sa mensahe magkinabuhi niini, nagpasabot nga kini epektibo kaayo. Mao kini ang ginahatag sa Balaang Espiritu.

10 Mark A. Finley, *Revive us Again*, p. 25

11 Henry T. Blackaby, *Den Willen Gottes erkennen und tun (Experiencing God: Knowing and Doing the Will of God)*, (Kassel, 2002), p. 31

TULO KA GRUPO SA MGA TAWO UG ANG ILANG MGA PERSONAL NGA RELASYON SA DIOS

Ang pulong sa Dios nagahatag og kalainan taliwala sa tulo ka mga grupo sa mga tawo base sa ilang mga personal nga relasyon sa Dios. Sa sulod sa kada grupo adunay daghang nagkalain-lain nga mga bahin, nagadepende sa pagmatoto sa ginikanan, kinaiya, pagbansay sa kaugalingon, edad, kultura, edukasyon, etc. Apan bisan sa mga kalainan aduna’y **tulo lamang ka mga klase sa kinaiya ngadto sa Ginoo:**

- Wala’y relasyon – gitawag kini sa Bibliya ang tawo **sa daang kinaiya**.
- Bug-os ug tinood nga relasyon - gitawag kini sa Bibliya nga tawong **espirituhanon**.
- Nabahin ug malimbongon nga relasyon – gilarawan kini sa Bibliya nga tawo isip **unodnon o kalibutanon**.

Ang mga terminolohiya nga “daang kinaiya”, “espirituhanon” ug unodnon” sa Pulong sa Dios, dili mga ebalwasyon sa niini nga kahimtang. Kini naghulagway lamang sa personal nga relasyon sa usa ka tawo sa Dios.

Sa 1 Corinto 2:14-16 ug 1 Corinto 3:1-4, gihulagway ang kining tulo ka mga grupo. Sa pagkakaran, gusto lamang nato nga diyotayng hisgutan ang topiko mahitungod sa tawo sa daang kinaiya. Siya nagpuyo sa kalibutan. Makatabang kanato nga tan-awon sa makadali ang duha ka grupo sa sulod sa iglesya aron kita maka-amgo kung diin gayud nakatago ang problema. Pinakaimportante sa tanan nga makabalo ka kung diin nga grupo ikaw nahisakop. Ang atong pag-eksamin makatabang kanato sa paglantaw sa atong kaugalingon. Gusto nato tan-awon ang atong kaugalingong kinabuhi ug dili ang kinabuhi sa uban.

Unsa ang mga sukdananan sa pagkategorya sa kada grupo? Atoang mahibaloan nga ang sukdanan sa pagkategorya sa tulo ka grupo nabase sa personal nga pakigrelasyon sa Balaang Epsiritu.

Ang Tawo sa Daang Kinaiya

*“Karon, ang tawo sa daan nga kinaiya **wala magadawat sa mga butang sa Espiritu sa Dios**, kay alang kaniya binuang sila; ug siya dili arang makaila kanila, kay sila gigahin sa paagi nga espirituhanon.”* (1 Corinto 2:14)

Ang tawo sa daang kinaiya wala gayoy relasyon sa Balaang Espiritu. Siya nagpuyo sa kalibutan ug wala o panalagsa lang gayud nagapangutana mahitungod sa Dios.

Ang Espirituhanon ug ang Unodnon anaa sa sulod sa Iglesia

Kining duha ka grupo gipaila-ila sa 1 Corinto 2 ug 3, Roma 8:1-17 ug sa Galatia 4 ug 6. Atong timan-an nga ang **sukdanan alang sa duha ka mga grupo mao ang ilahang relasyon sa Balaang Espiritu**. Ingon niini ang sukdanan tungod kay tin-aw nga gipasabut sa Dios nga ang Balaang Espiritu mao lamang ang atong koneksyon sa langit. (The Desire of Ages, p. 322; Mateo 12:32) “Kinahanglan nga buksan ang kasingkasing alang sa impluwensiya sa Espiritu, kay kondili ang panalangin sa Dios dili madawat.”¹²

Ang Espirituhanon nga Miyembro sa Iglesia

Atong basahon ang 1 Corinto 2:15-16:

*“Apan ang **tawo nga espiritudhanon** nagahukom sa tanan; ug siya sa iyang kaugalingon dili kahukman ni bisan kinsa. Kay kinsa ba ang nakaila sa hunahuna sa Ginoo, aron sa pagtudlo kaniya? (Isaias 40:13) **Apan kita nagabaton sa paghunahuna ni Cristo.**” (Ang Biblia)*

*“Ang **nagbaton sa Espiritu** makahukom sa bili sa tanang butang, apan walay makahukom kaniya. Sumala sa gisulti sa Kasulatan, “Kinsay nahibalo sa hunahuna sa Ginoo? Kinsay makatambag Kaniya?”**Apan ania kanato ang hunahuna ni Cristo.**” (Ang Maayong Balita)*

Ang espiritudhanon nga tawo mao ang tinood nga Kristiyano. Siya gitawag nga “espirituhanon”, tungod kay siya napuno sa Balaang Espiritu. Diri usab nagpakita nga ang relasyon sa Balaang Espiritu mao ang sukdanan sa pagkategorya sa usa ka espiritudhanon nga tawo. Aduna siyay maayo ug nagatubo nga relasyon sa Balaang Espiritu. Si Jesus ang “*mao ang sentro sa iyang kinabuhi*”; kita usab usahay makasulti nga si Jesus anaa sa trono sa atong mga kasingkasing. Bug-os ug mahinungdanon nga gikomitar sa espiritudhanong tawo ang iyang kaugalingon kay Jesus ug adlaw-adlaw kini gipamatud-an pinaagi sa pagtugyan kada buntag sa iyang kaugalingon kang Jesus ug tanan nga anaa kaniya. Sa mensahe alang sa Laodicea, gitawag siya nga “init”, sa sambingay sa napulo ka ulay siya gitawag

nga “maalam”. Naghisgot usab ang Roma 8:1-17 ug ang Galatia 5 mahitungod kaniya. Siya nakaeksperiyensiya sa “*kinabuhing madagayaon*”. (Juan 10:10) o gipahayag kini ni Pablo nga: “*Sa ingon mapuno kamo sa bug-os nga kahupnganan sa Dios*” (Efeso 3:19, Colossas 2:9)

Ang Unodnong Miyembro sa Iglesya

Ang usa ka tawo mamahimong miyembro sa mubo o sa taas nga pahanon apan nagpabiling usa ka unodnong Kristiyano. Ug kung imong naamgohan nga ikaw usa ka unodnong Kristiyano sa pagkakaron, ayaw kasilo niini, apan pagkalipay, tungod nga anaa pa kay posibilidad nga bag-uon kini diha-diha dayon. Ikaw makaeksperiyensiya og dako nga kalipay pinaagi sa usa ka kinabuhing kauban ang Balaang Espiritu. Ako kombinsido nga kadaghanan sa unodnon nga mga Kristiyano wala nakahibalo nga aduna silay susama niini nga kondisyon ug nagahandom nga sila makaeksperiyensiya og dugang sa ilang pagtoo. Ang ilahang pagka-walay alamag niini kasagara dili nila sala. Hunahunaa: ikaw makaeksperiyensiya og dakong kalipay paagi sa pagkinabuhing nga naa si Kristo sa imong kasingkasing ug paagi sa Balaang Espiritu. (Si Jesus sa Juan 15:11 nagsaysay: “*ug mahingpit ang inyong kalipay.*”) Pinaagi niini nga kabag-ohan, ikaw sa anam-anam makaeksperiyensiya og kinabuhing madagayaon (Si Jesus sa Juan 10:10 – daghan pa mahitungod niini sa sunod) ug ikaw makabaton og maayong pundasyon sa paglaom alang sa kinabuhang dayon.

Pag-ampo: Amahan namo sa langit, palihog himoa akong masinugtanon sa pagpangutana sa akong kaugalingon niini nga pangutana. Kung ako usa ka unodnong Kristiyano, tabangi ako nga maka-amgo dayon. Himoa ako nga mahimong masinulondon sa tanan nga Imong gusto. Palihog giyahi ako ngadto sa usa ka malipayong kinabuhing Kristiyano – sa gisaad nga madagayaon nga kinabuhing ug ngadto sa kinabuhing walay katapusan. Palihog bag-oha ang akong kasingkasing. Salamant sa pagdungog sa akong pag-ampo. Amen.

Atong basahon ang gi-ingon ni Apostol Pablo mahitungod sa unodnong mga Kristiyano sa 1 Corinto 3:1-4: “*Ug ako, mga igsoon, **wala makasulti kaninyo, ingon nga espirituhanon**, kondili ingon nga lawasnon, ingon nga mga bata diha kang Cristo. Ginapainum ko kamo ug gatas, ug dili sa magahing kalan-on; kay kamo wala pay katakus, bisan ngani karon, kamo dili pa takus makasabut; Kay*

mga lawasnon pa kamo. Kay sa may pangabugho ug mga pagkabahinbahin diha kaninyo, dili ba kamo mga lawasnon ug wala ba kamo maglakat ingon sa gawi sa mga tawo nga lawasnon? Kay sa pag-ingon sa usa: Ako iya ni Pablo: ug ang usa: Ako iya ni Apolo; dili ba kamo mga tawo nga lawasnon?”

Tataw mo bang makita nga ang sukdanan sa pagkategorya niini nga grupo mao ang personal nga relasyon sa Balaang Espiritu? Sa pipila ka mga bersikulo si Apostol Pablo naghigot upat ka beses nga sila unodnon. Unsa ang buot pasabot sa unodnon? Nagpasabot: kini nga tawo nagkinabuhi sa gahum sa unod, nga mao ang kasagara nga kusog ug abilidad nga aduna sa tawo. Dugang niana, nagpasabot nga siya wala mapuno o dili igo ang pagkapuno sa Balaang Espiritu.

Adunay ubang mga tawo nga naghunahuna nga kini nga grupo naglangkob lamang sa mga tawo nga nagkinabuhi sa dayag nga sala. Apan kini usa lamang sa daghang mga bahin niini nga grupo. Gusto nako nga hatagan og gibug-aton nga adunay daghang mga kalainan sa sulod sa kada grupo.

Gitawag ni Pablo ang mga unodnong tawo ingon nga “minahal nga mga igsoon.” Kini nagpakita nga kini nahanungod sa mga **miyembro sa iglesia**. Si Pablo dili makasulti kanila isip “*mga espirituhang mga tawo*”. Kana nagpasabot nga: **Sila wala mapuno sa Balaang Espiritu o kulang sila sa Balaang Espiritu**. Kinahanglan sila nga pakigsultihan isip “*mga bata diha kang Kristo*.”. Kini usab nagpakita nga sila wala nagtubo diha sa pagtoo nga ila untang kinahanglan maabot. Ang usa ka tawo mamahimo nga makakaplag og kahibalo parte sa Bibliya apan walay paglambo sa espirituhang pagtubo. Ang espirituhang pagtubo naglangkob sa bug-os nga dedikasyon kang Jesus ug makanunayong pagkinabuhi diha sa Balaang Espiritu.

Daghang mga unodnong Kristiyano ang nakasinati og pagkadiskontento, kapakyasan, pagka-walay pulos o kanunay nga nagahigwaos sa espirituhang pagkinabuhi.

Mateo 7:22-23: *“Daghan ang magaingon Kanako niadtong adlaw: Ginoo, Ginoo, wala ba kami magpanagna tungod sa Imong ngalan, ug tungod sa Imong ngalan ginahinginan namo ang mga yawa, ug tungod sa Imong ngalan ginabuhat namo ang daghang mga katingalahan. Ug unya pagasaysayan Ko sila: Wala Ko gayud kamo maila; pahalayo kamo Kanako, mga mamumuhat sa kaudatan.”*

Diin nag-ugat ang problema? Si Jesus nag-ingon nga Siya wala makaila kanila. Wala silay tinood nga relasyon kang Kristo, apan usa ka nagpakaaron-ingnon nga relasyon. Mamahimo nga wala kini tinud-anay nga pagpahinungod o wala kini mapadayon. Si Jesus wala nagpuyo sa ilang kasingkasing pinaagi sa Balaang

Espiritu. Busa sila walay personal nga relasyon kang Kristo. “Busa dapat adunay dayag nga kadugtongan kauban kang Kristo...”¹³ Kanus-a wala si Kristo kanato? Ako nakabasa og mabug-at nga mga pulong mahitungod niini. Sa dili pa nako kini igapahayag, ang punto mao nga kita mamahimo nga makalingkawas gikan sa mga nahisgutang mga butang kung kita magkinabuhi kauban ang Balaang Espiritu:

“Ang espiritu nga supak ni Kristo magalimod Kaniya, bisan unsa ang propesyon. Ang mga tawo maglimod kang Kristo pinaagi sa pagsulti sa dautan, pinaagi sa sinultihang binuang, pinaagi sa mga pulong nga dili matuod ug dili maloloy-on. Sila tingali makalimod Kaniya pinaagi sa paglikay sa mga lulan sa kinabuhi, pinaagi sa pagpangita sa makasasalang kalipayan. Sila tingali makalimod Kaniya pinaagi sa pagpakig-uyon sa kalibutan, pinaagi sa dili matinahurong batasan, pinaagi sa paghigugma sa ilang kaugalingong opinyon, pinaagi sa pag-pamatarung sa kaugalingon, pagduha-duha, paghulam ug kasamok, ug pagpuyo sa kangitngit. **Niining tanan nga mga paagi sila nagpahibalo nga si Kristo wala diha kanila.**”¹⁴

Kini dali mabag-o pinaagi sa grasya sa Dios. Ato kining balikan sa ikatulo ug ikalima nga bahin.

Nganong importante sa Dios ang pagtugyan sa atong mga kinabuhi ug pagkomitar Kaniya?

Ang Pulong sa Dios nag-ingon: “Busa, mga igsoon, ginapangamuyo ko kaninyo pinaagi sa mga kalooy sa Dios, nga ihalad ninyo ang inyong mga lawas ingon nga halad nga buhi, balaan ug nahamut-an sa Dios, nga mao ang inyong katarunganon nga pagsimba.” Roma 12:1

“Ang Dios nagatinguha sa pag-ayo kanato, aron sa paghatag kanato og kagawasan [gikan sa pagpanglupig sa atong mga garbo ug sa pagkaulipon sa sala.] Pero, tungod nagkinahanglan kini og bug-os nga pagbalhin, usa ka pagbago sa tibuok natong nabatasan, gikinahanglan nga itugyan ta ang kinatibuk-ang kaugalingon Kaniya.”¹⁵ Ang atong garbo mahiubos, magselos, ma-irita, masuk-anon, etc. Gusto sa Dios nga kita makalingkawas niini nga mga batasan.

“Siya [Dios] nagadapit kanato sa pagpatugyan sa atong kaugalingon Kaniya, nga aron maka-arang Siya sa pagbuhat sa Iyang kabubut-on kanato. Kini anaa diha

13 E.G. White, *The Desire of Ages*, (1898), p. , S. 676

14 E.G. White, *The Desire of Ages*, (1898), p. S. 349

15 E.G. White, *Steps to Christ* (1892), p. 43.2

kanato kung itugyan ta ang pagpili kong molingkawas kita sa kaulipnan sa sala, aron sa pag-ambit sa mahimayaong kagawasan sa mga anak sa Dios.”¹⁶

Ang Dios nagatubag sa atong naunang pagkomitar sa pagkatawo pag-usab (Juan 3:1-21). Human niana mao ang makanunayon nga pagtugyan (Juan 5:1-17). Maghisgot kita og dugang niini sa ikatulong bahin.

Si Morris Venden naghisgot mahitungod sa pagtugyan sa atong kaugalingon sa Dios: “Walay matawag nga tipik nga pagtugyan. Dili possible kini nga klase nga pagtugyan sama lamang ka-impossible sa ideya nga maburos gamay. Buros o dili ka buros. Walay anaa sa tunga.”¹⁷

Si Ellen White naghisgot mahitungod sa adlaw-adlaw nga pagtugyan:

“Kadto lamang nga mangahimong masigkamagbubuhat kauban ni Kristo, kadto lamang nga moingon, Ginoo, ang ako nga tanan ug tibuok kong kaugalingon Imo, pagailhon ingon nga mga anak nga lalaki ug babaye sa Dios.”¹⁸

Busa, ang usa ka tawo mamahimo nga anaa sa sulod sa iglesiya apan mawala gihapon. Pagkamakasusubo! (Ginahulagway niini ang sambingay sa napulo ka mga ulay ug ang mensahe sa iglesiya sa Laodicea.)

Ngano lisod ilhon ang unodnon nga Kristiyano?

Tungod nga ang kinabuhi sa usa ka tawo nga unodnon napuno sa “relihiyon”, kasagaraan dili siya maka-amgo nga aduna’y importanteng butang nga nakulang kaniya: ang usa ka suod ug makaluwas nga relasyon sa Dios. Kung wala nato gitugotan si Kristo nga magdumala sa tibook natong kinabuhi, nan Siya gatindog lamang sa atubangan sa atong mga pultahan nga nagapanuktok (Bugna 3:20). Ug Siya nag-ingon: Kung dili kini mabag-o, igasuka Ko ikaw.

Ug aduna pay kalabutan ang usa ka butang. Pinaagi sa atong lig-ong pundasyon sa doktrina, nga nabase sa Bibliya, aduna kitay lig-on nga mga pagtuo. (Ug kita usab gustong magpabilin nga abli alang sa ubang mga panghunahuna). Aduna kitay kasiguraduhan nga kita nagatoo sa kamatuoran; nga nagpalagsik kanato. Daghan kita og maayong kahibalo. Insaktong mga butang ang atong ginasulti. Mao kini ang nagpalisud sa pag-ila sa unodnong problema. Wala ba kini kalabutan kung ako gayud nagkinabuhi kauban ang Balaang Espiritu? Kung wala, ako bang mabantayan ang kalainan?

16 E.G. White, *Steps to Christ* (1892), p. 43.4

17 Morris Venden, *95 Theses on Righteousness by Faith* (Pacific Press, 1987), p. 63

18 E.G. White, *The Desire of Ages*, p. 623

Ang usa ka pastor nagsulat: “Ako nakadawat og tawag gikan sa usa ka igsoong babaye nga nag-intra sa atong 40 ka adlaw nga pag-ampo. (Ang mga detalye mahitungod sa 40 ka adlaw nga pag-ampo nasulat sa ikalimang kapitulo). Siya nagpahayag nga nabag-o niini ang iyang kinabuhi. **Sa tibook niyang kinabuhi iyang gihunahuna kung unsa ang nakulang sa iyang espirituhanong pagkinabuhi ug karon iya nang nahibal-an – ang Balaang Espiritu.** Tani imong nadunggan ang iyahang pagpamatuod. Siya miingon nga sa unang higayon sa iyang kinabuhi, iyang namatikdan nga aduna na siyay relasyon sa Dios... Ang uban usab nakamatikod sa mga pagbag-o sa iyang kinabuhi.”¹⁹ Atong makita nga ang usa ka tawo makabantay nga anaay kulang sa iyang kinabuhi, apan wala mahibalo kung unsa. Daghan ang gusto makabaton og dugang ug wala mahibalo kung unsa o unsaon pag-angkon niini.

Ako mapasalamaton nga gigamit ang pulong nga “gihapon” katulo kabeses sa 1 Corinto 3:1-4. *“Kay nagkinabuhi man **gihapon** kamo ingon nga mga tawong kalibotanon.”* Kini nagpamatuod kanato nga posible nga ang tawong unodnon mamahimong tawong espirituhanon. Walay bisan kinsang kinahanglan nga magpabiling unodnon. Tungod kay siya anaa sulod sa iglesiya, aduna siyay dako nga higayon nga maka-amgo niini ug bag-ohon kini. Atong pagahisgutan sa unahan kung unsay paagi nga mahimo kang espirituhanon.

Ang usa ka bahin nga atong hunahunaon mao ang kasina ug panag-away nga gihisgutan sa Maayong Balita: *“...Anaa pa kaninyo ang kasina ug panagbingkil.”* Kini nga kinaiya nagpamatuod kay Pablo nga wala nagkinabuhi paagi sa Balaang Espiritu ang mga unodnong mga miyembro, sila hinoon nagabuhat sama sa unodnong mga tawo. Ang ilahang mga binuhatan susama sa tawo sa daang kinaiya nga natabunan sa pagpakarelihiyoso. Nagpasabot ba kini nga ang mga tensyon sa sulod sa iglesiya naga-ugat sa mga unodnong-panghunahuna sa mga miyembro? (Tan-awa ang Judas bersikulo 19) Dili ba sa panahon ni Jesus adunay panagsangka ang mga Pariseo ug Saduseo? Nagpasabot kini nga bisan kaniadto ang mga konserbatibo ug mga liberal o progresibo aduna nay tensyon. Ang usa ka grupo hilabihan ka partikular ug ang pikas hilabihan ka lu-ag. Apan ang duha kumbinsido nga sila adunay insakto nga interpretasyon sa Bibliya ug kinaiya.

Apan si Jesus nagpakita kanato nga ang duha ka grupo unodnon, nagpasabot nga sila wala mapuno sa Balaang Espiritu. Ug ang sama nga butang posible sa atong panahon karon. Ang mga konserbatibong Kristiyanon mamahimong unodnon sa gihapon.

19 Email ngadto kang H. Haubeil – nadawat niadtong Pebrero 15, 2012

”Busa hangyoon ko kamo, mga igsoon, tungod sa mga kalooy sa Dios, sa pagtugyan sa inyong mga lawas ingon nga halad nga buhi, balaan ug hinangponon sa Dios, ang halad nga mao ang inyong espirituhanong pagsimba.”

Subo man, apan ang mga tao karon kasagara nagatan-aw gamit ang antepara sa “pagkakonserbatibo o pagkaliberal/progresibo.” Ang kaayuhan mao nga ang nagalantaw mugawas nga maayo. Apan, tungod sa biblikal nga pagkategorya sa “unodnon ug espirituhanon,” kita gihagit sa pagbuhat og espirituwal nga pagkilatis. Ato kining buhaton alang sa atong ikaayo. Hinuklogi ang tataw nga giingon sa Dios kanato sa Galatia 6:7-8:

“...Ang ipugas sa tawo mao usay iyang anihon. Kon magtanom siya diha sa uma sa lawasnon niyang mga tinguha, gikan niini maani niya ang kamatayon; kon magtanom siya diha sa uma sa Espiritu, maani niya gikan sa Espiritu ang kinabuhing walay kataposan.”

Ang tawong unodnon gusto nga musunod kay Jesus ug gusto maghatag og kahimut-an Kaniya, apan wala niya matugyan ang tibook niyang kinabuhi kang Jesus o siya mibalik sa pagpakasala. (Galatia 3:3, Bugna 2:4-5). Nagpasabot nga, basi, wala niya damha, nga gusto niya magkinabuhi suno sa kabubut-on sa Dios **ug** sa iyang kaugalingong handom nga **dungan**. Apan dili kini mamahimo. Sa katapusan, siya naga-aswat sa iyang kaugalingong kinabuhi paagi sa iyang mga kamot. Sumala sa isa ka panultihon, aduna’y duha ka kalag nga nagpuyo sa iyang dughan. Mapadala ba sa Dios ang Balaang Espiritu sa sama niini nga estado? Ang Santiago 4:3 naghatag og tubag: *“Nangayo kamo, ug wala kamo makadawat, kay sayup ang inyong pagpangayo.”* Ako miabot sa konklusyon nga kini nga klase nga pagpangayo nagpakita og unodnong batasan. Dili ba makapadako sa garbo ang pagtubag sa susama niini nga paghangyo? Kini usab nga miyembro sa iglesia nagakinabuhi pinaagi sa normal nga tawhanong gahum ug abilidad. Sa Bugna 3:16 gitawag kini nga “alabaab”ug sa Mateo 25 “boangboang”.

Ngano gitawag ni Jesus ang mga unondnong miyembro nga alabaab?

Ngano nga kadaghanan sa mga Kristiyano adunay kakulangan sa eksperyensiya kauban ang Balaang Espiritu? Aron matubag kini nga pangutana, kinahanglan nga tan-awon usa nato ang panghitabo sa Laodicea. Ngano gitawag ni Jesus ang mga tumutoo sa iglesiya sa Laodicea nga alabaab? Siya naghatag kanato og tataw nga tima-ilhan: *“Tan-awa, nagatingdog Ako sa pultahan ug nagatuktok”* (Bugna 3:20) Si Jesus wala sa sentro sa ilang kinabuhi apan sa gawas. Siya nagtindog sa gawas sa pultahan. Ngano nga wala siya misulod? Tungod kay wala Siya gi-imbatar. Wala Siya nagapamuwersa nga musulod tungod kay Iyang ginarespeto ang atong kagawasan sa pagpili.

Nganong ginabilin sa mga tumutuo si Jesus sa gawas sa pultahan? Adunay nagkalain-lain nga mga hinungdan ug rason niini. Ang uban gakinabuhi lamang sa puro nga intelektwal nga panghunahuna sa ilahang espirituhanong kinabuhi, sama sa escriba nga si Nicodemo, ug wala makasabot kung unsa gayud ang Kristiyanong pagkinabuhi. (Itandi sa Juan 3:1-10). Alang sa uban, hilabihan kamahal ang “presyo” sa pagkatinun-an, ug dako kaayo ang ilang biyaan, sama sa “batan-ong dato nga magmamando”. (Itandi sa Mateo 19:16-24) Ang pagsunod kang Jesus nagkinahanglan og paglimod sa kaugalingon ug kagustuhan sa pagbag-o sa kinabuhi (itandi sa Mateo 16:24-25) ug bug-os nga pagtugyan sa kaugalingon sa Ginoo (Roma 12:1). Ang pagpasagad – ang walay igong oras sa personal nga panag-uban kay Jesus mao ang hinungdan nga si Jesus nagpabilin sa gawas.

Akong utrohon: ang rason sa pagka-alabaab sa Bugna 3:20 mao ang *“Tan-awa, nagatingdog Ako sa pultahan ug nagatuktok.”* Si Jesus wala sa sentro sa ilang kinabuhi, apan Siya anaa lamang sa gawas o gipadaplin. Busa ang pagka-alabaab adunay koneksyon sa personal nga relasyon kang Kristo. Sa laing bahin, ang tawong hintungdan dili kinahanglang alabaab sa kinatibuk-an.

Pananglitan ang usa ka tawo mamahimong mamuhunan para sa iyang bukasyon apan mapasagdan ang iyang asawa. Siya komitado sa iyang trabaho apan alabaab sa iyang kaminyoon. Ang usa ka tawo mamahimo nga usa ka komitado nga miyembro sa iglesiya, usa ka makugihon nga pangulo o pastor o presidente apan alabaab sa iyang relasyon kay Kristo. Ang usa ka tawo dedikado sa pagbuhat sa daghang mga buluhaton apan napasagdan ang personal nga relasyon kang Kristo. **Mao kini nga klase nga pagka-alabaab ang gusto tangtangon ni Jesus.** Makasusubo nga ang usa ka tawo nagkapuliki sa buhat sa

Dios (sa sulod sa simbahan ug sa kamisyunan) apan iyang napasagdan ang Dios sa buhat.

ANG SAMBINGAY SA NAPULO KA MGA ULAY

Unsa ang ginapakita sa sambingay ni Jesus mahitungod sa napulo ka mga ulay kung ikonektar sa espirituhanon ug unodnong mga miyembro sa iglesiya?

- Tanang napulo mga ulay
- Tanan adunay Biblikanhong pagtoo
- Ang tanan adunay lamparahan
- Ang tanan adunay Bibliya
- Ang tanan nisugat sa nubyu
- Ang tanan naghulat sa ikaduhang pagbalik
- Ang tanan nakatulog
- Ang tanan nakadungog sa pagtawag ug nakamata
- Ang tanan nagpreparar sa ilahang lamparahan
- Ang tanan nga lamparahan nagasiga
- Tunga lang kanila ang nakamatikod nga hapit na mapalong ang ilang lamparahan

Ang tanan nag-andam sa ilang lamparahan ug **ang tanan lamparahan nagasiga; apan nagkinahanglan og lana ang gasigang lamparahan. Ang enerhiya nagamit na.** Sa wala madugay, ang lima kanila nakabantay nga **ang ilahang mga lamparahan hapit na mapalong.** Ang mga lamparahan sa mga boangboang nga mga ulay nga nagsiga sa hamubo lang nga panahon nagpakita kanato nga aduna silay nakuha sa Balaang Espiritu. Apan dili kini igo. Adunay gamay nalang kaayo nga lana. **Mao lamang kini ang kalainan.**

Miabot ang lima og mihangyo nga pasudlon, si Jesus mitubag: **“Wala Ako makaila kaninyo.”** Sila naulahi sa pag-atiman sa ilang mga lana, ang Balaang Espiritu. Ang pultahan nagpabiling sirado.

Ang pahayag ni Jesus nagpakita nga ang Balaang Espiritu adunay kalabutan sa atong personal nga pakigrelasyon Kaniya. Si kinsa nga dili mutugot nga mandoan sa Balaang Espiritu, dili paga-ilhon ni Jesus. Sa Roma 8:8-9 naga-ingon: *“Ug kadtong mga anaa sa unod, dili makapahimuot sa Dios... Apan kong adunay tawo nga wala magbaton sa Espiritu ni Cristo, kini siya dili Iya.”*

Sa pagkatinuod, kita makabaton **lamang** og tinood nga personal nga relasyon kay Jesus pinaagi sa Balaang Espiritu. Ang 1 Juan 3:24 nagasaysay: *“...Ug niini nahibaloan ta nga Siya [Jesus] nagapadayon kanato, tungod sa Espiritu nga*

gihatag Niya kanato.” Nagpasabot kini nga ang pasalig kanako nga ako napuno sa Balaang Espiritu mao usab ang pasalig nga ako anaa kay Jesus ug Siya anaa kanako.

Mao kini ang eksaktong eksperyensiya niadtong igsoong babaye nga nagpakigbahin sa 40 ka adlaw nga pag-ampo. Pinaagi sa presensya sa Balaang Espiritu sa iyang kinabuhi, siya nakaeksperyensiya og relasyon sa Dios sa pinasahi nga pamaagi ug namatikdan sa uban ang kabag-ohan sa iyang kinabuhi. Nagsulat ang usa ka igsoong babaye sa Southern Germany pagkahuman sa pagtoon niini nga balasahon: “Kauban sa libro nga *‘40 Days – Prayers and Devotions to Prepare for the Second Coming’* ni Dennis Smith ug kini nga balasahon nahimong dako ug dugay nang gihulat nga panalangin sa akong kinabuhi. Sama usab sa ubang mga miyembro sa iglesiya ug sa na-eksperyensiyahan sa usa ka igsoong babaye sa among simbahan, adunay kulang pirmi sa among kasinatian sa pagtoo ug karon nahatagan kami sa pribilehiyo nga maeksperyensya kung giunsa pagsulod ni Kristo sa among mga kinabuhi; ug kini nagsugod sa pagbag-o kanamo. Nagapadayon ang Iyang pagbag-o kanamo ug anam-anam kami nga ginapadool Kaniya.”²⁰

Ang usa ka igsoong lalake nagsulat: Ang balasahon nga Mga Tikang Ngadto sa Personal nga Pagkapukaw nagtandog kanako pag-ayo. Ang kapitulo bahin sa napulo ka mga ulay ilabina sa Roma 8:9b: *‘Apan kong adunay tawo nga wala magbaton sa Espiritu ni Cristo, kini siya dili Iya’* nagkurat kanako. Diha diha dayon, akong napamalandongan nga dili ako sigurado kung anaa ba kanako ang Balaang Espiritu ug kung Siya ba nagalihok kanako, tungod kay kulang kanako ang mga katugbang nga mga “bunga”sa akong kinabuhi. Niining Sabado sa hapon akong nahuman ang balasahon ug nabati nako ang usa ka lawom nga kagool. Dayon akong gibasa ang pag-ampo sa pahina 108 ug ang usa ka lawom nga paghandom miusbong diha kanako nga dawaton ang Balaang Espiritu, aron nga ang akong kasingkasing mabag-o ug ang Dios Amahan magbag-o kanako sumala sa Iyang kabubut-on... Salamat sa balasahon ug sa mga pulong nga nagtandog pag-ayo kanako.” A.P.

Ang pinakadakong trahedya alang sa usa ka unodnon nga Kristiyano mao ang dili maka-angkon sa kinabuhing dayon kung ang iyang kondisyon dili magbag-o. Ang Roma 8:9b nag-ingon: *“Apan kong adunay tawo nga wala magbaton sa Espiritu ni Cristo, kini siya dili Iya.”*

Alang sa pagsuma: Ang labing mahinungdanong kalainan sa espirituhanon ug unodnon nga miyembro sa simbahan nagalangkob sa Balaang Espiritu. Ang

20 Email gikan niadtong Marso 31, 2013

espirituhanon nga Kristiyano puno sa Balaang Espiritu. Ang unodnon nga Kristiyano wala o kulang ang pagkapuno sa Balaang Espiritu.

Kung ikaw naka-amgo nga ikaw usa ka unodnong Kristiyano, ayaw kasuko. Ang Dios nagahatag kanimo og tambal: Ang Balaang Espiritu.

Sa ubang grupo, gihatagan pag-ayo og gibug-aton ang Balaang Espiritu; sa pikas bahin ang ubang mga grupo wala gitagad ang Balaang Espiritu. Tani nga ang atong mahal nga Dios magtabang kanato nga musunod sa Iyang Balaang Pulong, ug dili sa too ukon sa wala.

ANG PAGTANDI: ANG NAHAUNANG IGLESIYA UG ANG IGLESIYA SA ULAHING MGA ADLAW

Kung atong itandi ang nahaunang iglesia sa iglesia sa atong panahon, atong ma-obserbahan nga ang nahaunang iglesia naglangkob kasagaraan sa mga espirituhanon nga mga tawo. Ang libro sa Buhat nagpakita nga mao ni ang rason sa ilang paspas ug positibo nga kalamboan. Wala silay lain nga tabang. Apan anaa kanila ang Balaang Espiritu. Kita adunay labing maayo nga tabang. Apan kita nagkulang sa Balaang Espiritu.

Dumduma ang gisulti ni A.W. Tozer: “Kung gikuha ang Balaang Espiritu sa atong iglesia karon, 95% sa atong mga binuhatan magpadayon apan walay bisan isa nga makamatikod sa kalainan. Kung ang Balaang Espiritu gikuha niadtong panahon sa nahaunang iglesia, 95% (nagpasabot kini nga halos kinatibuk-an) sa ilang mga binuhatan muundang ug ang tanan makamatikod sa kalainan.”²¹

Ato na bang natun-an nga magkinabuhi nga wala ang Balaang Espiritu? Ang iglesia ba sa atong panahon naglangkob og mga unodnong Kristiyano?

Isip resulta, kita ba kasagara walay gahom ug sa dakong bahin, walay kadaugan? Aduna bay kalabutan ang unodnong kinaiya sa kamatuoran nga aduna kitay hinay nga pagtubo sa iglesia sa kadaghanang mga lugar? Ang mga seryosong problema sa daghang bahin nagikan ba sa unodnong kinaiya? Mas ato pa gayong mamatikdan nga ang atong mga personal ug nagkaparehos nga mga sentrong problema mao ang kakulangan sa Balaang Espiritu. Sa personal nga bahin dali nato kining mabag-o sa tabang sa Ginoo.

21 Dr. S. Joseph Kidder, *Anleitung zum geistlichen Leben* (Andrews University), PPP Folie 2

Ang musunod nga pahayag nga gi-asoy alang sa mga ministro ma-aplikar pud sa tanan.

Si Johannes Mager nagpamulong: “Si Pablo naghatag og kalainan sa espirituhanon ug unodnong Kristiyano, taliwala sa napuno sa Balaang Espiritu ug sa mga wala naghatag og lugar alang sa Balaang Espiritu sa ilahang kinabuhi: nabautismohan sa Balaang Espiritu, apan wala mapuno sa Balaang Espiritu.

Alang sa ministro kini nagpasabot nga: Mamahimo nga aduna akoy maayong pagbansay sa teolohiya, eksperto sa mga Biblikal nga mga linggwahe ug hanas na sa pagbansaybansay sa mga kahubitan; Ako mang nadawat ang dagkong kamatuoran sa Bibliya sa intelektwal nga aspeto ug nasabtan kini ug hanas usab sa dogmatiko nga mga teolohiya sa nagkalain-lain nga mga siglo; mamahimong aduna akoy maayo nga pagsabot sa mga *homiletics* ug magwali og matitud-anon ug tukma sa panahon nga mga topiko – ug bisan pa sa akong kahibalo ug mga talento apan mamahimo nga wala ako mapuno sa Balaang Espiritu. Ang mga libro, edukasyon, maayo nga mga kagamitang teknikal, bisan pa ang karisma makahulip sa kinabuhi nga kulang og Espiritu.

Ang pagwali, pag-ampo sa publiko, pag-organisa og programa sa simbahan, pag-andam og programa sa pag-ebanghelyo, paghatag og paglaygay – kining tanan matun-an ug pwede buhaton bisan wala ang Balaang Espiritu. Si Ellen White naghulagway niining delikado nga posibilidad: “Ang rason ngano nga diyutay ang pagpadayag sa Espiritu sa Dios tungod kay natun-an sa mga ministro nga magbuhat bisan wala niini.” (E.G. White, *Testimonies for the Church*, Volume 1, (1868), p. 383.1)

Si Johannes Mager, usa ka pastor, ibanghilista ug propesor sa sistematiko nga teolohiya sa daghang mga katuigan. Ang ulahi niyang posisyon mao ang pagka-sekretarya sa ministerial nga departamento sa *Euro-African Division* (Karon: *Inter-European Division*) sa Bern, Switzerland. Siya karon mingretiro na ug nagpuyo sa Friedensau, Germany.²²

Sa pagsuma: Ang pagka-unodnon nagpasabot nga pagkinabuhi sa normal nga tawhanong gahum ug abilidad nga wala ang Balaang Espiritu ukon kulang sa ka-abunda sa Balaang Espiritu.

22 Johannes Mager, *Auf den Spuren des Heiligen Geistes (Following the Steps of the Holy Ghost)*, (Lüneberg, 1999), pages 102-103.

ANG BABAG SA UNODNONG KRISTIYANISMO

Ang hilabihang maayong pamatasan sa Bibliya – ang paghigugma sa kaaway, pagpasaylo sa mga tawo sa tanang butang, pagbuntog sa sala, etc. – mamahimo nga makab-ot pinaagi lamang sa gahum sa Balaang Espiritu, dili paagi sa tawhanong paningkamot. Kini nagpakita kanato nga ang pinakasentro sa problema sa unodnong Kristiyanismo mao ang pagkinabuhi pinaagi lamang sa tawhanong kusog. Dili nato mabuhat ang kabubut-on sa Dios pinaagi lamang sa atong kaugalingong kusog. Magbasa kita og pipila ka mga bersikulo sa Bibliya mahitungod niini nga topiko:

Isaias 64:6 : *“Ug ang tanan **nato** nga pagkamatarung ingon sa usa ka saput nga nahugawan.”*

Jeremias 13:23: *“Makailis ba ang Etiopiahanon sa kaitum sa iyang panit, kun makailis ba ang leopardo sa iyang mga kabang? nan makabuhat ba usab kamo og maayo nga naanad sa pagbuhat og dautan.”*

Ezekiel 36:26-27: *“Hatagan Ko usab kamo sa usa ka bag-o nga kasingkasing, ug ang usa ka bag-ong espiritu igabutang Ko sa sulod ninyo; Ug igabutang Ko ang Akong Espiritu sa sulod ninyo, ug palakton Ko kamo sa Akong kabalaoran, ug kamo magabantay sa Akong mga tulomanon, ug magatuman kanila.”*

Roma 8:7: *“Kay ang hunahuna sa unod maoy pagpakig-away batok sa Dios; kay kini dili magpasakup sa Kasugoan sa Dios, ug **dili gayud mahimo kini.**” Ug sa Maayong Balita: “Busa ang tawo kaaway sa Dios kon maghunahuna siya kanunay sa mga butang tawhanon, kay dili man siya motuman sa sugo sa Dios ug **dili gayod siya makatuman niini.**”*

Si Ellen White tataw ug tukma nga nagasaysay:

*“Siya nga nagapaningkamot nga maabot ang langit pinaagi sa iyang kaugalingong binuhatan sa pagbantay sa kasugoan, nagasulay sa usa ka imposibilidad. Ang tawo dili maluwas kung walay pagtuman, **apan ang iyang mga binuhutan dili magagikan sa iyang kaugalingon; Si Kristo mao dapat ang nagabuhat diha kaniya sa pagbuot ug sa pagbuhat usab, alang sa iyang maayong kahimut-an.**”²³*

Sa akong hunahuna, kini nga mga reperensiya igong nagpakita nga kita dili makahimo sa kabubut-on sa Dios kung wala ang Balaang Esiritu. Ang atong labing mahinungdanong tumong mao nga kita kanunay nagkinahanglan nga maghimo

og desisyon alang sa kabubut-on sa Dios ug ang Dios maghatag og kusog aron nga maipatuman kini. Kini nga pagsabot sa doktrina sa pagkamatarong paagi sa pagtoo hilabihan kaimportante ug makahatag og kagawasan. Apan dili kini madetalye diri.

UNSA ANG POSIBLENG MAHITABO KUNG ANG USA KA TAWO MUSULAY NGA MAGBUHAT OG BUTANG NGA LABAW SA IYANG KUSOG?

Unsay kasagara mahitabo kung ako maka-amgo: Dili nako ni kaya! Napakyas na usab ako! Sa akong hunahuna, kita madismaya.

Sa akong hunahuna, kini nga problema kasagaraan mahitabo sa mga batan-on kumpara sa mga hamtong. Ang mga hamtong naanad sa mas dagko nga mga obligasyon, pagtuman sa sulod sa panimalay, tulunghaan ug negosyo. Busa sila dili dali mahasol sa mga makadismaya nga mga panghibato kumpara sa mga batan-on. Apan ang problema nagakahitabo mapabatan-on man o mapahamtong. Apan mas matin-aw nga gakamatikdan kini sa mga batan-on. Ang pagsubay sa dalan sa pagtoo pinaagi sa ilang kaugalingong kusog mao ang pinakalabaw sa tanang problema sa mga unodnong mga Kristiyano, namatngonan man niya o wala.

Unsaon pagsulbad niini nga problema? Ang usa ka tawo mamahimo nga mag-ampo pag-ayo alang sa tabang sa Dios ug modesisyon nga maningkamot pa gayud pag-ayo. Ang lain na man nga tawo maghunahuna nga dili kita dapat magbaton og pig-ot nga panghuna-huna. Ug siya magsugod paghimo sa mga butang sa kaswal nga paagi ug mas makabati siya og kagawasan. Ang uban mubiya gayud sa iyang pagtoo ug mas gaan iyang pamati paghuman. Apan ang problema mao nga kining tataw nga mga solusyon dili mao ang tinood nga solusyon, tungod nga ang mga sangputanan niini muabot gayud sa dili madugay. Ang insaktong pamaagi mao ang pagseryoso sa balaod sa Dios, tungod nga kini gihatag pinaagi sa gugma ug para sa atong kaugalingong kaayohan. Apan, kita nanginahanglan og kusog gikan sa Dios alang niini. Ang insaktong pamaagi mao ang pagkinabuhi pinaagi sa gahum sa Balaang Espiritu nga adunay nagatubong kalipay, kadasig, kusog, pagkamabinungahon ug kadaogan.

ANG SENTRONG PROBLEMA

Sa akong hunahuna, ato nang napuntok nga adunay dakong kalabutan niini ang unodnong Kristiyanismo. Dili ba mas nagkaklaro pa gayud ngano nga si Jesus wala makauyon sa mga init-init, bugnaw-bugnaw nga mga sumusunod? Wala sila nagakinabuhi sa abundansiya suno sa gusto ihatag sa Dios kanila ug sila dili maayo nga panig-ingnan bisan nga ang kasagara kanila wala makahibalo niini. Ang problema mas seryoso pa kaysa sa atong gihunahuna. “Ang tap-haw nga mga Kristiyano mas daotan pa kaysa sa mga dili magtutuo; tungod nga ang ilang mga malimbongong pulong ug ang ilang posisyon nga dili mukomitar musalaag sa kadaghanan.”²⁴

Sa libro nga *Christ our Righteousness* ni Arthur G. Daniells, atong mabasa ang musunod:

“... Apan ang pormalismo hilabihan ka-malimbongon ug makadaot. Kini tinago, wala damha nga pangpang, sa diin ang iglesiya nahulga nga mabusdag sa makadaghan nga beses, sa tibuok nga kasiglohan. Si Pablo nagpasidaan kanato niining ‘dagway sa pagkadiosnon’ nga kung wala ang gahum sa Dios [ang wala pagkapuno sa Balaang Espiritu] mahimong usa sa mga peligro sa ulahing mga adlaw ug gi-awhag kita nga dili madala niining hayahay ug makapanglimbong sa kaugalingon nga kinaiya.”²⁵

Mga Posibleng Butang nga Nagresulta ngadto sa Unodnong Kristianismo

Ang mga musunod nga mga butang o hinungdan nagresulta ngadto sa unodnong Kristiyanismo:

1. **Kakulangan sa kasinatian**— Wala nato gipahinungod sa insakto ang atong mga kaugalingon sa tupiku nga >>pagkinabuhi uban ang Balaang Espiritu<< o wala nato nakaplagan ang yawe alang sa pagkinabuhi niini.
2. **Ang pagkawalay pagtoo o gamay nga pagtoo** - Ang pagkapuno sa Balaang Espiritu nagkinahanglan sa bug-os nga pagtugyan sa atong mga kinabuhi diha kang Jesu Kristo. Kini usab mamahimo nga mahitabo tungod sa kakulangan sa kasinatian, o basin kita nahadlok nga lahi ang

24 EGW Letter 44, 1903, quoted in *Adv. Bible Commentary*, Vol. 7, p. 963 on Rev. 3:15-16

25 Arthur G. Daniells, *Christ our Righteousness*, p. 20

igiya sa Dios kanato kaysa sa atong gusto. Kini nagpasabot nga wala kitay igong pagsalig sa Iyang gugma ug kaalam.

3. **Sayop nga mga Ideya** – Ang usa ka tawo makahunahuna nga sila puno sa Balaang Espiritu, bisan sa pagkatinuod, wala gayud sila ukon kulang. Mao kini ang kasagara nga problema.
4. **Hilabihang pagkapuliki** - Ang mga tawo nagpas-an og dakong lulan nga nagdala kanila ngadto sa panghunahuna nga wala na o dili igo ang ilang panahon sa pagpadayon sa pakigrelasyon kay Kristo. O sila gagahin og panahon, apnan walay pag-uswag sa ilang koneksyon sa Dios.
5. **Tinagong mga Sala**, mamahimo kini nga kawad-on sa pagpasig-ulisusama kini sa *short circuit*, nagpasabot nga walay koneksyon sa gahum sa Dios.
6. **Nagabuhat sumala sa ilang gibati**. Ang Pulong sa Dios nag-ingon: *“Ang matarung mabuhi tungod sa pagtoo.”* Nagabuhat ba ako og desisyon pinaagi sa pagsalig sa Dios o suno sa akong gibati? Kini nga pahayag gikan kang Roger Morneau nakapadani kanako: *“Ang mga espiritu nagpadasig sa mga tawo nga mamati sa ilang mga gibati kaysa sa pulong ni Kristo ug sa Iyang mga propeta. Wala nay laing mas sigurado nga paagi nga ang mga espiritu makagahum sa kinabuhi sa mga tawo sa paagi nga dili mamatikdan sa hingtungdan nga tawo.”*²⁶

Ngano kinahanglan nako mangayo sa Balaang Espiritu bisan nga ako puno na sa Balaang Espiritu?

Sa usa ka bahin, ang Balaang Espiritu gihatag kanato aron magpabilin kanato. Sa pikas nga bahin, dapat kita magmapinadayonon sa pagpangayo sa Balaang Espiritu uban sa pagtoo. Unsaon nato pagsolbad ang tataw nga pagsumpaki-ay?

Sa usa ka bahin:

Si Jesus nagpamulong sa Juan 14:17: *“Kay Siya (Ang Balaang Espiritu) nagapuyo man uban kaninyo, ug maanha Siya sa sulod ninyo.”* Ang Buhat 2:38 nag-ingon: *“...Paghinulsol kamo, ug pabautismo kamo...ug madawat ninyo ang gasa nga Espiritu Santo.”*

26 Roger Morneau, *A Trip into the Supernatural*, Review and Herald 1982, p.43

Sa pikas bahin:

Niadtung si Jesus nagtudlo mahitungod sa pag-ampo, Siya naghisingot sa Lukas 11:9-13: *"...Pangayo, ug kamo pagahatagan...unsa pa gayud ka labaw pa sa langitnong Amahan nga mohatag sa Espiritu Santo ngadto sa mga nagapangayo Kaniya?"* Ang Efeso 5:18 nagpamulong: *"...magpapuno hinoon kamo sa Espiritu."* Sa duha ka mga teksto, sa orihinal niini nga Griyegong pinulongan, nagpasabot og padayon nga paghangayo.

Solusyon:

Si Ellen White nagpamulong: "Apan ang pagpalihok sa Espiritu kanunay nga nahiuyon sa sinulat nga pulong. Sumala sa natural mao usab ang sa espirituhanon nga kalibutan. Ang natural nga kinabuhi gina- preserbar sa matag takna sa diosnon nga gahum; apan kini wala alimahi pinaagi sa direkta nga milagro, kondili pinaagi sa paggamit sa mga panalangin nga gipahimutang sa dapit nga atong makab-ot. Busa ang espirituhanon nga kinabuhi ginaalimahan pinaagi sa paggamit niadtong mga paagi nga gisangkap sa Dios. Kong ang sumosunod ni Cristo gustong motubo "sa pagkahamtong sa pagkatawo, sa sukod sa gidak-on sa kahupnganan ni Cristo" (Efeso 4:13), siya dapat magakaon sa tinapay sa kinabuhi ug magainom sa tubig sa kaluwasan, kinahanglan siya nga magtukaw ug mag-ampo ug magbuhat, diha sa tanang mga butang nga magatagad sa mga pahimangno sa Dios diha sa Iyang pulong."²⁷

Nadawat nato ang kinabuhi sa panahon nga kita nahimugso. Sa pagpatunhay niining kinabuhia kinahanglan kita mukaon, muinom, mag-ehersisyo, etc. Mao usab sa atong espirituhanong pagkinabuhi. Anaa kanato ang Espiritu Santo sa panahon sa atong bautismo sa tubig ug sa Espiritu (pagkatawo pag-usab) aron kini nga espirituhanong pagkinabuhi magpabilin sa tibook natong kinabuhi. Aron mapatunhay kining espirituhanong pagkinabuhi kinahanglan nga gamiton nato ang mga espirituhanong pamaagi nga gihatag sa Dios: ang Balaang Espiritu, ang Pulong sa Dios, pag-ampo, ang atong pagpamatuod, etc.

Si Jesus mi-ingon sa Juan 15:4: *"Pabilin kamo Kanako ug Ako magpabilin kaninyo."* Si E.G. White nagsulti mahitungod niini: *"Ang pagpabilin diha kang Kristo nagakahulogan sa makanunayon nga pagdawat sa Iyang Espiritu, usa ka kinabuhi sa walay reserba nga pagtugyan sa Iyang serbisyo."*²⁸

Mao nga kinahanglan nga adlaw-adlaw kita mangayo sa Espiritu Santo pinaagi sa pagtoo ug pagtugyan sa atong mga kaugalingon sa Dios kada buntag, sa tanan nga anaa kanato ug sa atong kinatibok-ang pagkatawo.

27 E.G. White, *The Acts of the Apostles*, (1911), p. 284.2

28 E.G. White, *The Desire of Ages*, (1898), p. 676.2

ASA AKO NAGATINDOG?

Karon ang labing importante nga atong mahibal-an kung asa kita nga grupo nahisakop. Asa ako nagatindog?

Sa nag-edad ang akong pinanggag inahan og 20 anyos, siya mitubag sa pangutana sa usa ka lalaki pinaagi sa pagsulti nga wala siyay interes sa pagtoo. Ug ang lalaki mingtubag: Ug kung ikaw mamatay sa kagabhi-on? Kini nga batbat nag-igo pag-ayo kaniya. Apan naghatod kini og positibo nga epekto. Nagdala kini kaniya sa desisyon nga dawaton si Jesus ug ang Iyang iglesiya. Basi kini nga pangutana mutabang usab kanimo:

*Ipakaingon... namatay ka karon...! (atake sa kasingkasing? askidente?)
Aduna ka bay kasiguraduhan sa kinabuhing dayon diha kang Jesu Kristo?
Ayaw pagpabilin nga walay kasiguraduhan.*

Usa ka Butang nga Maka-alarma

Ako na-alarma samtang ako nagsugod sa pagsabot sa kadako niini nga problema. Ako naghunahuna ug nag-ampo kung akoa bang e-apil kini nga parapo. Akong gikuha kini nga kahigayonan tungod kay aduna kini kalambigitan sa atong kalipayan karon nga kinabuhi ug sa kinabuhing dayon, ug labi na gayud sa impluwensiya sa kaminyoon ug sa pamilya, sa simbahan ug sa panginabuhi. Wala ako nakahibalo kung skang kinsa kini nasibo. Apan gusto ko makatabang sa mga tawo nga nanginahanglan niini, tungod nga ako natabangan usab niini. Hilabihan kaimportante sa tanan nga unodnon nga maka-amgo niini; kon dili, siya dili mabag-o sa tabang sa Dios. Ang Dios, sa Iyang gugma, naghandom nga panalanginan kita pag-ayo pinaagi sa usa ka suod nga relasyon diha kang Jesu Kristo pinaagi sa Espiritu Santo. Ang resulta mao nga malikayan ang dakong kawad-on ug ang dili masukod nga panalangin maeksperiyensihan. Ug ang hilabihan ka maayong butang mao nga dali nato matambalan ang sitwasyon pinaagi sa tabang sa Dios. (Ang dugang nga detalye anaa sa mga kapitulo 3 ug 5)

Ang problema sa unodnong Kristiyanismo nahulagway sa Bibliya sa nagkalainlain nga paagi. Ang tagsa-tagsa nga grupo ug ang mga tawo niining mga grupoha mamahimo nga adunay nagkalain-lain nga pangunang punto, apan ang sentro nga problema parehos. Ang nagkalain-laing paghulagway mao:

- **“magkinabuhi uyon sa unod”** – Roma 8:1-17; 1 Corinto 3:1-4, Galatia 5:16-21 ug uban pa nga mga teksto
- **“boangboang”**- ang sambingay sa napulo ka mga ulay sa Mateo 25:1-13
 “Ang estado sa Iglesiya nga ginarepresentahan sa mga boangboang nga mga ulay, gitawag usab nga pagka-Laodicea.”²⁹
- **“Alabaab”**- ang sulat sa Laodicea Bugna 3:14-21
 “*Buot Ko unta nga magmabugnaw ka o mag mainit.*” (Bugna 3:15)
 Dili ba kini makatilingala? Mas pilion pa sa Ginoo ang bugnaw kaysa sa alabaab. Unsa ang Iyang rason niini? “Ang tap-haw nga Kristiyano mas daotan pa kaysa sa mga dili tumutuo; tungod nga ang ilang mga malimbongon nga pulong ug ang dili pagkomitar nga posisyon makapasalaag sa kadaghanan. Ang dili tumutuo nagapakita sa iyang tinood nga batasan. Ang alabaab nga Kristiyano nagapanglimbong sa duha ka grupo. Dili siya maayo nga kalibutanon o kon maayo nga Kristiyano. Ginagamit siya ni Satanas sa paghimo og buluhaton nga dili mabuhay sa uban.”³⁰
- **Wala “natawo pag-usab”** o wala nagpabilin sa susama niini nga kondisyon – Juan 3: 1-21
 “Ang pagkatawo pag-usab usa ka talagsaong eksperiyensiya sa panahon sa atong kalibutan karon. Mao kini ang rason ngano daghan ang mga kalibog sa sulod sa mga iglesiya. Daghan, hilabihan kadaghan, ang nagdala sa pangalan ni Kristo apan wala maputli ug mabalaan. Sila nabautismohan, apan sila nalubong nga buhi. Wala namatay ang kaugalingon, busa wala sila mabanhaw sa bag-ong kinabuhi diha kang Kristo.”³¹
- **Dagway sa pagkadiosnon** – “*Nga nagabaton sa dagway sa pagka-diosnon, apan nanagdumili sila sa gahum niini.*” 2 Timoteo 3:5. Si Arthur Daniells naghigot mahitungod niini sa musunod:
 “... Apan ang pormalismo hilabihan ka-malimbongon ug makadaot. Kini tinago, wala damha nga pangpang, sa diin ang iglesiya nahulga nga mabuskag sa makadaghan nga beses, sa pipila nga kasiglohan. Si Pablo nagpasidaan kanato niining ‘dagway sa pagkadiosnon’(2 Timoteo 3:5) nga kung wala ang gahum sa Dios [nga wala mapuno sa Espiritu Santo]

29 E.G. White, *Review and Herald*, Aug. 19, 1890

30 E.G. White, Letter 44, 1903, quoted in the Seventh-day Adventist Bible Commentary, Vol. 7, p. 963 on Rev. 3:15-16

31 E.G. White, MS 148, 1897, quoted in the Seventh-day Adventist Bible Commentary, Vol. 6, p. 1075
 Many buried alive

mahimo kini nga peligro sa ulahing mga adlaw ug gi-awhag kita nga dili kita madala niining hayahay, paglimbong sa kaugalingon nga kinaiya.”³²

Ug aduna usab mga makapakurat nga pahayag si Ellen White sa iyang mga sinulat:

➤ **Hilabihan ka diyutay**

“Sa akong damgo, adunay usa ka guwardiya nga nagtindog sa pultahan sa usa ka importante nga establisyemento, ug nangutana sa kada usa nga musulod, ‘Imo bang nadawat ang Balaang Espiritu?’ Adunay pangsukod sa iyang kamot, ug hilabihan gayud ka diyutay ang gipasulod sa establisyemento.”³³

➤ **Walay usa sa baynte ang andam**

“Usa ka maligdong nga pahayag ang akong gihimo sa iglesiya, nga walay usa sa baynte nga nasulat nga mga pangalan sa mga libro sa iglesiya ang naandam sa pagsira sa ilang kasaysayan sa kalibutan, ug susama lamang sa walay Dios ug walay paglaom diri sa kalibutan sama sa kasagaraan nga makasasala.”³⁴

➤ **Nganong katulgon man kaayo ta?**

“Ngano ang mga sundalo ni Kristo nagakatulog ug walay pagtagad? Tungud kay diotay lamang ang matuod-tuod nga pagkadugtong kang Kristo; tungud kay kulang sila sa espiritu ni Kristo.”³⁵

➤ **Usa ka dakong peligro**

“Ako dili magapabilin sa kamubo ug pagkawalay kasiguraduhan sa kinabuhi; apan adunay makalilisang nga peligro – peligro nga wala masabtan pag-ayo – sa paglangaylangay sa pagtugyan sa nagpakilooy nga tingog sa Espiritu Santo sa Dios, sa padayon nga pagpili sa kinabuhi sa pagpakasala; mao nga kini nga paglangaylangay peligro gayud.”³⁶
Unsa ang pinakasulod sa sala? “*Kay wala silay pagtoo Kanako;*” (Juan 16:9) Ang senyales nga kita nagtoo ug nagsalig kang Jesus mao ang bug-os nga pagtugyan sa atong kaugalingon diha Kaniya. Nalakip niini ang bug-os nga pagtugyan, ang atong pagkaandam sa pagsunod Kaniya sa tanang butang.

32 A.G. Daniells, Christ our Righteousness, p. 20

33 E.G. White, Selected Messages, Vol.1 (1958), p. 109.2

34 E.G. White, Christian Service (1925), p. 41.1

35 E.G. White, The Great Controversy (1911), p. 507.3

36 E.G. White, Selected Messages, Vol. 1 (1958), p.109.2

Gusto ko nga balikon: Akong gikuha ang higayon sa pagdugang niining seryoso nga parapo tungod nga aduna kini kalambigitan sa atong personal nga kalipayan karon nga kinabuhi ug sa kinabuhing dayon, ug labi na gayud sa impluwensiya sa atong kaminyoon ug sa pamilya, ug sa mga simbahan.

Mga Pangutana ug Dugang pang mga Pangutana

Ang pinakaimportanteng pangutana mao nga kung ikaw ba napuno sa Balaang Espiritu o wala? Apan kanus-a man mapuno ang usa ka tawo sa Balaang Espiritu? Unsa man ang mga kinahanglanong himoon? Unsa man ang mga positibo nga resulta sa kinabuhi nga anaa ang Balaang Espiritu? Unsay mahitabo kung nasayop ka sa paghunahuna nga ikaw napuno sa Balaang Espiritu?

Pagpasalamat sa mga Senyales

Pasalamat ang Dios nga atong gipahinungod ang atong kaugalingon sa tupiku mahitungod sa pagkapukaw. Sa akong hunahuna, ang atong dako ug kahibulongang Dios adunay importante nga mga rason sa paghatag kanato karon og mga pag-awhag sa pagkapukaw pinaagi sa Balaang Espiritu. Mao kaha kini ang mga rason?

- Gusto Niya nga maghatag og kahupayan sa atong mga kakulangan ug giyahan kita pagawas sa atong Laodicea nga estado.
- Gusto Niya nga andamon kita sa dool nga ikaduhang pagbalik ni Jesus ug sa espesyal nga panahon sa dili pa kini mahitabo.
- Gusto Niya pasiugdahan ang dakong katapusang pagkapukaw (Bugna 18:1-2) sa kalibutan pinaagi sa mga *“...nagabantay sa mga sugo sa Dios, ug nagabaton sa pagpamatuod ni Jesus.”* (Bugna 12:17) ug ang *“pagtoo ni Jesus.”* (Bugna 12:17)

Ato usab pasalamat ang Dios nga ang kada unodnong Kristiyano mamahimo dayong espirituhanong Kristiyano. Ug ang kada usa nga nagpuyo sa Espiritu Santo mamahimo nga mutubo sa kahupnganan ni Kristo. Mao na kini ang sunod nato nga buluhaton. Ug karon, alang sa usa naman ka eksperyensiya sa pagtapos niini nga kapitulo.

Bag-ong Kadasig ug Kinahiladmang Kalipay

“Usa ka igsoong babaye sa simbahan ang naghatag kanako og balasahong *‘Mga Tikang ngadto sa Personal nga Pagkapukaw’*. Ako hilabihang nalipay tungod sa unod sa balasahon. Dugay na ko nagapangita og ingon niini ug ako ra gayud nga nakaplagan. Ako dayon nagsugod sa pagplastar sa akong espirituhanong kinabuhi ug didto lamang nako na-amgohan nga adunay akoy kinahanglan buhaton: bug-os kong gitugyan ang akong kaugalingon kang Jesus. Sugod niadto, ang Dios nagapamukaw kanako sayo sa kabuntagon ug naghatag kanako og panahon sa akong personal nga pagtuon. Kada adlaw, ako nagtuon og usa ka kapitulo sa libro nga *40-Days*. Akong nabantayan nga ang akong relasyon kay Jesus mas nagkadako. Mas milalom kini ug mas nasuod. Naglihok ang Balaang Espiritu kanako. Human sa *40-Days* nga libro, akong gitun-an ang ikaduhang libro sa *40-Days*. Sugod niadto akong gitun-an ang kada libro, kaupat kabeses. Wala akoy laing mahimo kundili ang adlaw-adlaw nga pagpangayo og panag-uban diha sa Ginoo. Maanindot ang mga resulta, tungod nga aduna akoy bag-ong kadasig ug ang kinahiladmang kalipay wala nagpabilin nga dili mamatikdan. Niining mga panahona, anaa akoy pribilehiyo nga mabatnan ang daghang mga eksperiyensiya kauban ang Ginoo. Nagpangita usab ako og mga oportunidad nga mapakigbahin ang akong eksperiyensiya. Ang suod nga relasyon kay Jesus naghimo sa daghang mga butang nga walay bili ug nasulbad ang gibug-aton sa gidala-dalang kabalaka. Ako nagahandom ug naga-ampo nga daghang mga tawo ang makabaton og eksperiyensiya susama sa akong nabatnan nga pribilehiyo.” H.S.

ANG ATONG MGA PROBLEMA MASOLBAD BA KINI – SA UNSANG PAMAAGI?

*Unsa ang solusyon sa Ginoo sa atong mga problema?
Unsa nga pamaagi nga magtubo kita nga malipayon ug
lig-on nga mga Kristiyano?*

Si Jesus miingon:

“Managpabilin kamo Kanako, ug Ako kaninyo.” (Juan 15:4)

“Ang pagpabilin diha kang Kristo nagakahulogan sa makanunayon nga pagdawat sa Iyang Espiritu, usa ka kinabuhi sa walay reserba nga pagtugyan sa Iyang serbisyo.”³⁷

Kining duha ka bahin nga diosnong solusyon para sa atong kinauyokang problema mao usab ang pamaagi nga mahimong malipayon ang Kristiyanong kinabuhi. Ngano? Si Jesus mikomentaryo niini nga mga pulong: *“Ako nagapamulong kaninyo niining mga butanga, aron ang Akong kalipay mopabilin kaninyo, ug ang inyong kalipay mahingpit.”* (Juan 15:11) Pinaagi niining duha ka mga tikang (mapinadayonon nga pagdawat sa Espiritu Santo ug bug-os nga pagtugyan) si Kristo magapuyo sa atong kinabuhi ug mao kini ang pamaagi alang sa perpektong kalipayan. Ang Colosas 1:17 nagaingon mahitungod sa bahandi sa himaya: Si Kristo diha kaninyo. Dili ba talalupangdon nga gitisk ni Jesus ang saad sa Balaang Espiritu sa Juan 14 ug ang buluhaton sa Balaang Espiritu sa Juan 16 ngadto sa sambingay sa balagon?

Ang importante kaayo nga punto mao nga kita (isip balaod) kinahanglan nga adlaw-adlaw magtugyan sa Dios lakip ang tanan nga unsa kita ug tanan nga anaa kita; ug kita adlaw-adlaw mangayo ug mudawat pinaagi sa pagtoo sa pagbubo sa Espiritu Santo.

NGANO GIKINAHANGLAN NGA MAGTUGYAN SA ATONG MGA KAUGALINGON KAY JESUS ADLAW-ADLAW?

Si Jesus nag-ingon sa Lucas 9:23: *“...Kong kinsa ang buot magsunod Kanako, magdumili siya sa iyang kaugalingon, ug magpas-an sa iyang cruz sa **matag-adlaw**, ug sumunod Kanako.”*

Si Jesus nag-ingon nga ang pagkadisipulo usa ka adlaw-adlaw nga buluhaton. Ang paglimod sa kaugalingon nagpasabot nga gihatag nako akong kaugalingon ug ang pagdumala sa akong kinabuhi kang Jesus. Ang pag-aswat sa cruz wala nagpasabot nga kita aduna’y mga kalisdanan adlaw-alaw. Kini nagpasabot: ang adlaw-adlaw nga paglimod sa atong garbo ug ang malipayon ug andam nga pagsumiter kang Jesus – sama sa gihisgutan ni Pablo mahitungod sa iyang kaugalingon : *“Namatay ako adlaw-adlaw.”* Kung adunay usa ka tawo nga nag-aswat og cruz sa panahon ni Jesus, boot pasabot nga siya gisentensiyahan og kamatayon ug siya padulong sa lugar diin siya pagahatulan. Susama usab kini sa pagbaton og kalisdanan, nga nagatuhaw gumikan sa pagsunod nato kang Jesus.

Atong nadawat ang pisikal nga kinabuhi sa atong pagkahimugso. Aron nga mapadayon ang atong kinabuhi, kusog ug maayong panglawas, kita nagakaon kada adlaw-adlaw. Atong nadawat ang espirituhanong kinabuhi sa panahon nga kita natawo pag-usab. Aron nga atong matipigan nga lig-on ug baskog ang atong espirituhanong kinabuhi, kinahanglan usab nga atong atimanon ang kinasulurang tawo **adlaw-adlaw**. Kung kini dili mahitabo sa atong pisikal nga kinabuhi ug sa atong espirituhanong kinabuhi, kita maluya, magsakit o mamatay. Dili mahimo nga kita mukaon daan aron adunay reserba nga pagkaon ug dili usab mahimo nga idampoog lang nato ang Balaang Espiritu.

Sa libro nga *Acts of the Apostles* adunay usa ka bilihon nga tambag alang niini: *“Sumala sa natural mao usab ang sa espirituhanon nga kalibutan. Ang natural nga kinabuhi gina- presentar sa matag takna sa diosnon nga gahum; apan kini wala alimahi pinaagi sa direkta nga milagro, kondili pinaagi sa*

paggamit sa mga panalangin nga gipahimutang sa dapit nga atong makab-ot. Busa ang espirituhanon nga kinabuhi ginaalimahan pinaagi sa paggamit niadtong mga paagi nga gisangkap sa Dios."³⁸

Kini nga komentaryo sa librong *The Desire of Ages* mipatik gayud kanako: "Kita magsunod kang Kristo adlaw-adlaw. Ang Dios dili maghatag og hinabang alang sa ugma."³⁹

Si Ellen White nag-ingon: "Ang pagsunod kang Kristo nagkinahanglan og kinasingkasing nga pagkakabig sa sinugdanan, ug ang pagbalik-balik niini nga pagkakabig **adlaw-adlaw**."⁴⁰ Bisan unsa ka bug-os ang atong pagpahinungod ug pagkakabig, wala kini pulos alang kanato gawas kon kini mabag-o **adlaw-adlaw...**"⁴¹ "Itugyan ang imong kaugalingon sa Dios sa buntag; himoa kini nga maoy una mong buhat gayud. Himoa ang imong mga pag-ampo nga ingon niini. Kuhaa ako O Dios, nga imo sa bug-os. Gipahamutang ko sa Imong mga tiil ang tanan kong mga paagi. Gamita karon ako sa imong bulohaton. Magapabilin Ka unta kanako, ug himoa nga ang tanan kong mga buhat mahiuyon Kanimo." Kini mao ang bulohaton adlaw-adlaw. Sa buntag nga tanan itugyan ang imong kaugalingon sa Dios alang nianang adlaw. Ihatag ang tanan mong mga paagi nga pagahimoon kun itugyan sa Iyang kabubut-on ang tanan sumala sa makita. Sa ingon niana adlaw-adlaw ihatag ang imong kinabuhi sa mga kamot sa Dios ug ang imong kinabuhi makasunod ug maayo gayud sa kinabuhi ni Kristo."⁴²

Si Morris Venden nagpamulong:

"Kung wala nimo madiskubrehan ang panginahanglanon sa adlaw-adlaw nga pagkakabig, mamahimo kini nga dakong kalampusan sa imong kinabuhi. Ang *Thoughts from the Mount of Blessing*, sa pahina 101 nagsaysay og saad: "Kung imong pangitaon ang Dios ug makabig adlaw-adlaw...ang tanan nimong pagbagotbot mahilom, mawala ang tanan nga kalisdanan, ug ang mga lisod nga problema nga imong gina-atubang karon, masolbad."⁴³

Ang pagpabilin diha kang Kristo pinaagi sa adlaw-adlaw nga pagtugyan pag-usab parehos kaimportante sa una natong pagdool Kaniya.

38 E.G. White, *The Acts of the Apostles*, (1911), p. 284.2

39 E.G. White, *The Desire of Ages* (1898), p. 313.4

40 Editor Francis D. Nichol, *Adventist Bible Commentary Vol.1* (Review and Herald, 1976), p. 1113

41 E.G. White, Review and Herald, Jan. 6, 1885

42 E.G. White, *Steps to Christ* (1892), p 70.1

43 Morris Venden, *95 Theses on Righteousness by Faith* (Pacific Press, 1987), p. 96

Si Morris Venden nagdugang, “Ang dumalayong adlaw-adlaw nga relasyon sa Dios magdala ngadto sa dumalayong pagtugyan ug pagsalig Kaniya matag takna.”⁴⁴

Kita makasiguro nga: kung kita nagatugyan sa atong kaugalingon kang Jesus kada buntag, niyan kita magabuhat sa Iyang handom nga atong buluhaton, tungod Siya nagsaysay: “*Duol kamo Kanako...*” (Mateo 11:28) ug “... *ang moduol Kanako dili ko gayud isalikway.*” (Juan 6:37)

“Ang Dios andam sa paghimo og dalagkong mga butang alang kanato. Dili kita makadaog pinaagi sa kadaghanon, apan pinaagi sa bug-os nga pagtugyan sa kalag kang Jesus. Kinahanglan nga mu-abante kita pinaagi sa Iyang kusog, nga may pagsalig sa gamhanang Dios sa Israel...”⁴⁵

Ang dakong impluwensiya nga mahimo sa Dios pinaagi kanato kung bug-os kita nga mutugyan sa atong mga kaugalingon diha Kaniya gihulagway ni John Wesley sa musunod nga pahayag: “Ang Dios mas dako og mabuhat pinaagi sa usa ka tawo nga 100% nagkomitar sa iyang kaugalingon sa Dios, kumpara sa Iyang mabuhat pinaagi sa usa ka hukbong sa mga tawo, apan 99% lamang ang gikomitar sa Ginoo.”⁴⁶

Si Ellen White nagsulat:

“Kadto lamang nga mangahimong masigkamagbubuhat kauban ni Kristo, kadto lamang nga moingon, Ginoo, ang ako nga tanan ug tibuok kong kaugalingon Imo, pagailhon ingon nga mga anak nga lalaki ug babaye sa Dios.”⁴⁷ “Ang tanan nga magatugyan sa kalag, lawas, ug espiritu ngadto sa Dios, sa kanunay makadawat sa usa ka bag-ong gasa sa lawasnon ug inutok nga gahum.... Ang Espiritu Santo mobutang sa iyang labing taas nga kusog sa pagbuhat sa kasingkasing ug hunahuna. Ang grasia sa Dios magadaku ug magapilopilo sa ilang utokan, ug ang matag kahingpitan sa diosnong kinaiya moabut sa pagtabang kanila sa ilang buluhaton sa pagluwas sa mga kalag...Ug diha sa ilang tawhanong kaluyahon sila maka-arang sa paghimo sa mga buhat sa Makagagahum.”⁴⁸

44 Morris Venden, *95 Theses on Righteousness by Faith* (Pacific Press, 1987), p. 233

45 E.G. White, *Sons and Daughters of God*, p. 279

46 Dr. Joseph S. Kidder, *Anleitung zum geistlichen Leben* (Andrews University), PPP slide 14

47 E.G. White, *The Desire of Ages* (1898), p. 523.1

48 E.G. White, *The Desire of Ages* (1898), p. 827.3

Diha lang kutob ang atong paghisgot mahitungod sa tupiku sa adlaw-adlaw nga “pagpahinungod” o “pagkomitar”o “pagtugyan sa imong kinabuhi”o “pagkakabig”.

Ngano ang usa ka tawo nagkinahanglan ug adlaw-adlaw nga pagpangayo sa bag-ong bautismo sa Balaang Espiritu?

Ang paghangyo nga mapuno sa Balaang Espiritu usa ka paghangyo kang Jesus nga Siya magpabilin kanako. Tungod nga Siya nagpuyo diri kanako pinaagi sa Balaang Espiritu. Apan nganong adlaw-adlaw?

Si E.G. White nagpamulong sa *Acts of the Apostles* : ““Nganha sa gipahinungod nga magbubuhat adunay kahibulongan nga kalipay diha sa kahibalo nga bisan si Cristo sulod sa panahon sa Iyang kinabuhi sa ibabaw niini nga yuta **adlaw-adlaw** nga nangita sa Iyang Amahan alang sa **lab-as nga mga sangkap sa gikinahanglan nga grasya**... Ang Iyang kaugalingon nga panig-ingnan maoy usa ka pasalig nga ang mainiton, ug mapadayonon nga pangaliya ngadto sa Dios diha sa pagtoo - pagtoo nga mopaingon ngadto sa hingpit nga pagsalig sa Dios, ug walay gipugngan nga paghalad ngadto sa Iyang buluhaton—makatabang sa pagdala ngadto sa mga tawo sa panabang sa Balaan nga Espiritu diha sa gubat batok sa sala.”⁴⁹

Kung kini usa ka adlaw-adlaw nga panginahanglanon ni Jesus, unsa nalang kaha kini kaimportante alang kanato.

Sa 2 Corinto 4:16 adunay usa ka importante nga pahayag:

“...ang among pagkatawo sa kinasuloran ginabag-o sa adlaw-adlaw.”

Ang pagkatawo sa kinasuloran nanginahanglan og adlaw-adlaw nga pag-atiman. Sa unsang paagi nagakahitabo kining adlaw-adlaw nga pagbag-o? Sumala sa Efeso 3:16-17, 19, nagakahitabo kini pianaagi sa Balaang Espiritu: “Aron nga sumala sa kadagaya sa Iyang himaya, itugot unta Niya nga **malinig-onan kamo sa gahum pinaagi sa Iyang Espiritu diha sa kinasuloran sa inyong pagkatawo**, ug aron si Cristo magapuyo diha sa inyong mga kasingkasing pinaagi sa pagtoo; aron kamo, ingon nga mga pinagamut ug pinasukad diha sa gugma...aron mapuno kamo sa bug-os nga kahupnganan sa Dios.”

Isip resulta:

- Isip balaod, kinahanglanon ang adlaw-adlaw nga pag-ampo alang sa bag-ong pagbubo sa Balaang Espiritu.
- Isip usa ka resulta, si Kristo mupuyo kanato.
- Siya nagahatag kanato og gahum sumala sa kadagaya sa Iyang himaya alang sa atong kinasulorag pagkatawo. Ang gahum sa Dios labaw sa kinaiyahan, apan dili kini nato mabatian. Ang Magbubuhath mamahimo nga makahimo og buluhaton paagi lamang sa gamay nga mga puwersa (Pananglitan ang kuryente sa atong lawas. Dili nato kini mabatian, apan kung wala kini, kita mamatay).
- Mao nga ang gugma sa Dios matanum sa atong mga kasingkasing.
- Ug mao kini ang dalan padulong sa kinabuhing adunay “kahupnganan sa Dios.” (tan-awa ang Juan 10:10, Colosas 2:10)

Usa naman ka importante nga teksto makita sa Efeso 5:18 “...mapuno kamo sa Espiritu” Pamatikdi nga kini labaw pa sa paglaygay. Usa kini ka diosnong mando. Ang atong Dios nagdahom kanato nga kita gusto magkinabuhi diha sa Espiritu Santo. Ang mga eksperto sa Griyego nagsulti nga kini nga teksto tukmang nagahisgot – ug akong kutloon ang pahayag ni Johannes Mager: “Tugoti nga ang inyong mga kaugalingon nga kanunay ug mapinadayunong mapuno sa Espiritu.”⁵⁰

Ang atong leksyon naghisgot: “Ang bautismo pinaagi sa Espiritu Santo nagpasabot og bug-os nga magpailalom sa impluwensiya sa Espiritu Santo – nga bug-os nga ‘mapuno’ Kaniya. Dili lamang kini usa ka beses nga eksperiyensiya, apan usa ka butang nga angay balik-balikon, sama sa paghulagway ni Pablo sa Efeso 5:18 pinaagi sa Griyegong pinulongan nga “napuno.”⁵¹

Si Apostol Pablo nagsulat niini sa Efeso kapitulo 5, bisan nga siya nagsulat sa musunod sa kapitulo 1:13 “... nga kaniya usab, sa mingtoo kamo, gipatikan kamo sa Espiritu Santo sa saad.” Ang mga taga-Efeso dayag nga nakadawat sa Balaang Espiritu. Bisan pa niana, kinahanglan gayud nga sila: “...palig-onon uban ang gahum pinaagi sa Iyang Espiritu” mapuno sa Espiritu” ug “Tugoti nga ang inyong mga kaugalingon kanunay ug mapinadayunong mapuno sa Espiritu...” Sa kapitulo 4:30, siya nagpasidaan kanato nga dili pagpasub-on ug insultohon ang Balaang Espiritu.

50 Editor Werner E. Lange, *Unser größtes Bedürfnis* (Lüneburg, 2011), p. 42

51 Sabbath School Study Guide July 17, 2014

Si Ellen White nagpamulong:

“Alang sa **adlaw-adlaw** nga bautismo sa Espintu ang matag magbubuhat kinahanglan maghatag sa iyang hangyo ngadto sa Dios.”⁵²

“Aron atong ma-angkon ang pagkamatarung ni Kristo, kinahanglan nga adlaw-adlaw kitang mabag-o pinaagi sa impluwensiya sa Balaang Espiritu, nga mamahimong umalambit sa diosnong kinaiya. Ang buluhaton sa Balaang Espiritu mao ang pagpatuboy sa pagkahilig, ang pagbalaan sa kasingkasing, ug ang pagpaligdong sa kinatibuk-an sa tawo.”⁵³

Ang Dios nagpahayag usab pinaagi kaniya: “Sila nga gitandog sa Balaang Kasulatan isip tingog sa Dios, ug adunay handom sa pagsunod sa mga tudlo niini, kinahanglan nga magatoon **adlaw-adlaw, adlaw-adlaw** nga magadawat og **espirituhanong kaikag ug gahum**, nga gihatag sa kada tinood nga magtutuo pinaagi sa gasa sa **Balaang Espiritu**.”⁵⁴

Siya dugang miingon: “Kita dapat magsunod kay Kristo adlaw-adlaw. And Dios wala nagahatag og tabang para sa ugma.”⁵⁵

Ug sa lahi nga sinulat: “Ang koneksyon sa diosnong ahensya sa kada gutlo importante kaayo sa atong pag-uswag. Mamahimong kita nakadawat sa Espiritu sa Dios, apan pinaagi sa pag-ampo ug pagtuo kita **mapinadayonon nga mangita og dugang sa Espiritu**.”⁵⁶

Ako usab nakakaplag niining maanindot nga kinutlo: “**Ikaw sa adlaw-adlaw nanginahanglan sa pagbautismo sa gugma** nga niadtong panahon sa mga apostoles, mao ang naghiusa kanila.”⁵⁷

Gipadayag sa Roma 5:5 nga ang gugma sa Dios gibubo sa atong mga kasingkasing pinaagi sa Balaang Espiritu. Atong makita ang susama nga butang sa Efeso 3:17. Ang adlaw-adlaw nga pagbautismo sa Balaang Espiritu (ang pagkapuno sa Balaang Espiritu) mao ang hinungdan sa dungan usab nga pagbautismo sa gugma (ang pagkapuno sa *agape* nga gugma sa Dios). Nagdugang ang Galatia 5:16 nga isip resulta, ang gahum sa sala nabungkag.

52 E.G. White, *The Acts of the Apostles* (1911), p. 50.2

53 E.G. White, *Selected Messages 1*, (1958), p. 374.1

54 E.G. White, *The Signs of the Times March 8*, 1910, par.1

55 E.G. White, *The Desire of Ages* (1898), p. 313.4

56 E.G. White, *The Review and Herald*, March 2, 1897, par. 5

57 E.G. White, *Testimonies to the Church* (1904), vol.8, p. 191

ANG IMPORTANSIYA SA PERSONAL NGA PAGSIMBA

Unsa ang importansiya sa personal nga pagsimba, kung importante nga ako adlaw-adlaw magtugyan kang Jesus ug mangayo nga mapuno sa Balaang Espiritu?

Ang inadlaw-adlaw nga pagsimba ug ang pagbantay sa Adlawng Igpapahulay mao ang mga pundasyon alang sa espirituhanong kinabuhi.

Ato nang nabasa ang mga teksto sa Bibliya ug ang mga nagkalain-laing mga kinutlo. Sila nagpakita kanato nga ang kinasulorang tawo sa adlaw-adlaw ginabag-o. **Kini naghatag og tataw nga kahayag mahitungod sa importansiya sa inadlaw-adlaw nga personal nga pagsimba.**

Ang kinatibuk-ang pundasyon sa serbisyo sa pagsimba sa tabernaculo mao ang buntag ug gabie nga mga halad nga-sinunog. Sa adlawng Igpapahulay, adunay dugang nga halad nga sinunog para sa Igpapahulay (Numeros 28:4,10). Unsa kamahinungdanon ang halad nga sinuong?

“Ang halad nga sinunog nagrepresentar sa bug-os nga pagtugyan sa makasasala sa Dios. Niini, walay gibilin alang sa kaugalingon ang tawo, apan ang tanan gipana-iyahan sa Ginoo.”⁵⁸

“Ang mga oras nga gigahin alang sa paghalad sa buntag ug sa gabii ginaila nga balaan, ug miabut sila nga pagabantayan ingon nga gigahin nga panahon alang sa pagsimba sa tibook nasud nga Judio... Niini nga batasan, may sumbanan ang mga Cristohanon alang sa ilang mga pag ampo sa buntag ug sa gabii. Samtang gisaway sa Dios ang usa lamang ka kutay sa mga seremonya, nga walay espiritu sa pagsimba, nagatan aw Siya nga may dakong kahimuot ngadto kanila nga nahigugma kaniya, nga nanagyukbo sa ilang mga ulo sa buntag ug sa gabii sa pagpangita sa pasaylo alang sa mga sala nga nahimo, ug ipahayag sa ilang mga hangyo alang sa gikinahanglan nga mga panalangin.”⁵⁹

Imo bang namatikdan nga ang inadlaw-adlaw nga pagsimba konektado sa Adlawng Igpapahulay isip usa ka basehanan alang sa atong espirituhanong pagkinabuhi? Dugang niana, klaro nga ginapakita niini nga adunay kalabutan ang inadlaw-adlaw nga pagtugyan kay Jesu Kristo, nga gi-imbatar nga mupuyo kanato pinaagi sa Balaang Espiritu?

58 Fritz Rienecker, Lexikon zur Bibel (Wuppertal, 1964), p. 1017

59 E.G.White, Patriarchs and Prophets (1890) p.353.3

58 KAPITULO 3 - ANG ATONG MGA PROBLEMA MASOLBAD BA KINI – SA UNSANG PAMAAGI?

“Aron atong ma-angkon ang pagkamatarung ni Kristo, kinahanglan nga adlaw-adlaw kitang mabag-o pinaagi sa impluwensiya sa Balaang Espiritu, nga mamahimong umalambit sa diosnong kinaiya.”

Imo na bang napanag-iyahan ang pinakaimportante nga espirituhanong prinsipyo: Ang paghatag og prayoridad sa Dios adlaw-adlaw labaw sa tanang mga butang? Si Jesus nagpahayag sa *Sermon on the Mount*:

“Apan pangitaon usa ninyo ang gingharian sa Dios ug ang iyang pagkamatarung, ug nga tanan kining mga butanga igadugang kaninyo.”
Mateo 6:33

Ang gingharian sa Dios mao ang pagbaton kang Kristo karon sa imong kasingkasing. Maong nanginahanglan kita og inadlaw-adlaw nga pagtugyan ug inadlaw-adlaw nga pagpangayo sa Balaang Espiritu sa panahon sa atong pagsimba. Ang halangdong takna mao ang atong pagtindog sa atubangan sa Dios: Ato bang nabatnan ang makaluwas nga personal nga relasyon kang Kristo unagpabilin ba kita diha Kaniya? (Tan-awa ang Juan 15:1-17) Wala ka ba nagahandom og dugang – alang sa mas dakong katumanan sa imong pagtoo?

Si kinsa man ang nagagahin og diyutay o walay solemne nga panahon kauban ang Dios o dili igo nga panahon sa pagsimba mamalig-on lamang ikausa o ikaduha sa usa ka semana. Parehos kana sa tawo nga nagakaon usa kabeses lamang sa usa ka semana. Alang sa pagtandi: Dili ba binuang nga ikaw gusto lamang nga pakan-on imong kaugalingon kausa sa usa ka semana? Wala ba kini nagakahulogan nga ang usa ka Kristiyano nga walay pagsimba, unodnon?

Kini usab nagakahulogan nga kung siya magapadayon niini nga kondisyon, dili siya maluwas. Kung kita unodnong mga Kristiyano, ang pagsimba usa lamang ka obligasyon. Kung kita espirituhanon, ang pagsimba mamahimong gikinahanglan pag-ayo.

Pila ka mga tuig na ang milabay, ako nakabasa og balasahon ni Jim Vaus : *I was a Gangster*. Siya usa ka criminal nga nakabig. Kinasingkasing niyang gikumpisal ang iyang mga sala – pananglitan ang pagpanumpa’g bakak, pagpangawat, etc. Siya nakaeksperiya og makalilisang nga diosnong

pagpanginlabot. Kini naghatag gibug-aton kanako. Gisultian ko ang akong kaugalingon: Maayo ang akong kahimtang sa halos tanan nga mga higayon, apan wala akoy susama niana nga eksperiyensiya. Dayon ako nag-ampo sa Dios: “Amahan namo sa langit, ako usab gusto magkumpisal sa tanan nakong mga sala nga akong nahibaloan ug sa mga sala nga Imo pang igapakita kanako. Sa dugang, ako mumata og usa ka oras nga mas sayo pa aron sa pag-ampo ug pagbasa sa Bibliya. Dayon gusto nako makita kung ikaw ba magpanginlabot sa akong kinabuhi.”

Delaygon ang Dios! Siya nagpanginlabot gayud sa akong kinabuhi. Sukad niadto, labaw na sa buntag nako nga pagsimba nga konektado sa Adlawng Igpapahulay, mao ang nahimong basehanan sa akong kinabuhi uban ang Dios.

Pinaagi sa adlaw-adlaw nga pagtugyan ug pinaagi sa adlaw-adlaw nga pagkapuno sa Balaang Espiritu, ang atong mga kinabuhi makabenepisyo gayud sa pagbag-o. Kini mahitabo sa panahon sa atong personal nga pagsimba.

PAGSIMBA PINAAGI SA ESPIRITU UG KAMATUORAN

Atong hunahunaon ang tumong sa pagsimba. Ang ulahing mensahe sa Dios sa tibook katawhan naglangkob sa pagsimba sa Magbubuhat o kon pagsimba sa mananap. (Bugna 14:6-12) Ang gawasnong senyales sa pagsimba mao ang Adlawng Igpapahulay (ang pagsimba sa Magbubuhat). Ang sulodnong kinaiya sa pagsimba gipakita sa Juan 4:23-24, “*Apan moabut ang takna, ug karon miabut na, nga ang mga matuod nga magsisimba magasimba sa Amahan pinaagi sa espiritu ug sa kamatuoran; kay mao kana ang ginapangita sa Amahan nga mga magsisimba Kaniya. Ang Dios Espiritu man, ug kinahanglan nga ang mga magasimba Kaniya, managsimba Kaniya sa espiritu ug sa kamatuoran.*”

Ang pagsimba pinaagi sa Espiritu, sa pagkatinuod, nagakahulogan nga pagsimba nga may pagkamatngon, apan napuno usab sa Espiritu Santo. **Ang pagsimba pinaagi sa kamatuoran** nagakahulogan nga pagkinabuhi sa bug-os nga pagtugyan kang Jesus, nga maoy kamatuoran nga nagpakatawo. Si Jesus naga-ingon: “*Ako ang kamatuoran.*” (Juan 14:6) Ug nangahulogan pinaagi sa pagpasulod ni Jesus sa kinabuhi sumala sa Pulong sa Dios ug sa Iyang mga

direktiba, tungod nga Siya miingon: “*Ang Imong pulong mao ang kamatuoran.*” (Juan 17:17) ug ang Salmo 119:142 nag-ingon: “*Ug ang Imong Kasugoan mao ang kamatuoran.*” Kung wala kita’y tinuod nga pagsimba karon, dili ba peligro nga mapakyas kita sa kritikal nga panahon? Kini mamahimong dako nga problem sa tanang mga unodnong mga Kristiyano.

Sa akong hunahuna, kita tanan gusto og kauswagan pinaagi sa tabang sa Dios ug mutubo diha sa kahibalo. Mamahimo nga ang musunod nga sayop nga pagtoo nakababag sa uban sa pag-abante.

BAUTISMO UG ANG ESPIRITU SANTO

Ang ubang mga tawo naghunahuna nga sila napuno sa Balaang Espiritu tungod nga sila nabautismohan ug maayo na ang tanan ug wala na silay angay nga buhaton pa. Si D.L. Moody nagkomentar niini: “Ang kadaghanan naghuna-huna nga tungod nga sila napuno kausa, sila mapuno sa walay kahangturan. O akong higala, kita gatulo nga mga sudlanan; Kinahanglan nga kita mapinadayonon nga magpabilin sa ilawom sa busay aron kita mapuno.”⁶⁰

Si Joseph Waggoner nagsaysay:

“Sa tanang kaso, diin ang bautismo nakita nga usa ka pamatuod sa gasa sa Espiritu Santo, ang mahinulsulon nga makasasala gipakatulog sa unodnong seguridad. Siya nagsalig lang gayud sa iyang bautismo isip usa ka simbolo sa grasya sa Dios. Ang bautismo ug dili **ang Espiritu sa sulod sa iyang kasingkasing** mao ang simbolo o ‘pagpamatuod’...”⁶¹

Tinood nga ang bautismo usa ka mahinungdanon nga desisyon; kini nagakaayon sa kabubut-on sa Dios. Pagatipigan niini ang dako niining kahulogan. Apan dili kita angay mutan-aw sa panghitabo sa nangagi isip pamatuod nga kita napuno sa Espiritu Santo. Inay, kita dapat makahibalo **karon** ug makaeksperiensiya **karon** nga kita napuno sa Espiritu Santo.

Ang ubang mga tawo nakadawat sa Espiritu Santo **sa wala pa** sila mabautismohan – pananglitan si Cornelius ug ang iyang panimalay o si Saul. Ang uban nakadawat sa Espiritu Santo **pagkahuman** nga sila nabautismohan – pananglitan ang mga Samariahanon o ang 12 ka mga lalake sa Efeso. Apan

60 D. L. Moody, *They Found the Secret*, p. 85, 86; quoted in “10 Days – Prayers and Devotions...” by Dennis Smith, p. 23

61 Joseph H. Waggoner, *The Spirit of God* (Battle Creek, Michigan 1877), p.35f, quoted in Garrie F. Williams, *Erfüllt vom Heiligen Geist* (Lüneburg, 2007), S. 58

pareho lamang kining tanan kung ang usa ka tawo nakadawat sa Balaang Espiritu **sa wala pa, niana nga takna, o pagkahuman** sa bautismo: ang importante mao nga kita nakadawat sa Balaang Espiritu ug anaa Siya sa atong mga kasingkasing **karon**. Dili hilabihan ka importante ang nahitabo kaniadto, apan kung unsa ang mga pangihtabo karon.

Ako kamong pahinumduman pag-usab: Atong nadawat ang atong mga pisikal nga kinabuhi sa panahon nga kita natawo. Ang atong kinabuhi nagapadayon pinaagi sa anadlaw-adlaw nga pagkaon, pag-inom, pag-ehersisyo, pagkatulog, etc. kon dili, ang atong kinabuhi dili magluntad. Ang susama nga balaod ma-aplikar sa atong espirituhanong pagkinabuhi ug sa atong pisikal nga pagkinabuhi. Kita makadawat og bag-ong kinabuhi pinaagi sa Espiritu Santo, kun bug-os natong gitugyan ang atong mga kaugalingon kang Kristo. Ang atong espirituhanong kinabuhi nagapadayon pinaagi sa Espiritu Santo, pag-ampo, pulong sa Dios, etc. Si Ellen White namulong: “Ang natural nga kinabuhi ginapreserbar sa matag tagna sa diosnon nga gahum; apan kini wala alimahi pinaagi sa direkta nga milagro, kondili pinaagi sa paggamit sa mga panalangin nga gipahimutang sa dapit nga atong makab-ot. Busa ang espirituhanon nga kinabuhi ginaalimahan pinaagi sa paggamit niadtong mga paagi nga gisangkap sa Dios.”⁶²

Ni ang pisikal o espirituhanong pagkinabuhi awtomatikong magpabilin diha kanato. Gikinahanglan nga gamiton ta ang mga pamaagi nga gitagana sa Dios para kanato.

Nangahulogan kini nga: Kung kita matawo pag-usab, ang Balaang Espiritu ihatag kanato aron mupundo. Aron Siya mupundo, nagadepende kini sa adlaw-adlaw nato nga paggamit sa mga pamaagi nga gitagana sa Dios kanato. Unsa nga resulta ang atong gidahom kung wala nato gamita ang “mga pamaagi?”

Ang Balaang Espiritu ang pinakaimportante sa tanan nga mga “pamaagi”. Sa dugang, ang pag-ampo hilabihan usab ka importante, ang koneksyon sa Dios paagi sa Iyang pulong, pagpakig-ambit sa mga serbisyo sa pagsimba ug uban pang mga butang.

Sa akong hunahuna, kita muuyon nga isip usa ka balaod, gikinahanglan ang **adlaw-adlaw** nga pag-atiman sa kinasulurang tawo. Kung dili nato kini himoon, makaeksperyensiya kita og sangputanan nga atong pagabasulan. Dili kita makakaon daan o itambak daan ang Balaang Espiritu. “Ang Dios dili maghatag og

62 E.G. White, *The Acts of the Apostles* (1911), p. 284.2

62 KAPITULO 3 - ANG ATONG MGA PROBLEMA MASOLBAD BA KINI – SA UNSANG PAMAAGI?

tabang para sa ugma.”⁶³ Sa akong hunahuna makatarunganon ug tataw nga ang adlaw-adlaw nga pagtugyan ngadto kang Jesus kinahanglan ug dapat nga adlaw-adlaw kita naga-imbatar sa Balaang Espiritu sa atong kinabuhi.

Kining duha ka mga butang adunay parehos nga katuyuan – sila ang duha ka nawong sa sinsilyo; ang pagbaton og suod nga relasyon kang Kristo. Akong ihatag ang akong kaugalingon Kaniya pinaagi sa pagtugyan ug pagpangayo sa Balaang Espiritu. Ako naga-imbatar Kaniya sa akong kasingkasing. Taliwala sa mga teksto sa Bibliya ang 1 Juan 3:24 (tan-awa usab ang Juan 14:17, 23) nagpakita kanato nga si Jesus nagpuyo diha kanato pinaagi sa Balaang Espiritu: *“Ug niini nahibaloan ta nga Siya nagapadayon kanato, tungod sa Espiritu nga gihatag Niya kanato.”*

ANG EPEKTO SA BALANG ESPIRITU

Kung ang Balaang Espiritu anaa kanako, Iyang pagabuhaton nganha kanako ang mga butang nga nakab-ot ni Kristo. Ang Roma 8:2 nagsulti: *“Kay ang kasugoan sa Espiritu sa kinabuhi diha kang Cristo Jesus nagluwas kanako gikan sa kasugoan sa sala ug sa kamatayon.”* Atong maeksplikar ang “kasugoan sa Espiritu” isip paagi kung sa diin ang Balaang Espiritu nagalihok sa kasingkasing nga bug-os nga natugyan sa Dios. Ang Balaang Espiritu lamang ang makapabuhi diha kanako sa nakab-ot ni Kristo. Adunay maayong pagpatin-aw si E.G. White niini: **“Ang Espiritu gihatag ingon nga usa ka makapabuhi nga ahente, ug kon wala kini ang sakripisyo ni Kristo mahimong kawang...Ang Espiritu mao ang makapahimo nga masangputanon kon unsay nahimo sa Manunubos sa kalibutan. Pinaagi sa Espiritu ang kasingkasing mahimong putli. Pinaagi sa Espiritu ang tumotuo mahimong umalambit sa diosnong kinaiya...Ang gahum sa Dios nagapaabut sa ilang pagkinahanglan ug pagdawat.”**⁶⁴

Si Thomas Davis naghulagway niini nga proseso sa musunod nga pahayag: “Kini nagpasabot nga bisan ang pagka-epektibo sa buluhaton ni Kristo alang sa mga katawhan nagadepende sa Balaang Espiritu. Kung wala Siya, ang tanang gihimo ni Jesus diri sa kalibutan – sa Getsemane, sa krus, sa pagkabanhaw ug ang Iyang ministeryo sa langit isip sacerdote – dili magmalampuson. Ang resulta sa

63 E.G. White, *The Desire of Ages*, (1898), p. 313.4

64 E.G. White, *The Desire of Ages*, (1898) p. 671.2 and 672.1

buluhaton ni Kristo dili mahimong galamiton kumpara sa mga dalagkong relihiyon sa kalibutan o mga pangulo sa pagkilatis sa mga pamatasan. Apan kun bisan si Kristo mas maayo pa niini, dili Niya mahimong luwason ang tibook katawhan pinaagi lamang sa Iyang panag-ingnan ug mga pagtudlo. Para bag-uhan ang mga katawhan, kinahanglan naay buhaton sa ilaha. Kini ang buluhaton sa Balaang Espiritu, nga gipadala aron buhaton kini sa kasingkasing sa mga tawo, nga gihimong posible ni Jesus.”⁶⁵

Dili ba kini igong rason aron makita nga ikaw napuno sa Balaang Espiritu? “Sa dihang ang Espiritu sa Dios makakupot sa kasingkasing, kini maka-usab sa kinabuhi. Ang makasasalang mga hunahuna isalikway, ang mga dautang buhat talikdan; ang gugma, ang pagpaubos, ang kalinaw moilis sa dapit sa kasuko, kasina, ug kagubot. Ang kalipay maoy mokuha sa dapit sa kagul-anan, ug ang panagway nagdan-ag sa kahayag sa langit.”⁶⁶

Adunay uban pang mga bililhon nga mga resulta gikan sa kinabuhing kauban ang Balaang Espiritu, apan aduna usab mga dagkong kakulangan ug kawad-on kung wala Siya. Ang kalainan sa kinabuhi nga aduna ug walay Balaang Espiritu pagahisgutan sa mas detalye sa kapitulo 4.

AKO BA NAPUNO SA BALANG ESPIRITU?

Palihog pangutan-a ang imong kaugalingon sa mga musunod nga mga pangutana mahitungod sa pagkapuno sa Balaang Espiritu:⁶⁷

- Aduna bay mga mabantayang epekto sa Balaang Espiritu sa akong kinabuhi? Pananglitan, gihimo ba Niya si Jesus nga tinood ug dako sa imong kinabuhi? (Juan 15:16)
- Nagsugod na ba ako og kadungog ug sabot sa tingog sa Balaang Espiritu? Mamahimo ba Niya nga giyahan ako sa dagko ug gagmay nga mga desisyon sa akong kinabuhi? (Roma 8:14)
- Aduna bay mi-usbong kanako nga bag-ong klase nga gugma alang sa akong isigkatawo? Ang Balaang Espiritu ba naghatag kanako og malumo nga

65 Thomas A. Davis, *Als Christ siegreich leben*, (HW-Verlag), Seite 43/ How to be a Victorious Christian, R&H.

66 E.G. White, *The Desire of Ages*, (1898), p. 173.1

67 Catherine Marshall, *Der Helfer* (Erzhausen, 2002), p. 24

64 KAPITULO 3 - ANG ATONG MGA PROBLEMA MASOLBAD BA KINI – SA UNSANG PAMAAGI?

kaluoy ug lawom nga pagtagad alang sa mga tawo, nga kasagaraan dili nako pilion nga mahimong higala? (Galatia 5:22, Santiago 2:8,9)

- Ako bang naeksperiyensiyahan ang balik-balik nga pagtabang sa Balaang Espiritu bahin sa pagdala sa akong isigkatawo? Iya ba akong ginahatagan sa insaktong mga pulong aron matandog ang kasingkasing sa tawo, nga adunay mga kabalaka ug mga ginadala?
- Ang Balaang Espiritu ba nagahatag kanako og kusog sa pagpakigbahin mahitungod kang Jesus ug giyahan ang uban ngadto Kaniya?
- Ako ba nakaeksperiyensiya kung gi-unsa Niya ako pagtabang sa akong kinabuhi sa pag-ampo ug pagtabang kanako nga mapahayag ang pinakalawom nga gibati sa akong kasingkasing ngadto sa Dios?

Kung kita maghunahuna mahitungod niini nga mga pangutana, atong makita ang atong dakong panginahanglanon sa pagtubo diha sa Balaang Espiritu, aron ato Siyang mas mailhan ug mas mahigugma.

Ang usa ka igsoong lalake nagsulat: Ang akong amahan ug ako napasig-uli. Pagkahuman sa pagtoon sa *Mga Tikang ngadto sa Personal nga Pagkapukaw* ug sa *40 Days I ug II* nga mga libro, ako naka-angkon og kahibulongang eksperiyensiya nga mapuno sa Balaang Espiritu. Nagpadasig kanako ang paghunahuna nga maeksperiyensiyahan kung unsaon paglihok sa Balaang Espiritu ug sa Iyang pagabuhaton sa tanan nga aspeto sa akong kinabuhi.

ANG PAGPASIG-ULI SA AMAHAN UG ANAK

Sukad kaniadto, ang relasyon nako sa akong amahan kanunay nga daw komplikado. Ang akong mga handom ug pag-ampo gikan sa akong pagkabata ug pagkabatan-on mao nga ako makabaton og mas maayo nga relasyon sa akong amahan. Apan mas nagkalain kini. Unom ug pito ka tuig ang milabay. Ang Dios mipuno sa dakong kahaw-ang sa akong kasingkasing. Samtang nagatoon ug naga-ampo alang sa Balaang Espiritu, ang akong asawa ug ako aduna na'y dalagkong eksperiyensiya kauban ang Ginoo. Kami nag-ampo alang sa among pamilya ilabina sa akong amahan. Niini nga panahon, ako nakadawat og bag-ong gahum aron mahigugma sa akong amahan. Nahimo nako nga mapasaylo siya sa tanang butang nga wala nahimong maayo sa among relasyon sukad sa akong pagkabata. Karon, ang akong amahan ug ako nahimo nang managhigala. Siya nagsugod na usab nga mahimong espirituhanon ug nagsugod paghisgot mahitungod sa Dios sa ubang mga tawo. Karon, duha na ka tuig ang milabay, ang

akong relasyon sa akong amahan nagpabiling maayo. Nagpasalamat ako sa Ginoo sa mao nga eksperiensya. Kaniadto makabati ako og pagkawalay gahom ug pag-inusara. Apan sugod nga ako nag-ampo adlaw-adlaw alang sa Balaang Espiritu, ako nakaeksperiensya og bag-o ug kahibulongang klase sa kinabuhi ug relasyon sa Dios. (Ang pangalan nahibal-an sa editor).

Pag-ampo: Ginoong Jesus, ako nagpasalamat nga gusto Nimo nga magpabilin kanako pinaagi sa Balaang Espiritu. Salamat nga pinaagi sa adlaw-adlaw nga pagtugyan, among pagsalig ug mahigugmaong relasyon nagtubo. Ginoo, tabangi ako nga mas maila-ila ang Balaang Espiritu ug ang Iyang buluhaton. Ako nagahandom nga mahibalo sa kung unsa ang Iyang gusto buhaton para kanako, sa akong pamilya, ug sa akong iglesiya ug unsaon nako pagkabaton sa pasalig nga kami makadawat sa Balaang Espiritu kung adlaw-adlaw kami nga mangayo. Salamat alang niini. Amen.

DUGANG PARA SA EFESO 5:18 – “MAPUNO KAMO SA ESPIRITU!”

Atong makita sa Ingles nga teksto sa Efeso 5:18 nga kini nga apelar gihimong kinahanglanon gayud. Sa dugang, atong makita nga kini nga sugo gidirekta alang sa tanan. Ug ato usab nga makita nga atong katungdanan ang pagpangita sa kahupnganan sa Balaang Espiritu. Apan ang orihinal nga Griyego nga teksto nagpatin-aw pa gayud niini.

Si Johannes Mager nagkomentar niini: “Sa mga sulat sa Bag-ong Tugon adunay usa lamang ka bahin, nga direkta nga naghisgot mahitungod sa pagkapuno sa Balaang Espiritu: ‘Mapuno kamo sa Espiritu.’ (Efeso 5:18) Sa libro sa Buhat atong makita nga ang kahupnganan sa Balaang Espiritu usa ka gasa, nga ginagamit sa pagbuhat sa gamhanang mga pamaagi sa mga pili nga mga sitwasyon. Apan, si Pablo nagsaysay nga ang pagkapuno sa Balaang Espiritu isip usa ka mando, wala nagadepende sa mga sitwasyon sa kinabuhi ug ma-aplikar sa tanang sumusunod ni Jesus. Kining mubo apan importanteng mando naglangkob sa upat ka mga importante kaayo nga mga aspeto.

1. Ang berbo nga ‘puno’(*plerein*) gigamit sa porma nga nagasugo. Si Pablo wala nagarekomendar dinhi o nagahatag og mahigalaon nga paglaygay. Wala siya naghatag og sugyot, nga ang usa ka tawo mamahimo nga mudawat o mubalibad. Siya nagasugo isip apostol nga gihatagan og gahum. Ang usa ka sugo kanunay nga naga-apelar sa kabubut-on sa tawo. Kung ang usa ka Kristiyano napuno sa Balaang Espiritu, kini nagadepende ug dako sa iyang kaugalingon. **Ang mga Kristiyano napailalom sa mando nga maningkamot nga mapuno sa Balaang Espiritu.** Mao kini ang atong responsibilidad isip mga katawhan nga mapuno sa Balaang Espiritu.
2. Ang berbo nga gigamit anaa sa *plural form*. Kini nga mando wala nadirekta sa usa lamang ka tawo sa iglesiya, nga adunay espesyal nga mga katungdanan. Ang pagkapuno sa Balaang Espiritu dili pribilihiyo sa pipila ka mga pinili nga mga tawo. **Ang panawagan ma-aplikar sa tanan nga nahisakop sa iglesiya – kanunay ug bisan asa. Walay mga eksepsyon.** Alang kang Pablo, normal nga ang tanang mga Kristiyano mapuno sa Balaang Espiritu.
3. Ang berbo anaa sa *passive tense*. Wala kini nag-ingon: ‘Puno-a ang inyong mga kaugalingon sa Espiritu!’, apan ‘Mapuno kamo sa Espiritu!’ Walay bisan kinsa nga tawo ang makahimo sa pagpuno sa ilang kaugalingon sa Balaang Espiritu. Kini buluhaton lamang sa Balaang Espiritu. Diri nagagikan ang Iyang soberanya. **Apan ang usa ka indibidwal dapat magbuhat sa mga kondisyon aron nga Balaang Espiritu makapuno kaniya. Kung wala ang iyang aktibo nga kabubut-on, ang Balaang Espiritu dili makabuhat diha kaniya.**
4. Sa Griyego ang pagsugo anaa sa *present tense*. Kini nga *present tense* nga mando nagahulagway sa usa ka panghitabo nga kanunay ginabalik-balik kumpara sa mando nga anaa sa *aorist tense*, nga nagahulagway sa usa ka beses lamang nga aksyon. Sumala niini, ang pagkapuno sa Balaang Espiritu dili usa lamang kabesesa nga eksperiyensiya, apan usa ka nagbalik-balik ug mauswagon nga proseso. **Ang usa ka Kristiyano dili susama sa usa ka sudlanan nga puno-on sa usa ka beses lamang, apan kinahanglan kini nga kanunay nga ‘mapuno’.** Ang mga pulong gipahayag sa niini nga pamaagi: **“Tugoti nga ang inyong mga kaugalingon kanunay ug balik-balik nga mapuno pag-usab sa Espiritu!”**

Ang pagkapuno sa Balaang Espiritu, nga gihatag kanato sa atong bautismo [sa ngalan nga kini bautismo sa tubig ug Espiritu nga adunay bug-os

nga pagtugyan], **mahimong mawala kung ang kahupnganan nga gihatag wala mahawiran o magpabilin.** Kung kini nawala, mabatnan kini pag-usab. Ang pagkapuno sa Balaang Espiritu kinahanglan nga mabalik aron ang Balaang Espiritu maka-okupar sa tanan nga bahin sa atong kinabuhi ug ang atong espirituhanong kinabuhi dili malaya. Ang pagkapuno sa Espiritu wala nagpasabot nga kita maka-angkon Kaniya sa dinaghan, kon di ang Espiritu anaay nagadugang nga pag-angkon kanato. **Mao nga si Pablo nagsugo sa mga magtutuo nga makanunayong mapuno sa Espiritu.** Kini usa ka normal nga kondisyon alang sa usa ka Kristiyano. Usa ka baustismo, apan ikadaghan nga ‘pagkapuno’”⁶⁸

Ang Dios mismo ang naghatag sa mando:*

Tugoti nga ang inyong mga kaugalingon nga makanunayon ug balik-balik nga mapuno pag-usab sa Espiritu!* *

68 Si Johannes Mager usa ka pastor, ebanghelista ug sa dugay nang mga katuigan usa ka magtutudlo sa sistematikong teolohiya sa usa ka uniberso. Ug siya nahimong pangulo sa departamento sa ministerio sa Euro-African Division sa Bern, Switzerland (karon mao ang Inter-European Division). Karon siya mingretiro na ug nagpuyo sa Friedensau. Kini nga kinutlo gikan sa iyang libro: *Auf den Spuren des Geistes*, (Lüneburg, 1999) pahina 100-101 (adunay permiso gikan sa publishing house)

* E.G. White, *Mount of Blessing*, MB 20.3 (egwwritings.org)

** Johannes Mager, *Auf den Spuren des Heiligen Geistes* (Lüneburg, 1999), Seite 101

UNSA ANG ATONG EKSPEKTARON NGA MGA KALAINAN?

*Unsay kapuslanan nga atong mabatnan sa usa ka
kinabuhi nga napuno sa Balaang Espiritu?*

*Unsa ang mawala kanato kung dili kita mu-ampo
para sa Balaang Espiritu?*

ANG PAGTANDI TALIWALA SA UNODNON UG ESPIRITUHANON NGA KRISTIYANISMO

Ubay-ubay nang nalista ang sangputanan sa unodnong Kristiyanismo alang sa tagsa-tagsa nga mga tawo. Ang uban sa mga sangputanan gipahayag pinaagi sa musunod:

- Ang tawo dili maluwas niini nga kondisyon (Roma 8:6-8, Bugna 3:16)
- Ang gugma sa Dios – ang *agape* nga gugma – wala niini nga tawo (Roma 5:5, Galatia 5:22); sila bug-os nga nagadepende sa tawhanong gugma; ang kaibog sa unod wala mabungkag (Galatia 5:16)
- Ang tawo wala malig-on pinaagi sa gahum sa Espiritu. (Efeso 3:16-17)
- Si Kristo wala magpuyo niining tawhana. (1 Juan 3:24)
- Kini nga tawo wala makadawat sa gahum alang sa pagpamatuod para kang Kristo. (Buhat 1:8).
- Kini nga tawo nagabuhat sa tawhanong pamaagi (1 Corinto 3:3) nga dali muresulta sa panagsangka ug mga tensyon.

- Isip usa ka balaod, mas lisod alang niini nga tawo ang mudawat og tambag.
- Ilang kinabuhing sa pag-ampo dili igo.
- Ang tawo aduna lamang tawhanong abilidad sa pagpasaylo ug dili magbaton og pagdumot.

Adunay mga panahon nga ang unodnong Kristiyano nagabuhat nga susama sa tao sa daang kinaiya. Si Apostol Pablo nagsulti: *“dili ba kalibutanon kamo ug nanaggawi ingon nga mga tawo nga lawasnon?”* (1 Corinto 3:3). Sa ubang panahon, ang iyang mga binuhatan susama sa espirituhanong tawo, apan siya nagkinabuhi pinaagi sa iyang kaugalingong gahum ug abilidad.

Ang espirituhanong Kristiyano makaexperiensiya sa kahupnganan sa Dios:

*“Aron nga sumala sa kadagaya sa Iyang himaya, itugot unta Niya nga **malinig-onan kamo sa gahum pinaagi sa Iyang Espiritu diha sa kinasuloran sa inyong pagkatawo**, ug aron si Cristo magapuyo diha sa inyong mga kasingkasing pinaagi sa pagtoo; aron kamo, ingon nga mga pinagamut ug pinasukad diha sa gugma, makabaton ug gahum sa pagsabut uban sa tanang mga balaan, kon unsa ang gilapdon ug ang gitas-on ug ang kahabugon ug ang giladmon, ug sa pag-ila sa gugma ni Cristo nga nagalabaw sa tanang kinaadman **aron mapuno kamo sa bug-os nga kahupnganan sa Dios**. Ug kaniya, nga pinaagi sa gahum nga nagalihok sa sulod nato, arang makahimo sa tanang mga butang sa sukod nga labaw pa gayud kadaghan kay sa atong arang mapangayo o mahunahuna Kaniya maanaa ang himaya diha sa iglesia ug diha kang Cristo Jesus ngadto sa tanang mga kaliwatan hangtud sa kahangturan. Amen.”* Efeso 3:16-21

ANG EPEKTO SA UNODNONG KRISTIYANISMO

Ako nasubo sa mga kawad-on sa akong pamilya ug sa mga simbahan nga akong napangabudlayan isip usa ka pastor tungod sa akong kakulangun sa Balaang Espiritu. Tinood usab nga sa niini nga bahin dili kita makagiya ni bisan kinsa bisan gani ang atong kaugalingon. Kinahanglan usab nga kita maka-amgo nga ang personal nga kakulangun sa Balaang Espiritu sa kada tawo sa pamilya ug sa iglesiya nagadugang o nagadaghan.

Mga Kabataan ug mga Batan-on

Ang unodnong Kristiyano usa ka balataan alang sa liberal nga Kristianong pagkinabuhi. Ang mga tawo nagasulay paghimo og mga butang nga adunay maayo nga tumong apan dili nila makaya himoon, unya mangita og paagi nga makagawas Mao ba kini ang hinungdan nganong nagakawala ang atong mga batan-on? Kita ba, sa kakulang sa atong kahibalo o sa lahi nga mga rason naghatag og panag-ingnan sa atong mga kabataan ug mga batan-on sa unodnong Kristiyanismo? Nagresulta ba kini ngadto sa pagkaunodnong Kristiyano mao nga sila nagpakigbisog sa pagkawala sa kadasig? Mao ba kini ang hinungdan nganong ang kadaghanan wala nagaseryoso niini o wala na magsimba o mibiya na sa iglesiya?

Dili pa lang dugay, nagsaysay ang usa ka hamtong nga igsoong lalaki sa iyang iglesiya: “Adunay rason sa mga problema sa atong mga kaugalingong kinabuhi ug sa kinabuhi sa atong mga batan-on karon: ang naunang henerasyon napakyas sa pagsabot sa buluhaton sa Balaang Espiritu ug ang pagkapuno diha Kaniya.”⁶⁹

Gusto ko kamong pahinumduman pag-usab sa mga sangputanan sa pagka-alabaab (walay bug-os nga pagtugyan kang Kristo): “Ang taphaw nga ma Kristiyano mas daotan pa kung itandi sa dili tumutuo: tungod nga ang ilang mga malimbongong mga pulong ug dili mukomitar nga posisyon magpasalaag sa kadaghanan. Ang dautan nagapakita sa iyang tinuod nga batasan. Ang alabaab nga Kristiyano makalimbong sa duha ka grupo. Dili siya usa ka maayo nga kalibutanon, ni maayong Kristiyano. Si Satanas nagagamit kaniya nga muhimo og buluhaton nga dili mahimo sa uban.”⁷⁰

Apan kung kita magkinabuhi nga espirituhanon, atong mapakita sa atong mga kabataan ang dalan paingon sa Diosnong tabang. Si Ellen White naghisgot og usa ka makapahibulong nga butang:

“Tudloi ang inyong mga kabataan nga ilahang **pribilehiyo** ang makadawat adlaw-adlaw sa bautismo sa Balaang Espiritu. Tugoti nga makaplagan kamo ni Kristo isip Iyang mga matinabangong kamot sa pagpahamtang sa iyang mga katuyuan. Pinaagi sa pag-ampo, ikaw makabaton og usa ka eksperiyensiya nga maghimo sa imong ministeryo sa imong mga kabataan nga malampuson.”⁷¹

69 Garrie F. Williams, *Erfülltsein vom Heiligen Geist – Wie erfahren wird das?* (Lüneburg, 2007), S.8

70 EGW Letter 44, 1903, quoted in *Adventist Bible Commentary*, Vol. 7, p. 963 on Rev. 3:15-16

71 E.G. White, *Child Guidance* (1954), p. 69

Atong gitudloan ang atong mga anak nga mag-ampo. Apan ato ba silang gitudloan nga adlaw-adlaw mag-ampo alang sa Balaang Espiritu? O kita mismo wala nakabalo niini? Niadtong panahona ang akong asawa ug ako wala nakahibalo niini. Ako nagpasalamat nga gidung-awan sa Dios ang kadtong panahon nga kami nagkulang sa kahibalo parte niini. Apan isip resulta, unsa ang kawad-on nga nahitabo?

Unsa ka maanindot nga mga kabataan ang ma-angkon sa mga espirituhanong mga ginikanan kung adlaw-adlaw na ginakomitar nila ang ilang mga kaugalingon ngadto kang Jesus ug mag-ampo para sa Balaang Espiritu.

Atmuspíra -

Diosnong Gugma o pagkamaayo lang ngadto sa usag usa?

Unsay kalainan sa atmuspíra sa mga kaminyoon, ug mga pamilya, simbahan ug panag-uban sa unodnon o espirituhanong mga Kristiyano, kung wala ang gahum sa Dios sa pagbaton og disiplinadong kinabuhi, kung wala ang gugma sa Dios ug ang gahum sa sala wala maputol o kung kini anaa nga mga butang pinaagi sa grasya sa Ginoo?

Ang mga konserbatibong unodnong mga Kristiyano adunay tendensiya nga manaway. Dili kini maayo. Bisan pag kinahanglan nga kita maghigugutanay bahin sa direktiba sa Dios, kinahanglan usab nato nga ma-amgohan nga ang gikinahanglang pagbag-o mahitabo lamang kung ang pagbag-o nagagikan sa sulod.

Ang mga liberal adunay tendensiya nga dili museryoso sa mga butang ug mopahiangay sa mga kalibutanong mga pamaagi. Dili usab kini mapanalanginan sa Dios.

Si Joseph Kidder nakadiskubre sa kinatibuk-ang kondisyon sa iglesiya karon: “Kaluya, pagkamabaw, pagkakalibutanon, kakulang sa pagkamanggihatagon, ang mga ministro nahago pag-ayo, nanggawas ang mga batan-on sa iglesiya, luya nga pagdisiplina sa kaugalingon, mga plano nga wala gayoy tinood nga kaagi o resulta, ang kanunay nga kakulangan sa lig-on ug dedikadong mga tawo.”⁷²

Ang hinungdan sa atong problema mao ang kakulangan sa atong koneksyon kang Jesus (Juan 15:1-5) ug ang dako nga pagsalig sa tawhanong paningkamot

72 Dr. S. Joseph Kidder, *Anleitung zum geistlichen Leben* (Andrews University), PPP Folie 3+4

(Zacharias 4:6). Nakita usab ni Kidder ang solusyon sa kinabuhi nga napuno sa Balaang Espiritu (Buhat 1:8).

Si Jesus naghatag og bag-ong mando:

“Nagahatag Ako kaninyo ug usa ka bag-ong sugo, nga maghigugmaay kamo ang usa ug usa; maingon nga Ako nahigugma kaninyo, nga kamo usab maghigugmaay ang usa ug usa. Tungod niini ang tanan makaila nga kamo Akong mga tinon-an, kong Kamo maghigugmaay ang usa ug usa.” (Juan 13:34-35)

Ang paghigugma nga sama ni Jesus nagpasabot: sa paghigugma pinaagi sa diosnong gugma (agape). Ato lamang kining mahimo kung kita napuno sa Balaang Espiritu.

“Ang kinalabwan nga gugma alang sa Dios ug ang dili hinakog nga gugma alang sa usa ug usa—mao ang labing maayo nga gasa nga ikahatag sa atong langitnong Amahan. Kining gugmaha dili usa ka kahilig, kondili usa ka diosnon nga prinsipyo, usa ka gahum nga nagalungtad. Ang kasingkasing nga dili balaan [tanan nga wala napuno sa Balaang Espiritu] dili makasugod o makahimo niini. Diha lamang sa kasingkasing diin si Jesus ang nagmando kini makaplagan.”⁷³

Sa akong hunahuna, adunay kalainan sa kung kita maayo “lamang”sa usag usa o kung mulabaw kita niana nga gugma ug muhigugma pinaagi sa Diosnong gugma. Si E.G. White naghatag kanato og mahinungdanong timailhan:

“Pinaagi sa pagsul-ob sa dayan-dayan sa usa ka maaghop ug hilom nga espiritu, nubenta’y-nuwebe sa usa ka gatos nga mga kasamok nga makalilisang nga nagapapait sa kinabuhi mamahimong malikayan.”⁷⁴

Ang pulong sa Dios nagpakita og usa ka butang sa 1 Tesalonica 4:3-8 mahitungod sa kinabuhing minyo. Sa taliwala sa ubang mga butang kini nga mga bersikulo naghigugma mahitungod sa pagkabalaan ug pagakadungganon sa kaminyoon. Gipakita niini ang kalainan sa mainiton nga kaibog sa mga hintil. Sanglit nga tulo ka beses niini gihisgutan ang mahitungod sa pagkabalaan ug pagbaton sa Balaang Espiritu, kita maka-amgo nga ang kinabuhi kauban ang Balaang Espiritu makahimo ug makahatag og kabag-ohan sa atong relasyon sa kaminyoon. Gitagana sa Dios alang kanato ang dakong kalipay ug katagbawan sa

73 E.G. White, Acts of the Apostles (1911), p. 551.2

74 E.G. White, Testimonies for the Church, volume 4, p. 348.3

atong kinabuhing kaminyoon. Wala ba kini nagpakita kanato nga gusto kita tabangan sa Dios sa pagdala niini paagi sa mahigugmaong kalumo kumpara sa kaibog lamang?

Si Jesus nag-ampo alang sa pagkahiusa sa iyang mga tinon-an: *“Aron silang tanan managhiusa, ingon nga Ikaw, Amahan, ania Kanako, ug Ako anaa Kanimo; nga sila usab managhiusa Kanato; aron ang kalibutan motoo nga Ikaw nagsugo Kanako.”* (Juan 17:21)

Si William G. Johnsson miingon: “Daghang mga Adbentista ang kinahanglan pa gayud nga makahangop kung unsa ang pasabot nga mahiusa kang Kristo. Tingali kaniadto, wala nato natagaan og igong importansiya kini o atong nahigot ang kabayo sa sayop nga tumoy.”⁷⁵

Anaa si Kristo kanato kung kita napuno sa Balaang Espiritu. Ang espirituhanong Kristiyanismo naga-ambag sa mga pagtubag sa Dios sa atong mga pag-ampo. Si E.G. White nag-ingon: “Kung ang katawhan sa Dios nausa diha sa pagkahiusa sa Espiritu, ang tanan nga pagka-Pariseo, tanang kinaugalingong pagkamatarung, nga mao ang sala sa Judiong nasod, mapagawas sa tanang kasingkasing. Ipahibalo sa Dios ang misterio nga natago sa dugay nang mga katuigan. Iyang ipahibalo kung unsa ang *‘pagkadato sa himaya niining tinago sa taliwala sa mga Gentil, nga mao si Cristo diha kaninyo, ang paglaum sa himaya’* (Colosas 1:27)”⁷⁶

Ang Pagtul-id nga Paglaygay

Mahimo kaha nga adunay epekto ang pagtul-id nga paglaygay kung wala kini gibuhat pinaagi sa gugma sa Dios? Unsa ang mga desisyon nga mahimo sa iglesiya, nga kadaghanang gilangkuban og unodnong mga Kristiyano o adunay unodnong pastor o presidente? Kung akong hunahunaon pagbalik ang akong trabaho ingon nga pastor, ako nakahunahuna nga ang espirituhanong miyembro sa iglesiya makatabang sa pagpahinuklog sa mga miyembrong napukan. Og kung ang tawo maghinulsul ug mukumpisal, natuman ang katuyoan sa paglaygay. Usahay ang unodnong mga Kristiyano adunay tendensiya nga magamit ang paglaygay sa pagsilot ug sa sayop nga pangkaugalingong gahum. (Mateo 18:15-17, 1 Corinto 3:1-4, 2 Corinto 10:3, Judas 19).

75 William G. Johnsson, *Adventgemeinde in der Zerreißprobe*, (Lüneburg 1996), p.118

76 E.G. White, *Selected Messages*, Book 1 (1958), p. 386.1

74 KAPITULO 4 | UNSA ANG ATONG EKSPEKTARON NGA MGA KALAINAN?

ANG TAGNA SA DIOS ALANG SA ULAHING MGA ADLAW

Nabatasan sa Dios ang pagpadayag og importanteng mga kalamboan pinaagi sa Iyang mga propeta (Amos 3:7). Busa Siya naghatag og importanteng mga tagna alang sa ulahing mga adlaw pinaagi kang Ellen White. Sanglit nga daghang mga butang ang adunay bug-os nga kalainan kumpara sa kaniadtong panahon, mahinungdanon ug kinahanglanon nga adunay dugang nga importanteng impormasyon gikan sa Dios. Sa pagkakaron, gitawag nato kini ug *“update”*. Sumala kang Ellen White, kini nga mga mensahe adunay kalabutan hangtod sa pagbalik ni Jesus. Tungod nga ang Iyang mga paglaygay nalakip ang pagbag-o sa pamaagi sa kinabuhi, pagbadlong, tambag, etc., ang usa ka espirituhanong tawo mas dali makadawat kaysa sa unodnong tawo. (Apan bisan kung ang usa ka tawo seryosong nagadawat niining mga laygay, dili awtomatiko nga nagpasabot nga sila espirituhanon.) Maalamon kung huna-hunaon ang mga pulong sa Deuteronomio 18:19: *“Ug mahitabo nga bisan kinsa nga dili magapatalinghug sa Akong mga pulong nga Iyang (ang propeta) igasulti sa Akong ngalan, Akong pagapanilngon kini kaniya.”*

Kini tataw nga nagpakita kanato nga ang mensahe gikan sa usa ka tinood nga propeta, walay kalambigitan kaniya, apan sa Dios mismo. Unsaon nato pagkahibalo kung ang tawo usa ka matuod nga propeta? Ang Pulong sa Dios naghatag og lima ka paagi. Ang matuod nga propeta kinahanglan nga makatuman sa tanang lima ka punto.

1. Ang ilang pamaagi sa kinabuhi – *“Tungod sa ilang mga bunga maila sila ninyo.”* Mateo 7:15-20
2. Katumanan sa mga tagna: Deuteronomio 18:21-22 (gawas sa mga kondisyonal nga mga propesiya – pananglitan ang kang Jonas).
3. Ang pag-awhag sa pagkamaunongon ngadto sa Dios (sa Pulong sa Dios). Deuteronomio 13:1-5
4. Nailhan si Jesus ingon nga usa ka matuod nga tawo ug matuod nga Dios. 1 Juan 4:1-3
5. Naga-uyon sa mga pagtudlo sa Bibliya. Juan 17:17

Ang tanang kasugoan sa Dios, apil ang Iyang paglaygay pinaagi sa nga propeta alang sa atong kaayuhan. Mao nga kini sila hilabihan ka bililhon. Mao nga ang mga espirituhanong mga tawo makatuman pinaagi sa gahum sa Dios ug adunay kalipay ug makahibalo nga kini adunay ambag sa usa ka malampuson nga

kinabuhi. “...Tumoo kamo kang Jehova nga inyong Dios, aron kamo mamalig-on; **tohoi ang Iyang mga manalagna, aron kamo manag-uswag.**” (2 Cronicas 20:20b)

Ang atong leksyon sa Eskwela Sabatika nagahisgot sa relasyon taliwala sa usa ka kinabuhi nga anaa ang Balaang Espiritu ug ang mga pulong sa matuod nga propeta:

“Bisan kinsa nga musalikway sa matagnaon nga pulong, nagsirado sa ilang mga kaugalingon sa panudlo sa Balaang Espiritu. Ang resulta karon walay kalainan kaniadto – ang kawad-on sa relasyon sa Dios ug ang pag-abre alang sa negatibong mga impluwensiya.”⁷⁷

PAGPLANO/ MGA PAMAAGI

Ang importanteng tahas mao ang pagpangita og maayong solusyon ug pamaagi alang sa mga buluhaton sa sulod sa iglesiya ug sa buluhaton sa kamisyonan. Usa kini ka pangutana sa atong mga plano ug mga pamaagi. Aduna kini dakong kalabutan sa pagpalig-ong espirituhanon sa iglesiya ug pagdaug og mas daghang mga hamiling kalag.

Ako nabautismohan sa sulod sa 65 na ka mga tuig ug nahimong ministro sa sulod sa 43 ka mga tuig. Kami nakabuhat og abundang mga plano ug mga programa. Kugi kami kaayo. Niini nga konteksto, ako kinahanglan nga maghunahuna pag-usab mahitungod sa mga pulong ni Dwight Nelson sa *General Conference* nga tigom niadtong 2005.

“Ang atong simbahan nakahurot na sa paghimo og mga dalayegong mga porma, mga plano ug mga programa, apan kung kita dili mu-angkon sa atong espirituhanong pagkabangkaruta (kakulangon sa Balaang Espiritu), nga naggunit sa kadaghanan namo nga mga ministro ug mga pangulo, dili gayud kita mugawas sa atong *pro forma* nga Kristiyanismo.”⁷⁸

Sa susama nga kahulogan si Dennis Smith miingon:

“Dili ko batok sa mga plano, mga programa ug mga pamaagi. Apan ako nahadlok nga kita nagadepende niini nga mga butang sa pagduso sa buluhaton sa Dios. Ang mga plano, mga programa, mga pamaagi dili mutapos sa buhat sa Dios. Ang mga maayong magwawali, maanindot nga mga Kristiyanong konsyerto,

77 Studienanleitung Standardausgabe, Philip G. Samaan, 10.11.1989, to question 8

78 Helmut Haubeil (Hrsg.), Missionsbrief Nr. 34, (Bad Aibling, 2011) page 3

76 KAPITULO 4 | UNSA ANG ATONG EKSPEKTARON NGA MGA KALAINAN?

“ *Kung ang katawhan sa Dios nagkahiusa diha sa pagkahiusa sa Espiritu, ang tanan nga pagka-Pariseo, tanang kinaugalingong pagkamatarung, nga mao ang sala sa Judiong nasod, mapagawas sa mga kasingkasing.* ”

ang pagsibya pinaagi sa satelayt dili muhuman sa buluhaton sa Dios. Ang Espiritu sa Dios ang mutapos sa buluhaton sa Dios – ang Espiritu sa Dios nga nagasulti ug naga-alagad pinaagi sa mga kababayin-an ug kalalakin-an nga napuno sa Espiritu.”⁷⁹

BAUTISMO/PAGDAUG OG MGA HAMILING KALAG

Ang Bibliya nagapakita kanato nga ang Balaang Espiritu usa ka importante kaayo nga kinahanglanon alang sa pagdaog og mga katawhan alang kang Kristo (tan-awa ang libro sa Buhat). Sa Alemanya, aduna kita sa usa ka bahin, mga simbahan nga nagatubo ug sa pikas nga bahin, mga simbahan nga wala gatubo o nagkagamay. Sa tibook kalibutan, ang kadaghanon sa mga miyembro sa atong mga iglesiya nagtubo og baynte kapilo sa sulod sa 60 ka mga tuig. Kita, sa pagkatinuod, makalista og daghang mga rason alang sa niining sitwasyon sa Germany. Pero isa ka butang ang klaro kanako. Ang pinakaunod nga rason mao ang kakulangan sa Balaang Espiritu. Kini nga problema ang kasagaran nga nag-okupar pag-ayo kanato. Kita nagpalambo o nagpahiangay og daghang mga plano ug mga programa. Atong nakita nga ang kakulangan sa Balaang Espiritu niining dakong paningkamot nagdala og kawad-on sa pundo ug oras tungod nga kita nagpadayon sa mga wala gikinahanglan ug dili malampuson nga mga pamaagi. Nagahulagway si E.G. White niini nga sitwasyon pinaagi sa duha ka mga kinutlo:

79 Dennis Smith, *40 Days – Prayers and Devotions to Prepare for the Second Coming* (Wien, 2012), p. 88

“Ang Dios sa pagkakaron, wala nagdala og daghang mga kalag sa kamatuoran, tungod sa mga miyembro sa iglesiya nga wala makumberter ug tungod niadtong mga nakumberter kaniadto apan nawala sa pagtoo. Unsa ang impluwensiya nga mahatag niining mga wala mapahinungod nga mga miyembro [unodnong mga Kristiyano] sa bag-ong mga nakabig?”⁸⁰

“Kung kita magpaubos sa atong mga kaugalingon sa atubangan sa Dios, ug mahimong mahigalaon, matinahuron, ug malulot og kasingkasing ug maluluy-on, adunay ginatos nga mga pagkabig sa kamatuoran sa diin nga aduna lamang usa sa pagkakaron.”⁸¹

Sa pikas nga bahin, aduna kita’y bautismo sa mga tawo, nga dili igo ang preparasyon. Si E.G. White nagsulti:

“Sa niining panahon karon sa kalibutan, ang bag-ong pagkatawo usa ka talagsaong eksperyensiya. Mao kini ang rason nganong adunay daghang mga kahasol sa sulod sa iglesiya. Daghan, hilabihan kadaghan, ang nagdala sa pangalan ni Kristo nga wala mabalaan. Sila nabautismohan, apan sila nalubong nga buhi. Wala mamatay ang kaugalingon, mao nga sila wala mahaw-as ngadto sa bag-ong kinabuhi diha kang Kristo.”⁸²

Kini nasulat niadtong 1897. Unsa usab ang sitwasyon karon? Ang problema mao: ang bisan kinsa nga wala natawo pag-usab wala mapuno sa Balaang Espiritu. Si Jesus nagpamulong: *“Gawas kong ang tawo magpakatawo sa tubig ug sa Espiritu, dili siya makasulod sa gingharian sa Dios.”* (Juan 3:5) Dili ba tinood nga atong nagakatagbo ang kakulangon sa Balaang Espiritu sa kada aspeto?

ANG BALANG ESPIRITU UG ANG PAGPANGWALI

Ang Dios nagasulti kanato mahitungod sa kahulogan sa Balaang Espiritu ug **pagpangwali**: “Ang pagpangwali sa pulong mahimong kawang kon walay makanunayong presensya ug tabang sa Balaang Espiritu. Mao lamang kini ang masangputanon nga magtutudlo, sa diosnong kamatuoran. Walay laing pamaagi nga makapabuhì sa kalag ukon makapausab sa kinabuhi kundi ang Espiritu mao ang maghatod sa kamatuoran ngadto sa kasingkasing. Ang usa makaarang sa pagpresentar sa pulong sa Dios, siya tingali nakasinati sa tanan Niyang mga sugo

80 E.G. White, *Testimonies for the Church*, Vol. 6, (1901) p 370.3

81 E. G. White, *Testimonies for the Church*, Vol.9 (1909), p. 189.4

82 E.G. White, MS 148 (1897)

ug mga saad; apan gawas ang Espiritu Santo mopahiluna sa kamatuoran, walay mga kalag nga mahulog sa Bato og madugmok. Walay gidak-on sa edukasyon, walay mga bintaha, bisan unsa ka daku, makapahimo sa usa nga iliganan sa kahayag kon walay kooperasyon sa Espiritu sa Dios.”⁸³

Ang pagpangwali wala lamang nagakahitabo panahon sa sermon, apan nalakip niini ang mga lektura, pagtoon sa Bibliya o ginagamayng pundok.

Si Randy Maxwell nag-ingon:

“Apan ang kamatuoran mao nga kita nagakamatay sa kauhaw sa pagkonektar diha sa buhing Dios!”⁸⁴

Ang kakulangon ba sa Balaang Espiritu usa ka hinungdan sa kahadlok? Sakto ba si Emelio Knechtle sa iyang gipamulong: “Nganong wala kita nagmalampuson sa pagbali sa kalibutan? Adunay sayop sa atong mga pagtuo. Kita nahadlok sa mga panagbangi, kita nahadlok ug mga engkwentro, kita nahadlok ug mga kalisdanan, kita nahadlok nga mawad-an og trabaho, kita nahadlok nga madaot ang atong reputasyon, kita mahadlok nga mawad-an og kinabuhi. Mao nga kita maghilom na lamang ug mutago. Kita mahadlok magpasibya sa maayong balita sa kalibutan sa mahigugmaon ug gamhanang paagi.”⁸⁵

Ang solusyon niini nga problema makita sa Buhat 4:31: “*Ug sa nakaampo na sila, nauyog ang dapit nga ginatiguman nila; ug nangapuno silang tanan sa Espiritu Santo, ug nanagsulti sa pulong sa Dios nga adunay kaisug.*”

ANG BALANG ESPIRITU UG ANG ATONG MGA BALASAHON

Ang musunod naghigot mahitungod sa atong mga balasahon: “Kung ang kaluwasan sa Dios nag-uban sa nagsulat alang sa atong papel, ang sama nga Espiritu ang mabatian sa nagbasa. Ang usa ka sinulat nga naa ang Espiritu sa Ginoo mauyonan sa mga anghel, ug maghatag og sama nga impresyon sa nagabasa. Apan ang sinulat sa usa ka manunulat nga wala nagkinabuhi nga bug-os alang sa himaya sa Dios, wala nagpahinungod sa Dios, nabati sa mga anghel ang kakulangon ug nagakaguol. Sila mulakaw ug dili mahatagan ang nagabasa og impresyon tungod nga ang Dios ug ang Iyang Espiritu wala niini.”⁸⁶

83 E.G. White, *The Desire of Ages* (1898), p. 671.4

84 Randy Maxwell, *If my people pray...* (Pacific Press, 1995), p. 11

85 CD *Die letzte Vorbereitung*, Teil 6

86 E.G. White, *PH 016*, p. 29.1

Gusto nako tagaan pag-usab ug gibug-aton: Ang tanan nato nga gibuhat dili sayop. Dili gayud. Kita nakahimo og hilabihan kamaayo nga mga butang; Ang Dios, sa pagkatinuod, nagpanalangin sa atong mga tawhanong pagpaningkamot kutob sa mahimo. Apan ang importanteng pangutana mao: Ato bang ginabuhat kini nga mga tahas isip usa ka espirituhanon o unodnong Kristiyano? Usa ka butang ang sigurado: Kung kita nagpakigbisog sa pagpangita og solusyon, pinaagi sa unodnong basehan, masayang ang mga oras nga atong gigahin niini; kita makahimo og daghang mga buluhaton, apan walay pulos.

ANG BALANG ESPIRITU: WALAY NAHAUNANG ULAN, WALAY ULAHING ULAN

“Ang nahaunang ulan, isip napuno sa Balaang Espiritu, nagahatag kanato sa gikinahanglan nga espirituhanong pagkahamtong, nga importanteng ma-angkon aron kita makabenepisyo sa ulahing ulan.”⁸⁷

“Ang ulahing ulan, nga nagapahinog sa anihonon, nagrepresentar sa espirituhanong grasya nga mag-andam sa iglesiya alang sa pagbalik sa Anak sa tawo. Apan gawas kon ang nahaunang ulan nabubo, walay mu-usbong nga kinabuhì; ang dahon dili muusbong. Gawas kon nabuhat na sa nahaunang ulan ang iyang tahas, ang ulahing ulan dili makadala sa binhi ngadto sa perpektong pagtubo.”⁸⁸

87 Dennis Smith, *40 Days – Prayer and Devotions to Revive Your Experience with God*, Book 2, (Vienna, 2013), p. 175

88 E.G. White, *The Faith I Live By*, (1958), p. 333.3

89 E.G. White, *The Great Controversy*, (1911), p. 469

ANG BALANG ESPIRITU UG ANG BIBLIKAL NGA PAGKABALAAN

“Kini (biblikal nga pagkabalaan) mahimo lamang pinaagi sa pagtoo diha kang Cristo, pinaagi sa gahum sa Espiritu sa Dios nga nagapuyo kanato.”⁸⁹

DAKONG BULUHATON SA KAMISYUNAN NGA WALA ANG BALANG ESPIRITU?

Posible ba nga ang mga dalagkong institusyon, malampusong mga programa sa ebanghelyo ug mga maayong stratehiya sa kamisyunan mamugna nga wala ang Balaang Espiritu? Si Andrew Murray, usa ka inilang misyonero sa South Africa , nakahibalo nga kini nga situwasyon posible ug, tinood gayod sa kakristiyanohan. Gipakita kini sa iyang sinulat:

“Mamahimo nga ako magwali o magsulat o maghunahuna o magpamalandong, ug malipay nga ma-okupar sa mga butang sa Libro sa Dios ug sa Ginharian sa Dios; apan ang gahum sa Balaang Espiritu wala kanako. Ako nahadlok nga kung ugaling imong dal-on kini nga pagpangwali sa tibook Simbahan ni Kristo ug mangutana nganong anaa, alaut! Adunay diyutay lamang nga gahum sa pagkabig sa pagpangwali sa Pulong, nganong adunay daghan kaayong mga buluhaton ug kasagara diyutay nga kalampusan alang sa eternidad, nganong ang Pulong adunay diyutay nga gahum sa pagtukod sa mga tumutuo ngadto sa pagkabalaan ug pagtugyan – ang tubag muabot: Ang kawad-on sa gahum sa Balaang Espiritu. Ug ngano kini? Walay laing rason kundi ang unod [tan-awa ang Galatia 3:3] ug tawhanong kusog ang mipuli sa lugar sa Balaang Espiritu.”⁹⁰

ANG BALANG ESPIRITU UG ANG MAAYONG PANGLAWAS

“Busa, mga igsoon, ginapangamuyo ko kaninyo pinaagi sa mga kalooy sa Dios, nga ihalad ninyo ang inyong mga lawas ingon nga halad nga buhi, balaan ug nahamut-an sa Dios, nga mao ang inyong katarunganon nga pagsimba” (Roma 12:1)

90 Randy Maxwell, *If My People Pray* (Pacific Press, 1995), p. 145

“Wala ba kamo manghibalo nga kamo templo sa Dios, ug nga ang Espiritu sa Dios nagapuyo diha kaninyo? Kong may tawo nga magalaglag sa templo sa Dios, ang Dios magalaglag kaniya; kay ang templo sa Dios balaan, ug mao kana kamo.” (1 Corinto 3:16-17)

“Kon wala ba kamo manghibalo nga ang inyong lawas mao ang templo sa Espiritu Santo nga anaa kaninyo nga inyong nabatongan gikan sa Dios? ug dili na kamo inyo sa inyong kaugalingon. Kay pinalit kamo sa usa ka bili: busa, himayaon ninyo ang Dios sa inyong lawas ug sa inyong espiritu, nga mga iya sa Dios.” 1 Corinto 6:19-20 (Tan-awa usab ang Exodo 15:26)

Ang mga tawong napuno sa Balaang Espiritu, templo sa Dios. Ikaw ba nakahunong alang sa paghunahuna kung unsa ang implikasyon niini sa imong kinabuhi? Ang templo mao ang puloy-anan sa Dios. Ang Ginoo mi-ingon kang Moises: *“Ug pabuhaton mo sila ug usa ka balaang puloy-anan alang Kanako aron Ako magapuyo sa taliwala nila.”* (Exodo 25:8)

Kung atong seryosohon paghunahuna kini nga pahayag, mahimong tinuyo nga bahin sa atong pagkadisipulo ang pag-atiman sa atong lawas ug sa himsog nga pamaagi sa pagkinabuhi. Ang atong lawas nahisakop sa Dios. Gusto mo bang ayohon pagtratar ang kabtangan sa Dios? Oo, gusto natong etratar ang atong lawas pag-ayo ug sa pagkatinuod sumala sa pagtudlo sa Dios! Kini nanginahanglan og mabug-at nga disiplina. Kasagaran, ang tawong napuno sa Balaang Espiritu, mahimo ug makahimo sa pagpatuman niini nga disiplina nga adunay kalipay. Ang ganti niini mao ang mas himsog nga lawas, kalag ug espiritu. Ang tawong wala mapuno sa Balaang Espiritu magapakigbisog ug mag-antos sa mga kalisud. Ang Dios nagadahom nga atong mintinaron ang pinakahimsog nga lawas ug espiritu alang sa Iyang himaya, alang sa Iyang serbisyo ug alang sa atong kalipay. Niini nga bahin, wala usab ikapuli sa pagkapuno sa Balaang Espiritu. Kung si Jesus nagapuyo kanato pinaagi sa Balaang Espiritu, Siya usab ang *“Dios nga maga-ayo kanimo.”* (Exodo 15:26) Ang kaayohan kanunay nga maayo alang sa mga tawong adunay panginahanglanon niini ug alang sa himaya sa Dios. Kini magapasaka sa pangutana nga: Ginaayo ba sa diosnong mananambal ang tanang katawhan?

“Ang usa ka babaying tigulang nga Cambodian miadto isip usa ka refugee ngadto sa balay tambalanan sa misyon., usa ka kampo alang sa mga refugee sa Thailand. Siya nagsanina sa bisting pang Buddhist nga madre. Siya naghangyo nga matambalan ni Doktor Jesus. Mao nga siya ilang gisaysayan mahitungod kang

Jesus. Siya nagsalig Kaniya ug naayo ang iyang lawas ug kalag. Sa iyang pagbalik sa Cambodia, siya nakadaug og 37 ka mga kalag alang kang Kristo.”⁹¹

Sa panahon nga nagsakit ang maunongong haring Ezechias, ang Dios nagpadala kaniya og mensahe: “*Ania karon, ikaw pakaayohon Ko.*” (2 Hari 20:1-11) Apan nganong wala siya ayoha sa Dios pinaagi sa pulong, apan naghatag kaniya og tahas sa pagbutang og usa ka tinorta nga igos. Dili kaha nga ang Dios nagdahom sa atong kooperasyon pinaagi sa natural nga pagpanambal o pagbag-o sa atong diyeta, ehersisyo, pagpahulay, etc? Nganong wala man ayoha sa Dios si Pablo ug gihinlan siya og “*udyong sa unod*”? Si Pablo mismo nagsaysay: “*Ug aron ako dili makapasulabi sa pagkahimuot tungod sa kadaghan sa mga pinadayag kanako...*” (2 Corinto 12:7-10) Apan si E.G. White nagaingon kanato: “Ang impluwensiya sa Espiritu sa Dios ang pinakamaayong tambal nga madawat sa usa ka masakitong lalaki o babaye. Ang langit sa kinatibuk-an kay kaayuhan; ug kung mas lawom ang pagka-amgo sa langitnong impluwensiya, mas sigurado ang pagkaayo gikan sa sakit sa nagatuo nga masakiton.”⁹²

Dili ba talagsaon ug mahinungdanon ang sinulat sa usa ka negosyante? Siya nag-ambit ngano nga ang tanan niya nga natambongan nga mga lektura mahitungod sa ikaayong lawas walay nahimong maayo kaniya. Apan sukad niadtong nagsugod siya sa pag-ampo adlaw-adlaw alang sa Balaang Espiritu, naliso siya ngadto sa pagpili og himsog nga pamaagi sa pagkinabuhi ug nag nagsunod og *vegetarian* nga diyeta.⁹³ Wala ba kini nagapakita nga ang pagkapuno sa Balaang Espiritu makahatag kanato og kadasig ug maghatag kanato og kusog uban ang kalipay sa pagdawat sa himsog nga pamaagi sa pagkinabuhi?

Ang usa ka igsoong babaye nakabasa niini nga eskperiyensiya. Siya nagsulat: “Pinaagi sa akong bug-os nga pagtugyan kang Jesus, ang Dios nagbag-o sa akong tibuok nga kinabuhi sa usa ka gutling. Human sa akong pag-ampo sa pagtugyan, ako miadto sa kusina pagkasunod nga buntag, mitindog sa akong *coffee machine*, naglingo-lingo ug misulti sa akong kaugalingon: dili, wala na ako naga-inom og kape. Kaniadto, kini dili gayud nako mahunahunaan, tungod nga kada musulay ako sa pag-undang og kape, ako makaeksperiyensiya og makalilisang nga sakit sa ulo sa sulod sa lima ka adlaw – kini isog nga mga simtomang sa pag-undang. Niini nga panahon, wala nako ginahuna-huna ang mga resulta diha kanako. Ako lang nakahibalo nga dili na gayud ko gusto muinom ug kape. Karon, wala na gayud ako

91 Author unknown, *Our Daily Bread* – Worship book (RBC Ministries), 26. Nov. 1993

92 E.G. White, *Medical Ministries* (1932) p.12.3

93 Email niadtong 7.3.2013

nagahandum sa kape.”⁹⁴ Isa lamang kini sa mga kabag-uhan sa iyang kinabuhi. (Akong ginarekomendar ang ikalima nga “*Andreasbrief*” mahitungod sa kadaugan batok sa tabako ug alkohol alang sa tanan nga gustong makalingkawas gikan sa mga adiksiyon. Kini nagapatin-aw sa dalan ngadto sa kagawasan pinaagi sa pag-ampo ug mga saad (anaa lamang sa German nga pinulongan).⁹⁵)

Ang kinabuhi kauban ang Balaang Espiritu makapalambo og dako sa pagreporma alang sa ikaayong lawas. Kini nagadepende sa impormasyon mahitungod sa ikaayong lawas nga nalambigit sa gahum sa pagbag-o. Si Don Mackintosh, ang Direktor sa Newstart Global, Weimar CA, nag-ingon:

“Ang tinood nga panginahanglanon sa atong panahon dili lang ang simpleng pag-edukar mahitungod sa ikaayong lawas – aduna kitay mga labing maayong impormasyon. Ang gikinahanglan mao ang impormasyon sa ikaayong lawas inubanan sa gahum sa pagkinabuhi niini, nga mao ang gahum sa pagkabag-o.”⁹⁶

Si Dr. Tim Howe nagsaysay:

“Ang pag-edukar sa ikaayong lawas, kung kini nag-inusara lamang, dili matawag nga buluhaton sa usa ka medikal misyonero. Ang pag-edukar mahitungod sa ikaayong lawas dili makahatag og kaayohan sama nga ang balaod sa Dios dili makahatag ug kaluwasan. Aron makab-ot ang kahimsog o kaluwasan, kinahanglan maeksperyensiyahan ang gahum sa Dios nga makabag-o.”⁹⁷

Ug sa katapusan, aduna akoy pangutana: Unsay kamatooran sa mga tanyag nga pagpang-ayo paagi sa pagtoo? Maka-ekspektar ba og kaayohan kung wala ang pagkapuno sa Balaang Espiritu? (tan-awa ang Marcos 16:17-18; Santiago 5:14-16).

PAGPANGANDAM ALANG SA IKADUHANG PAGBALIK NI JESUS

Walay makapuli sa usa ka suod nga panag-uban kang Jesus pinaagi sa Balaang Espiritu isip pagpangandam alang sa Ikaduhang Pagbalik (o ang kamatayon diha sa Dios). Kung si Kristo nagapuyo kanako pinaagi sa Balaang Espiritu, ako naandam na pinaagi sa Iyang grasya. Tulo ka mga bahin ang makapakita niini.

94 Email niadtong Nobyembre 18, 2014 gikan kang Sister M.

95 Andreasbrief Nr. 5 Sieg über Tabak und Alkohol, www.missionsbrief.de – Andreasbriefe. Man kann ihn auch beziehen bei Wertvoll leben, Adventist Book Center und TopLife – Wegweiser Verlag.

96 Dave Fiedler, D’Sozo, (Remnant Publications), Forward

97 Dave Fiedler, D’Sozo, (Remnant Publications), Forward

(Ang mga detalye niini makita sa libro nga *Spirit Baptism and Earth's Final Events*, ni Dennis Smith)

Personal nga Relasyon ngadto kang Kristo

Si Jesus miingon: *“Ug ang kinabuhing dayon mao kini, ang ilang pagpakaila Kanimo nga mao ang bugtong tinuod nga Dios, ug kang Jesu-Cristo nga imong pinadala.”* (Juan 17:3) >>Pagkaila<< adunay mas lawom nga kahulogan niini sa Bibliya kon itandi sa kahulogan niini sa linggwaheng Ingles karon. Kini nagakahulogang usa ka bug-os , balosay ug mahigugmaong saad. Anaa lamang kini sa usa ka kinabuhi nga anaa ang Balaang Espiritu. Kini nga panghunahuna gipadayag sa musunod nga kinutlo:

“Kita nanginahanglan og buhi nga kadugtongan sa Dios. Kita kinahanglan nga masul-oban sa gahum gikan sa Kinatas-an pinaagi sa bautismo sa Balaang Espiritu, aron atong makab-ot ang taas nga sukaranan; tungod nga wala nay laing pamaagi nga makatabang kanato.”⁹⁸ Sa sambingay sa napulo ka mga ulay si Jesus misulti sa mga boangboang: *“Ako wala makaila kaninyo.”* Unsa ang rason? Ang kakulangan sa lana, nga nagarepresentar sa kakulangan sa Balaang Espiritu (Mateo 25:1-13). Ang mga tawong nagpalansang kang Jesus adunay dakong kahibalo parte sa Daang Tugon. Apan tungod sa ilang sayop nga interpretasyon, wala sila maghandom og personal nga relasyon ngadto kang Jesus.

Ato bang nasayran nga ang pinaka-ulahing henerasyon, tungod sa mga panghitabo sa ulahing mga adlaw nagakinahanglan og hapiit nga koneksyon sa Ginoo?

Pagkamatarung Pinaagi sa Pagtoo

Ang ulahing mensahe sa Dios alang sa tibook katawhan nga anaa sa mensahe sa tulo ka mga manulonda adunay kalambigitan sa pagpahayag sa “walay katapusang ebanghelyo.” (Bugna 14:6-7) Unsa ang importansiya niini nga mensahe nga gikinahanglan madunggan sa tibook kalibutan? Kini mao ang pagkamatarung gumikan sa grasya pinaagi sa pagtoo kang Kristo lamang (Efeso 2:8-9). Sila nga magapahayag niining mensahe sa ulahing adlaw nga adunay gahum, kinahanglan nga sila mismo makaeksperyensiya sa gahum niini nga

98 E.G. White, *Review and Herald*, April 5, 1892

mensahe. Sila kinahanglan nga makaila ug makaeksperiensiya sa pagkamatarong pinasikad sa pagtoo pinaagi kang Jesus lamang nga nagapasaylo ug nagatubos gikan sa sala. Kini posible lamang sa usa ka kinabuhi nga napuno sa Balaang Espiritu pinaagi kang Jesu Kristo nga magatabang kanato sa pagtuman. Si Jesus nga nagapuyo kanato napadayag pinaagi sa pagtuman sa tanang Kasugoan sa Dios. Ang kalibutan malamdagan niini nga mensahe. (Bugna 18:1)

Ang Gugma alang sa Kamatuoran

Unsa ang mga epekto nga ma-anaa sa atong mga kinabuhi karon kung anaa o wala ang pagkapuno sa Balaang Espiritu sa aspeto sa atong **paghigugma sa kamatuoran, pagtoon sa Pulong sa Dios ug pagpatuman sa kamatuoran sa atong mga kinabuhi?** 2 Tesalonica 2:10 nagaingon nga: *“...alang sa mga magakawala, kay wala sila managdawat sa gugma sa kamatuoran, aron unta mangaluwas sila.”* Sila nga dili mahisalaag adunay gugma alang sa kamatuoran sa ilang mga kasingkasing. Unsaon nato pagkabaton niini nga gugma? Ato lang kining ma-angkon kung si Jesu Kristo nagpuyo kanato pinaagi sa Balaang Espiritu. Ang Roma 5:5 nagahisgot nga ang gugma sa atong mga kasingkasing nagagikan sa Balaang Espiritu. Ang Efeso 3:17 nagaingon kanato nga kita *“mugamut ug maugmad diha sa gugma”* pinaagi sa Balaang Espiritu. Sa Juan 16:13 ang Balaang Espiritu gitawag nga *“Espiritu sa kamatuoran.”* Kini tataw nga nagpakita nga kinahanglan nga mahimong espirituhanong Kristiyano aron makabaton ug gugma alang sa kamatuoran. Aduna ba kitay mga problema karon sa paghigugma sa kamatuoran, sa pulong sa Dios, sa mga matagnaong mga sinulat? Hunahunaa ang panahon nga umalabot: *“Kadto lamang ang makugihon nga mga estudyante sa Kasulatan, ug nagadawat sa gugma sa kamatuoran, ang mapanalipdan gikan sa makusog nga paglimbong nga magabihag sa kalibutan... Malig-on ba ang pagbarog sa katawhan sa Dios diha sa Iyang Pulong nga dili sila mosunud sumala sa pamatuud sa ilang pagbati?”*⁹⁹

Ang Dios dili mangutana kung ato bang nadiskubrehan ang tanang kamatuoran, apan Siya nagapangutana kung kita nahigugma sa kamatuoran.

99 E.G. White, *The Great Controversy* (1911), p. 625.3

ANG BUNGA SA ESPIRITU O MGA BINUHATAN SA UNOD

“Ang impluwensiya sa Balaang Espiritu mao ang kinabuhi ni Kristo sa kalag. Dili nato makita si Kristo ug makaestorya Siya, apan ang Balaang Espiritu dool kanato nga daw Siya anaa sa usa ka lugar o sa lain. Kini nagabuhat sa kada usa ug pinaaagi sa kada usa nga mudawat kang Kristo. **Sila nga nakahibalo sa pagpuyo sa Balaang Espiritu nagapadayag sa mga bunga sa Espiritu...**”¹⁰⁰

Sa Galatia 5:22: *“gugma, kalipay, pakigdait, pagkamapailubon, pagkamahinuklogon, pagkaayo, pagkamatinumanon; pagkaaghup, pagpugong sa kaugalingon”* Efeso 5:9: *“sa tibook nga kaayo ug sa pagkamatarung ug sa kamatuoran.”*

Ang Galatia 5:16-21 nagapakita kanato nga ang gahum sa sala mabungkag diha kanato pinaagi sa Balaang Espiritu.

*“...Maggawi kamo sumala sa Espiritu, ug **dili kamo magatuman sa kailibgon sa unod.** Kay ang unod nagakaibug batok sa Espiritu, ug ang Espiritu batok sa unod; kay kini sila nagasupakay ang usa ug usa, aron dili ninyo pagbuhaton ang mga butang nga buot ninyo. **Apan kong kamo ginamandoan sa Espiritu, wala kamo sa ilalum sa Kasugoan.** (tan-awa usab ang Roma 7:23 ug 8:1) Karon mahayag ang mga buhat sa unod nga mao kini: Pagpakighilawas, kahugawan, kaulag, pagsimba sa mga dios-dios, lumay, mga pagdinumtanay, mga pag-away, mga pangabugho, mga kaligutgut, mga pagpundokpundok, mga pagkabahinbahin, mga pagbulag gikan sa matuod nga pagtoo; mga kasina, mga paghuboghubog, mga pagpatay sa isigkatawo, mga kaulit, ug mga butang nga maingon-ingon niini, nga gipasidaan ko kaninyo, ingon nga gipasidaan ko kamo pag-usab, nga kadto sila nga nagabuhat sa maong mga butang, dili makapanunod sa gingharian sa Dios.”* (Galatia 5:19-21).

MGA ESPIRITUHANONG GASA

Sa ilawom sa espirituhanong gasa, nagpasabot sa mga gasa nga gihatag pinaagi sa paglihok sa Balaang Espiritu, sumala sa ilang pagkalista sa 1 Corinto 12:28 ug Efeso 4:11: apostoles, mga manalagna, mga evangelista, mga pastor, mga magtutudlo, mga magbubuhat sa katingalahan, mga hiyas sa pag-ayo, mga pagtabang, mga pagmando, mga nagakalainlaing sinultihan. Kini nga mga gasa adunay kabahin ‘alang sa paghingpit sa mga balaan, alang sa buhat sa

ministerio.'... Gipalig-on nila ang pagpamatuod sa iglesiya ug naghatag niini sa pagpangulo ug giya."¹⁰¹ Ang Balaang Espiritu nagahatag usab og ubang mga talento alang sa mga pihong katuyoan: "sa kahibalo ug sa tanan nga paagi sa bulohaton"(Exodo 31:2-6) o arkitektura (1 Cronicas 28:12, 19)

Kung kita gusto mahimong tinon-an ni Jesus, atong itugyan ang atong kinatibok-an ug ang tanan nga naa kanato. Busa ang tanan nato nga mga talento ug mga abilidad, tiunay o natun-an, anaa lamang sa Iyang katuyuan. Siya makahatag kanato og dugang nga mga talento ug/o Siya makalunsay ug makapaputli sa atong mga natural nga abilidad.

Maka-angkon ba kita og mga espirituhanong gasa kung kita nakabsan sa Balaang Espiritu?

PAGPILI SA DIOS O PAGPILI SA TAWO?

Aduna kitay demokratikung istruktura sa atong mga iglesiya sa tibook kalibutan. Apan wala kini mahunahunaan nga mahimong popular nga demokratiku. Ang tinood nga tumong sa atong mga boto mao nga ang tanan personal nga makadungog sa tingog sa Dios ug mubutar sumala niini. Pinaagi sa pagpamati sa tingog sa Dios, nga mapadayag kung unsa ang kabubut-on sa Dios pinaagi sa resulta sa pagboto. Kita, sa pagkatinuod, naga-ampo sa dili pa kita magpakigbahin sa bisan unsa nga panagtigum sa komite. Kasagara ang oportunidad ginahatag sa wala pa magbotar alang sa personal nga pag-ampo aron mahimong tataw sa kada usa ang kabubut-on sa Dios mahitungod sa pagbotar. Si Nehemias nag-ingon: "Ang akong Dios nagabutang sa akong kasingkasing..."(Nehemias 7:5) ug si E.G White naghisgot mahitungod sa Nehemias kapitulo 1 : "Ug samtang siya nag-ampo, ang usa ka balaang katuyoan namugna sa iyang hunahuna..."¹⁰²

Madungog ba sa usa ka unodnong Kristiyano ang tingog sa Dios? Kung siya wala mahibalo ug dili bug-os nga nagtugyan sa Dios, dili gayud siya makakuha og tubag (Salmo 66:18, Salmo 25:12). Kung ang usa ka unodnong Kristiyano, kinasingkasing nga mubotar kutob sa iyang pinakamaayong kahibalo, sa tawhanong pagkaestorya, madawat kini. Apan sa panahon sa mga tawhanong kasabutan, mahimo kining manipulasyon ug sala.

101 Hrs. Gerhard Rempel, *Schlüsselbegriffe adventistischer Glaubenslehre* (Hamburg), p. 44

102 E.G. White, *Southern Watchman* (www.egwwritings.org), March 1, 1904

Ang mga pangulo adunay dako nga impluwensiya sa buluhaton sa Dios. Makahimo gayud kini og dakong kalainan ug mga dakong sangputanan kung ang mga igsoong lalake ug babaye nga nagapangulo, tinawag sa Dios o pinili lamang sa tawhanong botasyon.

Samtang ako nagbasa og libro mahitungod sa pag-ampo, ako naka-amgo nga kita pwede makapangayo sa Dios nga ipakita Niya kanato ang dalan. (Salmo 32:8) Ang hilom nga pagpamati sa tingog sa Dios nagbag-o sa tibook nakong kinabuhi. Ako nagahatag og sugilanon mahitungod niini sa usa ka artikulo nga gitawag ug “Gikan sa usa ka Negsoyante paingon sa Pagkapastor” (nasulat lamang sa *German*).¹⁰³ Aduna usab usa ka maayong wali nga pwede pamatian gikan kang Kurt Hasel “Unsaong nako paghimo og insaktong mga desisyon?” (nasulat lamang sa *German*)¹⁰⁴ Ug aduna usab karaang wali ni Henry Drummond nga maayo basahon: Unsaon nako pagkahibalo sa kabubut-on sa Dios?” (nasulat lamang sa *German*)¹⁰⁵

Ani-a ang usa ka eksperiyensiya nga nahitabo niadtong Oktubre 23, 2014: Ang sentro sa kamisyunan “Country Life Institute Austria” sa Carinthia, Austri (TGM – Trainingszentrum für Gesundheitsmission und Gesundheitszentrum Mattersdorferhof) nag-atubang og desisyon. Kinahanglan ba kita mudugang og estruktura o dili? Aduna’y daghang butang nga uyon niini ug batok niini. Ang pinakaimportanteng pangutana mao: Unsa man ang kabubut-on sa Dios mahitungod niining butanga? Wala na kami naghisgutanay mahitungod sa mga uyon ug kontra, apan kami nag-ampo sa sulod sa napulo ka adlaw nga ang Dios mag-andam kanamo nga makadungog sa Iyang tingog ug nga Siya muhatag kanamo sa Iyang tubag sa usa ka panagtigum alang sa pag-ampo sa Oktubre 23 (human nga nakahawa ang mga bisita sa NEWSTART) kung kami ba magtukod o dili.

Ang panagtigum alang sa pag-ampo nahitabo nga adunay 20 ka mga partisipante. Human sa panagtigum alang sa pag-ampo, ang kada usa nangutana sa Ginoo sa hilom kung sila ba magatukod o dili. Ang personal nga tubag gikan sa Ginoo ipaga-ambit sa grupo sa musunod: sa usa ka piraso nga papel, sila magasulat og “+” kung sila magatukod, “-”, kung dili sila magatukod, “0”kung

103 www.gotterfahren.info – Gott verändert Leben – Vom Prokurist zum Prediger

104 www.gotterfahren.info – Wege zum Ziel: Gott erfahren – Gottes Botschaft für unsere Zeit – Thema Nr. 11

105 Missionsbrief.de – Predigten lesen – Henry Drummond: Wie erkenne ich den Willen Gottes? (Deutsch und Englisch)

sila walay tubag ug “?” kauban sa ilang tubag kung sila dili sigurado niini. Ang resulta usa ka simbolo sa makatilingalang paggiya sa Dios: Adunay 14 ka “+” (4 niini ang “+?”), 6 ang “0” ug 4 ang blanko. (Aduna usab 2 ka tubag nga dili klaro ug wala na lamang gilabot sa pag-ihap. Mao nga ang paggiya sa Dios tataw kaayo nga kami magatukod. Ako kumbinsido nga kita direkta makapangayo og laygay sa Ginoo labaw na sa ulahing mga adlaw.

Sa Joel 2:28-29 nagatudlo niini. Si E.G. White nagakomentar: “Kinahanglan nga tagsa-tagsa kanato ang makadungog sa pagpakigsulti sa Dios kanato sa atong mga kasing-kasing. Kung ang tanang mga tingog gipahilom, ug sa kalinaw kita magahulat kaniya, ang kahilom sa kalag maghimo sa tingog sa Dios nga klaro. Kita lyang gina-awhag, *“Humilum kamo ug ilhon ninyo nga Ako mao ang Dios.”* Salmo 46:10¹⁰⁶

SALAPI

Unsay kalahian nga anaa sa taliwala sa espirituhanon ug unodnong Kristiyano bahin sa pagbaton ug paggamit sa salapi? Ato bang nakita ang atong mga kaugalingon isip tag-iya sa atong mga kabtangan o isip piniyalan sa Dios? “Ang gugma sa salapi ug ang gugma sa pagpasundayag ang naghimo niining kalibutana nga yungib sa mga kawatan ug mga tulisan. Ang Balaang Kasulatan nagpadayag sa kahakog ug pagpanglupig nga mupatigbabaw sa dili pa ang Ikaduhang Pagpadayag ni Kristo.”¹⁰⁷

ANG MGA MANULONDA SA DIOS NAGAPROTEKTAR SA MGA TAWONG ADUNAY KAHADLOK SA DIOS

Ang mga manulonda sa Dios nagahatag og proteksyon sa mga tawong may kahadlok sa Dios. *“Ang manolonda ni Jehova magapahaluna sa paglibut sa mga nangahadlok kaniya, ug magaluwas kanila.”* (Salmo 34:7) “Sa kada sumusunod ni Kristo, adunay manulonda nga nakadestino alang kaniya. Kini nga mga langitnong magbalantay nagapanalipod sa mga matarung gikan sa gahum sa dautan.”¹⁰⁸ – Kung nagahisgot mahitungod sa mga tawong adunay kahadlok sa

106 E.G. White, *The Desire of Ages* (1898), p. 363.3

107 E.G. White, *Prophets and Kings* (1917), p. 651.1

108 E.G. White, *The Great Controversy*, (1911), p. 512.2

Dios, mga sumusunod ni Kristo ug mga matarung nga mga tawo nga anaa sa ilalom sa proteksyon sa Dios, nagpasabot ba nga kini ma-aplikar sa bisan kinsa nga nakita nila ang ilang mga kaugalingon isip Kristiyano? Kini ba ma-aplikar sa mga wala pay kinatibok-ang pagtugyan sa kinabuhi sa Dios? Tinood kini sa mga kabataan, tungod nga si Jesus mi-ingon sa Mateo 18:10: *“Magmatngon kamo nga dili kamo magtamay sa usa niining mga gagmay; kay nagaingon Ako kaninyo nga didto sa langit ang ilang mga manolonda nagatan-aw sa nawong sa Akong Amahan nga atua sa langit.”* Si David nga gisalig sa bug-os ang iyang kinabuhi ngadto sa Dios, nakahibalo nga walay angay kahadlok. Siya miingon: *“Si Jehova mao ang akong kahayag ug ang akong kaluwasan; Kinsa man ang akong pagakahadlok? Si Jehova mao ang kusog sa akong kinabuhi; kang kinsa man ako malisang?”* (Salmo 27:1)

(Akong ginarekomenda nga basahon ninyo ang *The Great Controversy* sa kapitulo 31, ang bahin mahitungod sa ministerio sa mga maayong manulonda. Kini usa ka dakong kalipay alang sa kada anak sa Dios.)

PANAPOS NGA PAMAHAYAG

Kita nakahisgot sa pipila lamang ka mga bahin. Aduna pay daghang mga bahin sa kinabuhi ug pagtoo nga mamahimong madugang. Alang sa tanan kanila, ang musunod matuod:

Kung atong susihon karon pagbalik ang mga kalahian, wala gayuy bisan usa ka bahin nga walay dakong bentaha sa kinabuhi nga anaa ang Balaang Espiritu. Ug sa pikas bahin, walay bisan usa ka bahin nga walay dagkong mga kabilinggan sa kinabuhing wala ang Balaang Espiritu. Dili ba kini mahimong dakong pangpadasig alang kanato nga adlaw-adlaw natong ededikar ang atong kinabuhi ngadto sa Dios ug mangayo nga kita mapuno sa Balaang Espiritu?”

“Pila ka tuig ang milabay adunay usa ka Boeing707 nga milarga gikan sa tugpahanan sa Tokyo padulong sa London. Nindot ang paglarga niini. Adunay tin-aw ug hayag nga kalangitan. Ug wala madugay, nakita sa mga pasahero ang dungganong Mt. Fuji sa Japan. Ug kalit lang nga nagka-ideya ang piloto nga patuyokon kini sa bukid aron matagamtaman sa mga pasahero ang talagsaong talan-awon.

Siya mibiya sa naandan nga agi-anan sa paglupad ug mi-ilis ngadto sa *visual flight*. Samtang anaa siya sa *visual flight*, iyang gibiyahan ang seguridad sa *ground control center* ug kinatibok-ang nagdepende sa kung unsa iyang makita. Nakita sa piloto ang bukid nga dool na lang sa iyang ilawom. Ang iyang *altimeter* nagapakita nga sa kalay-ong 4000 ka metros. Ang wala niya makita mao ang pagbagsak ug paghuros sa hangin, nga naga-alirong sa Bukid sa Fuji. Walay bawot ang Boeing 707 sa hangin. Nabali ang eroplano, mibugsok ug namatay ang tanang pasahero.”¹⁰⁹

Ang unodnong Kristiyano nagakinabuhi sa “*visual flight mode*” Siya nagahimo sa mga desisyon suno sa iyang kaugalingong hunahuna. Bisan sa maayong katuyoan, siya mamahimong mapakyas. Ang espirituhanong Kristiyano magakinabuhi pinaagi sa Balaang Espiritu, sa usa ka mahigugmaon ug nagasalig nga relasyon sa Dios, nga nagagiya kaniya sa luwas nga destinasyon.

Pag-ampo: Amahan namo sa langit, salamat nga ang pagpuyo ni Jesus nganha kanamo pinaagi sa Balaang Espiritu makahimo og positibo nga kalahian nganha kanamo ug sa among buluhaton. Palihog buksi pagdugang ang akong mga mata sa ginabuhat sa Balaang Espiritu. Palihog hatagi ako og kahupnganan sa kinabuhi pinaagi Kaniya, nga mao ang handom ni Jesus nga ihatag kanamo. Palihog tabangi ako nga madiskubrehan ang yawi sa pagsolbad niini nga problema sa sunod nga kapitulo ug makinabuhi niini. Salamat. Amen.

ANG YAWI NGADTO SA PRAKTIKAL NGA EKSPERIYENSIYA

*Unsaon nako pagpatuman ug pageksperiyensiya ang
solusyon sa Dios para kanako? Unsaon nako pag-ampo
aron ako makasigurado nga ako napuno
sa Balaang Espiritu?*

PAG-AMPO UG ANG PAGKAPUNO SA BALANG ESPIRITU

Importante nga magpadayon kita sa pagsud-ong niini nga panaw pinaagi sa pagtoo ug kita mangayo sa Balaang espiritu nga adunay pagtoo. Boot pasabot nga pagkahuman sa pag-ampo alang sa Balaang Espiritu, dapat kita musalig ug makasigurado nga ang Dios nagtubag sa atong pag-ampo ug nga Siya naghatag na kanato sa Balaang Espiritu samtang kita nagapangayo pa.

Ang Galatia 3:14 nagaingon nga: “...aron makadawat kita sa saad sa Espiritu **pinaagi sa pagtoo.**” Ang NIRV nga paghubad nagaingon: “...aron kita makadawat sa gisaad nga Espiritu **pinaagi sa pagtoo** diha kang Kristo.”

Ang Dios naghatag kanato og dakong tabang aron nga mahimong sayon kanato ang pagsalig sa langitnong Amahan. Ato kining gitawag nga “**pag-ampo gamit ang mga saad.**”

PAG-AMPO GAMIT ANG MGA SAAD

Una, adunay usa ka makatabang nga panag-ingnan. Pananglitan, atong hunahunaon nga ang akong anak dili maayo og Pranses sa tulonghaan. Gusto nako hatagan ang akong anak og pagpadasig nga magtoon pag-ayo ug Pranses.

Ako siyang gisaaran nga kung siya makakuha og maayong grado sa iyang kard, siya makadawat og \$20 gikan kanako. Ang bata nagsugod og tuon pag-ayo . Ako usab siyang ginatabangan sa Pranses ug siya tuod nakakuha og maayo nga grado. Unsa naman dayon ang mahitabo? Sa pag-uli sa bata gikan sa tulonghaan ug pagsulod sa pultahan, siya kusog nga manawag: “Pa, \$20!” Ngano siya sigurado kaayo nga makadawat og \$20? Tungod nga adunay saad nga nahimo ug siya nakatuman sa mga gikinahanglan. Sa pagkatinuod, kini normal sa mga tawo sa atong panahon karon.

Apan mamahimo nga sa mao nga panahon, wala akoy \$20. Pwede ba nga wala sa Dios ang butang nga Iyang gisaad? Imposible!

O pwede ba nga akong bawi-on ang akong gisaad ug mu-ingon: “Akong nabasa sa libro mahitungod sa edukasyon nga dili maayo nga mugamit og kwarta sa pagmotibar sa mga kabataan. Mao nang dili nako mahatag kanimo ang \$20.” Nagabag-o ba ang hunahuna sa Dios kadugayan? Imposible!

Atong makita nga kung aduna kitay saad gikan sa Ginoo ug natuman nato ang mga kinahanglanon, adunay usa lamang ka posibilidad – atong madawat ang saad.

Pinaagi sa mga saad sa Dios, gusto Niya nga padasigon kita nga musud-ong sa usa ka direksyon – pananglitan ang pagdawat sa Balaang Espiritu, nga nagahatag kanato sa gahum sa Dios sa atong mga kinabuhi. Gusto Niya nga himoong sayon alang kanato ang pagsalig Kaniya. Ang pagsalig mao ang kinasentrohan sa pagtoo.

Karon, gusto natong basahon ang mga teksto sa 1 Juan 5:14-15 para sa pag-ampo gamit ang mga saad:

“Ug kini mao ang pagsalig nato Kaniya: nga kong mangayo kita bisan unsang butanga sumala sa Iyang kabubut-on, Siya magapatalinghug kanato”

Ang Dios nagahatag og kinatibuk-an nga saad nga Siya magadungog sa mga pag-ampo nga suno sa Iyang kabubut-on. Ang kabubut-on sa Dios napahayag sa mga Kasugoan ug mga saad. Mamahimo nga kita musalig kanila sa atong mga pag-ampo. Ug sa bersikulo 15 nagapadayon sa pag-ingon:

“Ug kong hibaloan nato nga ginapatalinghugan Niya kita sa tanan nga atong pagapangayoon Kaniya, mahibaloan nato nga may ato kita sa gipangayo gikan Kaniya.”

Ang lahi nga paghubad nagaingon:

*“Ug kay nasayod man kita nga mamati Siya kanato, **masiguro usab nato nga Iya nang gihatag kanato ang atong gipangayo Kaniya.**”*

Unsay boot pasabot niina? Ang atong mga pag-ampo nga sumala sa kabubut-on sa Dios matubag **sa parehos nga oras nga gidala nato kini sa pag-ampo**. Apan kung sa emosyon basehan, kasagara wala kitay mamatikdan. Ang atong mga pag-ampo ginatubag pinaagi sa pagtoo, dili pinaagi sa atong mga pagbati. Ang mga pagbati musunod lamang.

Sa pag-ampo sa mga nagagamit og *nicotine* ug adunay adiksiyon sa alcohol, akong natun-an nga: Sa panahon nga sila mag-ampo ug kagawasan, wala silay mamatikdan nga bisan unsa. Sila makadawat sa tubag pinaagi sa **pagtoo**. Apan pila ka mga oras ang mulabay, sila makamatikod nga wala na silay kaibog sa tabako o alcohol. Niana nga panahon, sila nakadawat og **praktikal** nga tubag sa ilang pag-ampo.

Si Jesus nag-ingon sa Marcos 11:24: *“Tungod niini, ingnon Ko kamo nga bisag unsa ang Inyong pangayoon diha sa pag-ampo, tuohi nga **madawat** ninyo kini ug mainyo gayod kini.”*

Si E.G. White nagsulti: “Dili kita kinahanglan nga mangita og makita nga ebidensiya sa panalangin. Ang gasa anaa sa saad, ug kita makapadayon sa atong buluhaton nga adunay pagsalig nga kung unsa ang gisaad sa Dios, makahimo Siya sa pagtuman niini, ug **ang gasa nga ato nang gipang-iyahan, mahitabo sa panahon nga gikinahanglan na kaayo nato.**”¹¹⁰

Mao nga dili kita mangita og gawasnong pagpamatuod. Kini nagapasabot gayud nga nagapangita og emosyonal nga eksperiyensiya. Si Roger Morneau naga-ingon: “Ang mga espiritu [mga demonyo] magadasig sa mga tawo nga mamati sa ilang mga pagbati imbis sa pulong ni Kristo ug sa Iyang mga propeta. Wala nay mas sigurado pa nga pamaagi nga ang mga espiritu makakontrolar sa kinabuhi sa mga tawo sa paagi nga dili mabantayan sa tawo kung unsa ang nagakahitabo kaniya.”¹¹¹

Ang pag-ampo gamit ang mga saad mag-abri sa bahandi sa Dios alang kanato. Ang atong mahigugmaong Amahan naga-abre alang kanato sa panudlanan sa

110 E.G. White, *Education* (1903), p. 258.2

111 Roger Morneau, *A Trip into the Supernatural*, Review and Herald 1982, p. 43

bahandi nga walay pagkahurot. “Sila (mga tinon-an) mamahimo nga magdahom og mga dagkong mga butang kung sila adunay pagtoo sa Iyang mga saad.”¹¹²

DUHA KA GRUPO SA MGA SAAD

Sa mao nga punto, importante usab nga mahimong mabinantayon sa kalainan taliwala sa mga saad sa Bibliya: “**Ang espirituhanong mga saad** - alang sa pagpasaylo sa mga sala, alang sa Balaang Espiritu, alang sa gahum sa pagbuhat sa Iyang buluhaton – **pirmi kini anaa** (tan-awa ang Buhat 2:38-39). Apan ang mga saad alang sa mga panalangin nga dili magluntad, bisan pa ang kinabuhi mismo, ginahatag sa okasyon o ginapugngan sa okasyon, kung hain ang labing maayo nga panahon nga itagana sa Dios.”¹¹³

Usa ka panag-ingnan: Isaías 43:2 “*...sa diha nga ikaw magalakaw latas sa kalayo, ikaw dili masunog, ni ang kalayo mosilaub diha kanimo.*” Ang Dios nagtipig niini nga saad sa usa ka makatilingalang pamaagi alang sa tulo ka managhigala sa nagadilaab nga hudno (Daniel 3). Apan sa pikas bahin, ang mga repormador nga si Hus ug Jerome gilamoy sa kalayo sa bitayan sa *Constance*. Mamahimo natong masulti nga ang ilang mga pag-ampo wala matubag. Apan bisan pa niana, wala ba sila gitubag sa usa ka pamaagi nga wala nato nasinatian? Ngano? Ang usa ka papanhong manunulat naghulagway sa kamatayon niining mga martir sa mga musunod: “Ang duha nagpakita nga walay pagbag-o sa ilang hunahuna bisan pa niabot na ang ilang ulahing oras. Sila nag-andam alang sa kalayo nga daw paingon sa usa ka pista sa kaminyoon. Sila wala mihilak sa kasakit. Samtang ang kalayo nagakaon kanila, sila nagsugod sa pag-awit og mga kalantahan; ug ang kakusog sa kalayo wala magpaundang sa ilang pag-awit.”¹¹⁴

Kung ang usa ka tawo gisunog, sila lamang makasinggit. Ang ilang paggawi nagpakita nga ang Dios nanginglabot, dili lang ugaling sama sa pamaagi nga dali nato makita. Kini nagpakita kanako nga ang mga mga saad parte sa mga butang nga dili galuntad aduna gihapoy kahulogan alang kanato.

PAGPASALAMAT ALANG SA TUBAG

112 E.G. White, *The Desire of Ages*, (1898), p. 668.1

113 Morris L. Venden, *95 Theses on Righteousness by Faith*, (Pacific Press 1987), p. 60

114 E.G. White, *The Great Controversy*, (1911), p.109.3 Neander, “*Kirchengeschichte*,” 6.Per., 2. Abschnitt, 2 Teil, §69; Hefele, “*Konziliengeschichte*” Bd. VI, S.209 F

Karon, alang naman sa usa ka importanteng aspeto: Kung ang atong mga paghangyo gihatag sa panahon nga kita nangayo, insakto usab nga magpasalamat sa Dios sa Iyang tubag alang sa sunod. **Ang atong pagpasalamat karon nagapahayag sa atong pagsalig sa Dios** nga Iyang gitubag ang atong pag-ampo ug kita nagadahom nga kini matuman sa panahon nga gikinahanglan na kaayo nato. Ang uban nga mga tumutuo adunay mamatikdan diha-diha dayon human sa ilang pag-ampo. Apan alang sa kadaghanang mga tumutuo, daw susama kini sa eksperiyensiya ni Elias: Ang Dios wala sa bagyo, sa linog o sa kalayo, apan sa hilom ug gamay nga tingog (1 Hari 19:11-12). Kini mao usab ang akong eksperiyensiya.

Human sa dugay nga panahon, ako naghunahuna nga walay nahitabo. Apan kalit lang nga akong namatikdan nga daghan nang mga butang ang nahitabo kanako nga wala man lang nako damha.

BAG-OHA ANG AKONG HUNAHUNA

Kini nagakahulogan: **Kinahanglan nga mabag-o ang akong hunahuna niini nga panahon.** “... *pag-usab kamo pinaagi sa pagbag-o sa inyong salabutan...*” (Roma 12:2)

Karon, insakto nga mu-ingon: Salamat nga Ikaw nagtubag sa akong pag-ampo. Salamat sa paghatag daan sa akong gipangayo. Salamat nga ako kining maeksperiyensiyahan sa saktong panahon.

Dili kini pagmaniobra sa kaugalingon. Pinaagi sa pagmaniobra sa kaugalingon, akong ginasulayan pagdani ang akong kaugalingon. Kung ako nag-ampo gamit ang usa ka saad, aduna akoy diosnong basehan alang sa pagabag-o sa akong huna-huna, tungod kay ako natubag na pinaagi sa pagtoo. Sa mao nga bahin, kung dili nako bag-ohon ang akong huna-huna, akong ginapakita nga wala ko nagasalig sa Ginoo, apan ako nagabase sa akong gibati. Pinaagi niini nga paggawi, akong gihimong bakakon ang Dios ug wala akoy madawat nga bisan unsa.

Importante usab nga ako mubuhat suno sa akong gitoohan, bisan nga wala pa koy namatikdan nga bisan unsa. Pirmi ginalambigit sa Dios ang panginahanglanon sa pagtoo. Gusto Niya nga musalig kita Kaniya. Hunahunaa ang pagtabok sa suba sa Jordan. Ang mga pari kinahanglan nga mutunob og una sa tubig ug kini natunga. Kinahanglan nga mulusbog si Naaman og ikapito kabeses sa tubig aron siya maayo.

Basin ikaw nagaingon nga: “Dili nako na mahimo. Dili man gali nako mahunahunaan nga himoon na.” Palihog dumduma nga daghang mga butang nga dili nato maeksplikar. Hangtod karon, wala kita mahibalo kung unsa ang kuryente, bisan kita nagagamit niini. Hangtod karon, wala kita makahibalo kung giunsa pagkatoon sa mga bata nga musulti. Apan ila kining mahibal-an. “Sa natural nga kalibutan, kanunay kitang mapalibutan og makatilingala nga mga butang nga dili nato mahangpan. Mas masurpresa ba kita sa pagkakaplag nga sa espirituhanong kalibutan may mga misterio nga dili nato matukib?”¹¹⁵

Atong hunahunaon ang Proverbio 3:5-6: *“Sumalig ka kang Jehova sa bug-os mong kasingkasing, ug ayaw pagsalig sa imong kaugalingong salabutan: sa tanan nimong mga dalan ilha Siya, ug Siya magamando sa imong mga alagianan.”* Diri atong makita ang tataw nga mga kinahanglanon gikan sa Dios alang sa saad sa paggiya sa atong mga alagianan. Ang tanan nga mga kinahanglanon, usa usab ka mando. Kung wala kita makasiguro nga atong natuman ang mga kinahanglanon, kita usab mamahimo nga mag-ampo nga ma-andam, nga adunay kasiguraduhan nga ang Ginoo mutubag dayon. “...apan kung ikaw ‘andam nga himoong andam’, ang Dios magatuman sa buluhaton alang kanimo....”¹¹⁶

Usa ka gamayng butang nga mamahimong makatabang: Kita ba nakahibalo kung unsa ang atong ginabuhar kung kita nag-ampo nga gamit ang saad sa Ginoo, nakatuman sa mga kinahanglanon unya nagduhaduha nga matubag? Atong ginahimong bakakon ang Dios. Sa bisan unsa nga panghitabo, dili nato na gustong buhaton. Sa ingon niana nga panghitabo, pag-ampo: Ginoo, ako nagatoo, tabangi ang akong pagkawalay pagtoo. Dayon salig!

Adunay usa ka bililhon nga laygay mahitungod sa pag-ampo gamit ang mga saad sa kapitulo nga “Pagtoo ug Pag-ampo” sa libro nga “Education” ni E.G. White.

PAG-AMPO ALANG SA BALANG ESPIRITU

Sa akong hunahuna, kita anaay pinakamaayong kwalipikasyon alang sa pag-ampo nga mapuno sa Balaang Espiritu. Apan dili kita angay malimot nga wala kini kalambigitan sa pagduso sa Dios nga maandam sa paghimo sa atong

115 E.G. White, *Education* (1903), p.170.1

116 E.G. White, *Thoughts from the Mount of Blessing* (1896), p. 142.1

kaugalingong kabubut-on, kundi ang pagtoo sa Iyang mga saad ug sa Iyang pagkakasaligan.

Saad sa Pagdawat sa Balaang Espiritu

Ang Dios naghatag kanato og makapalipay nga mga saad mahitungod sa pagdawat sa Balaang Espiritu:

Lucas 11:13: *“Busa kong kamo nga mga dautan, mahibalong mohatag sa mga maayong hatag sa inyong mga anak, **dili ba labi pa ang inyong Amahan nga langitnon magahatag sa Balaang Espiritu sa mga managpangayo Kaniya?**”*

Wala ba diri naghatag ang atong langitnong Amahan og dili mabali nga pasalig? Ang kinahanglanon alang niining maanindot nga saad mao ang: pagpangayo! Apan si Jesus wala nagpasabot niini nga mangayo kausa lamang, apan ang paghimo og makanunayong apelar.

Apan, importante nga makita ang konteksto niini. Kinahanglan usab nato basahon ang ubang mga teksto nga nagahisgot mahitungod sa susama nga butang, pananglitan:

Buhat 5:32: *“Ug kami mga saksi Niya niining mga butanga, ug ingon man ang Espiritu Santo, nga gihatag sa Dios sa mga nagasugot Kaniya.”*

Kini nanginahanglan og: **pagkamasulundon!** Atong makita diri nga dili nato masuportahan ang atong mga kaugalingon pinaagi lamang sa usa ka teksto: kinahanglan usab nato ekonsidera ang konteksto sa saad. Wala kini naglangkob sa pagkamasulundon sa butang nga maanindot alang kanato. Apan kini nagalangkob sa pagsunod Kaniya: ang atong maayo nga manunubos ug higala. Ang pagkamasulundon magahatag og kalipay. Pag-ampo kada buntag alang sa masinulundon nga kasingkasing. Pag-ampo nga ang Dios maghimo kanimo nga andam sa pagbuhat sa tanan Niyang gusto ug Siya magatabang kanimo nga matuman kini. Kini usa ka maayo nga panginahanglanon.

Juan 7:37: *“...Kong adunay tawo nga giuhaw, umari kanako ug uminum.”*

Kini naglangkob sa **handom** alang sa Balaang Espiritu. Kung ikaw walay handom, o kung ikaw nagahunahuna nga gamay lamang ang imong paghandom, pag-ampo nga ikaw magahandom. Usa kini nga paghangyo suno sa kabubut-on sa Dios, ug kini matubag dayon. Kung atong pangayoon kini sa atong makahibulungan nga Ginoo, Siya magahimo kanato sa “paghandom niini ug ang katumanan.” Kita usab mamahimo nga mag-ampo alang sa paghandom og usa ka suod nga relasyon diha sa Dios, ang paghigugma Kaniya sa tibook natong mga kasingkasing, ang pag-alagad Kaniya nga adunay kalipay, ang pagbaton og nagatubo nga handom para kang Jesus ug sa Iyang duol na nga pagbalik ug panagtigom sa ginharian sa Dios, ang handom sa pagbasa sa Pulong sa Dios ug sa pagtoon niini, ug ang handom sa pagtabang ug masangkap alang sa pagtabang sa pagluwas sa mga nangawala.

Juan 7:38-39: *“Ang motoo Kanako, sumala sa giingon sa Kasulatan, gikan sa sulod Niya moagay ang mga sapa sa tubig nga buhi. Apan niini nagsulti Siya mahitungod sa Espiritu, nga pagadawat niadtong mga mitoo Kaniya;*

Mao kini ang kondisyon: **pagtoo!** Atong makita diri nga ang atong pagtoo kang Jesu Kristo, ang atong pagsalig sa Dios, kinahanglanon alang sa pagdawat sa Balaang Espiritu. Apan kung kita maga-ampo gamit ang mga saad, mahimong sayon ang pagtoo.

Galatia 5:16: *“Busa giingon Ko: Maggawi kamo sumala sa Espiritu, ug dili kamo magatuman sa kailibgon sa unod.”*

Aduna kitay **saad** diri nga gipahayag isip usa ka mando. Kung gusto sa Dios nga kita maggawi sumala sa Espiritu, kini tataw nga nagpasabot nga gusto Niya nga pun-on ako sa Balaang Espiritu. Ug Siya nagapakita kanato diri nga kung kita mapuno sa Balaang Espiritu, ang atong mga pangibog wala nay hawid kanato. Ang Balaang Espiritu nagabungkag sa gahum sa sala nganha kanato (Roma 8:1-17, labi na ang bersikulo 2). Pinaagi sa Balaang Espiritu ang *“buhat sa lawas”* gipatay (Roma 8:13). Hunahunaa si Pablo nga naghisgot mahitungod sa iyang kaugalingon: *“Namatay ako adlaw-adlaw.”* Hilabihan ka bililhon nga dili kita mahawiran sa mga buhat sa atong lawas, kundi magatubo kanato ang bunga sa Balaang Espiritu (Gal. 5:22).

Ang pagkawalay gahum sa sala batok kanato maikumpara sa usa ka tinapok nga teleskopyo. Aron nga ang abug dili makasulod sa mga lente, kinahanglan nga hilabihan ka dako ang presyon sa sulod sa kwarto. Nagpasabot kini nga ang hangin nagahuyop pagawas kung ma-abli ang pultahan. Walay abug nga makasulod. Sa sama nga paagi kung kita napuno sa Balaang Espiritu, *“dili kamo magatuman sa kailibgon sa unod”* (Ang dugang nga impormasyon mahitungod niini nga tupiku makita niini nga bahin: *“Mamahimo ba sa usa ka tawo nga magpabiling espirituhanon?”* sa katapusan niini nga kapitulo.)

Efeso 3:16-17, 19: *“Nga unta itugot Niya kaninyo, sumala sa mga pagkadato sa iyang himaya, aron palig-onon kamo uban ang gahum pinaagi sa Iyang Espiritu diha sa tawo nga sa sulod; aron si Cristo, pinaagi sa pagtoo, magpuyo diha sa inyong mga kasingkasing, aron nga kamo, sa gipagamut ug gipaugmad diha sa gugma...aron mapuno kamo sa tanang kahupnganan sa Dios.”*

Mamahimo nga dili nato mamatikdan ang gahum sa dugay nga panahon. Mamahimo nga sama kini nga anaa sa kinaiyahan. Sa tingtugnaw, hubo ang mga kahoy ug sa tingpamulak, berde. Adunay hilabihan nga dagko nga gahum niining buluhaton sa pagpabuhi. Apan dili nato kini makita o madunggan. Apan makita nato ang mga resulta. Mao kana ang pamaagi alang kanako. Ako nagpasalamat sa Ginoo nga lya akong ginatagaan og abundang gahum.

Usa naman ka panag-ingnan: Atong nahibaloan sa pipila na ka mga dekada nga adunay kuryente ang atong mga lawas. Anaa sila. Apan wala kita masayod niini.

Efeso 5:18: *“...himoa nga mapuno kamo sa Espiritu” o “tuguti ang inyong mga kaugalingon nga makanunayon ug balik-balik nga mapuno pag-usab sa Espiritu.”¹¹⁷*

Buhat 1:8: *“Apan managdawat kamo sa gahum, sa diha nga ang Espiritu Santo mokunsad kaninyo, ug mga saksi ko kamo sa Jerusalem...”*

Ang mga tinon-an adunay komisyon nga maghulat hangtod nga muabot ang gahum. Wala sila naghulat nga walay ginabuhat. “Ang mga tinon-an nagampo

117 Johannes Mager, *Auf den Spuren des Heiligen Geistes*, (Lüneburg, 1999), Seite 101

uban sa hilabihan ka daku nga tinguha nga matakus sila sa paghibalag sa mga tawo ug diha sa ilang adlaw- adlaw nga pakigsagol kanila nga makasulti sa mga pulong nga makadala sa mga makasasala ngadto kang Cristo. Sa gisikway nila ang tanang mga panagbingkil, ang tanang mga tinguha sa pagkalabaw sa tanan, naghiusa sila diha sa Cristohanon nga katipunan.”¹¹⁸ Kita maka-ampo usab gamit kini nga saad.

WALAY POSITIBO NGA RESULTA...?

“Adunay usa ka batan-ong lalake nga nangita og paglaygay, tungod nga gusto niya mapuno sa Balaang Espiritu. Siya nagapanglimbasug. Ang pastor nangutana kaniya: ‘Imong bang natugyan nga bug-os ang imong kabubut-on sa Dios?’ ‘Sa akong hunahuna, wala pa gayud.’ ‘Sa minaayo’, ingon ang pastor, ‘Walay mahimong maayo ang pag-ampo [nga mapuno sa Balaang Espiritu], hangtod nga bug-os nimong natugyan ang imong kabubut-on sa Dios. Dili ba nimo gusto nga itugyan ang imong kabubut-on sa Dios karon?’ ‘Dili nako mahimo,’ siya mitubag. ‘Ikaw ba andam nga ang Dios magahimo niini kanimo?’ ‘Oo,’ siya mitubag. ‘Pangayoa nga himoon Niya kini kanimo.’ Siya mi-ampo: “O Dios, kuhaa kanako ang akong kaugalingong kabubut-on. Dal-a ako sa usa ka bug-os nga pagtugyan sa Imong kabubut-on. Itugyan alang kanako ang kinaugalingong kabubut-on. Kini ang akong gina-ampo, sa pangalan ni Jesus.’ Ug ang pastor nagutana, ‘Nahitabo ba kini?’ ‘Nahitabo gayud,’ siya miingon. ‘Ako nangayo og usa ka butang nga suno sa Iyang kabubut-on ug ako nakahibalo nga Iya akong gitubag ug ako nang nabatnan ang akong gi-ampo (1 Juan 5:14-15). Oo, nahitabo kini – ang akong kabubut-on ako nang natugyan.’ Ug ang pastor miingon: “Karon, pag-ampo alang sa bautismo sa Balaang Espiritu [ang pagkapuno sa Balaang Espiritu].’ Siya nag-ampo: ‘O Dios, bautismohi ako karon sa Imong Balaang Espiritu. Kini akong gina-ampo sa pangalan ni Jesus.’ Ug kini nahitabo diha-diha dayon human sa iyang pagtugyan sa iyang kabubut-on.”¹¹⁹

ANG DAKONG KALAINAN SA NIAGI UG SA KARON

Bisan pa nga ako nakasinati sa pag-ampo gamit ang mga saad sa dugay na nga panahon ug naggamit niini sa mga espesyal nga mga sitwasyon ug

118 *Acts of the Apostles*, 37.1 egwwritings.org

119 Reuben A. Torrey, *Der Heilige Geist – Sein Wesen and Wirken* (Frankfurt, 1966), p. 150

nakaesksperiyensiya og makatilingalang mga tubag sa pag-ampo, ako naghunahuna sa daghang mga katuigan nga insakto na ang simple nga pagpangayo sa Balaang Espiritu sa pag-ampo bisan wala nagasalig sa mga natakdo nga mga saad. Ako nakahibalo nga daghang adunay susamang opinyon. Dili nako gusto isulti nga kini nga butang sayop. Apan kung akong balikon paghunahuna ang akong eksperiyensiya, ako gabasol nga ako nag-ampo sa susama lamang nga pamaagi nga wala naggamit og mga saad. Sa pipila na ka mga tuig karon, ako naga-ampo adlaw-adlaw gamit ang mga saad alang sa Balaang Espiritu, aron human sa akong pag-ampo ako adunay pagsalig nga ako karon napuno na sa Balaang Espiritu. Pinaagi sa eksperiyensiya niadtong Oktubre 28, 2011, akong na-amgohan ang hilabihan ka dakong kalainan sa akong kinabuhi: sa niagi ug sa karon.

Sukad nga ako nagsugod pag-ampo gamit ang mga saad, ang akong relasyon sa Dios mas nagkasuod ug si Jesus nagakaduol kanako ug mas nagakadako diha kanako. Kini dili lang usa ka suhetibong pamati: ako kining malambigit sa mga musunod nga mga butang:

- Samtang nagabasa sa Bibliya, kasagaraan ako adunay mga bag-ong punto nga makuha.
- Sa pagpakigbatok sa tintasyon, ako mahimong magpabilin nga madinaugon.
- Ang akong panahon sa pag-ampo nahimong hilabihan ka halangdon nganha kanako ug nagadala og dakong kalipay.
- Ang Dios nagatubag sa daghan nakong mga pag-ampo.
- Ako adunay mas dakong kalipay ug mas dakong *“kaisog”* (Buhat 4:31c) nga mag-ambit sa uban mahitungod kang Jesus.
- Ako nahimong mas maabiabihon sa akong mga higala.
- Ako nagkinabuhing malipayon pinaagi sa grasya sa Dios ug nakabati og seguridad sa Iyang kamot.
- Sa lisod nga bahin, ang Dios nagpatunhay kanako sa makatilingalang paagi ug nagpalig-on kanako gikan sa sulod.
- Akong na-amgohan kung unsa ang mga espirituhanong gasa nga gitagana sa Dios kanako.
- Naundang ang pagpanaway. Kung ako makadungog nga nagapanaway ang uban, dili ako mahimutang.

Ang pagbag-o nahitabo nga hilum. Ako kining namatikdan una human nga ako naggahin og panahon sa adlaw-adlaw nga pag-ampo alang sa Balaang Espiritu gamit ang mga biblikal nga mga saad, Sukad niadto, ako nagakaeksperiensiya ug lahi nga klase nga Kristiyanismo. Kaniadto ang akong kinabuhi uban ang Dios hago ug lisod; karon ako nakaeksperiensiya og kalipay ug gahum.

Ako nagbasol sa mga kawad-on sa akong personal nga kinabuhi tungod sa kakulangon sa Balaang Espiritu, sa akong kawad-on sa sulod sa akong kaminyoon ug pamilya ug sa mga kawad-on sa mga simbahan sa diin ako nag-alagad isip pastor. Pagka-amgo ko niini, ako nangayo og kapasayloan sa Dios.

Subo pero tinuod, dili kita makadala og uban sama nga dili nato madala ang atong kaugalingon. Gusto usab natong hinumduman nga ang personal nga mga sayop sa kada usa sa pamilya o sa iglesiya, nagadugang ug nagadaghan.

Aron nga dili pagbangutan sa uban ang parehos nga sayop sa ilang mga kinabuhi, gusto nako idugang ang pipila ka mga panghunahuna.

Sa 2 Pedro 1:3-4 nagasulti nga pinaagi sa usa ka suod nga relasyon kang Jesus, kita mamahimo “...tungod niana...ang Iyang hamili ug dagku gayud nga mga saad...mag-umalambit kamo sa kinaiya nga diosnon...”

Kini usab nagapasabot nga ang Balaang Espiritu gihatag kanako pinaagi sa mga saad. Ikaw makatandi sa mga saad sa mga tseke sa banko. Kung atong ginapresentar ang usa ka tseke nga napirmahan gikan sa tag-iya sa kwarta sa bangko, kita mamahimo nga makakuha og kwarta gikan sa pundo sa uban. Isip mga anak sa Dios (Juan 1:12), mamahimo nga adlaw-adlaw kitang makakuha pinaagi sa mga tseke (nga saad) nga napirmahan ni Jesus. Walay mahimong maayo kung kita magpresentar sa atong kaugalingong tseke, bisan pag ang mga tseke gimugna sa usa ka pintor. Kinahanglan nato ang mga napirmahang tseke sa tag-iya sa pundo.

Adunay usa pa ka rason nga mamahimo nga makadasig kanato mag-ampo gamit ang mga saad. Adunay gahum sa Pulong sa Dios. Unsa ang rason nganong si Jesus nag-ampo sa krus ug ikatulo kabeses gamit ang mga pulong sa Salmo? Nganong Iyang gidepensahan ang Iyang kaugalingon ug gidaug si Satanas gamit ang mga bersikulo sa Bibliya sa panahon nga gitintal Siya ni Satanas sa kamingawan? (Mateo 4:4, 7, 10). Siya miingon: “**Ang tawo mabuhi pinaagi sa matag pulong usab nga isulti sa Dios.**”

Si Jesus, ang magbubuhat, nakahibalo nga adunay gahum sa Pulong sa Dios. “Sa kada kasugoan ug sa kada saad diha sa Pulong sa Dios mao ang gahum, ang

pinakakinabuhi sa Dios, nga sa diin ang kasugoan mamahimong matuman ug ang saad mahitabo.”¹²⁰ Unsa ka maanindot nga pahayag! Ang gahum sa Dios ug ang Iyang kinabuhi anaa sa kada saad. Kung kita mag-ampo gamit ang mga saad, ginagamit nato ang pulong sa Dios sa atong pag-ampo. Kini naghigot mahitungod sa Pulong sa Dios: *“Sa ingon niini mao man ang Akong pulong nga magagula gikan sa Akong baba: kini dili mobalik Kanako nga walay kapuslanan...”* (Isaias 55:11)

Ako nagplano nga mag-ampo lamang alang sa Balaang Espiritu gamit ang mga saad. Sa pag-ampo gamit ang mga saad, ako nakahibalo nga pagkahuman sa akong pagpangayo sa Balaang Espiritu, ako na Siyang nadawat base sa saad sa Pulong sa Dios sa 1 Juan 5:15: *“Ug kong hibaloan nato nga ginapatalinghugan Niya kita sa tanan nga atong pagapangayoon Kaniya, **mahibaloan nato nga may ato kita sa gipangayo gikan Kaniya.**”* Kung ako naga-ampo nga nagagamit og saad, ako **magalaum** nga akong pag-ampo matubag. Mas maayo pa nga maggahin og panahon sa ingon niini nga pag-ampo ug makaekspiriyensiya ug usa ka adlaw nga napanalanginan, kaysa sa magreklamo sa gabie mahitungod sa mga kapakyasan.

Ako nakadawat og *email*, nga gisulat inubanan ang dakong kalipay: *“Ako wala magdahom nga posible maghatag og dakong kalainan kung ako mag-ampo alang sa giya sa Dios sa tibook adlaw gamit ang ‘akong kaugalingong mga pulong’ kaysa sa kung ako mag-ampo gamit ang mga saad gikan sa Bibliya! Bisan kaniadto, importante alang kanako ang mga saad. Bisan kaniadto, ako nagatoo kanila, apan ako napakyas sa pag-angkon kanila adlaw-adlaw. Ang akong kinabuhi uban kang Jesus nakabaton og mas lalom, mas malipayon, ug mas masaligon ug mas malinawong kabahin. Ako nagpasalamat sa Dios alang niini.”*¹²¹

Tungod niini, ako nakadesider nga mag-ambit og usa ka panag-ingnan sa pag-ampo alang sa Balaang Espiritu gamit ang mga saad. Sa yanong paagi, kini mapamubo. Importante gayud nga kita makatoon nga mag-ampo alang sa atong mga kaugalingon direkta gikan sa Pulong sa Dios. Apan ang importante kaayo nga punto mao nga ang atong pagtoo mapalig-on gamit ang mga saad nga human sa pag-ampo kita adunay pasalig nga nakadawat sa Balaang Espiritu. Kita makadawat sa Balaang Espiritu kung kita mutoo sa atong pag-ampo.

120 E.G. White, *Christ's Object Lessons* (1900), p.38.2

121 Email ngadto kang H. Haubeil C.S.

USA KA MODELONG PAG-AMPO GAMIT ANG MGA SAAD ALANG SA ADLAW-ADLAW NGA PAGBAG-O PINAAGI SA BALANG ESPIRITU

Amahan sa langit, ako nagadool Kanimo sa pangalan ni Jesus nga among Manluluwas. Ikaw nag-ingon: **Ihatag Kanako ang imong kasingkasing.** (Panultihon 23:26) Gusto nako na himoon karon pinaagi sa pagtugyan sa akong kaugalingon, ang kinatibok-an kong pagkatawo ug ang tanan nga naa kanako.¹²² Salamat nga Imo nang natubag ang akong pag-ampo sumala sa Imong kabubut-on, tungod nga ang Imong pulong nag-ingon nga kung kami mag-ampo sumala sa Imong kabubut-on, kami nakahibalo nga amo na kining nadawat (1 Juan 5:15). Ug Ikaw usab miingon nga Ikaw dili gayud magasalikway sa bisan kinsa nga magadool Kanimo (Juan 6:37).

Si Jesus miingon: “Busa kong kamo nga mga dautan, mahibalang mohatag sa mga maayong hatag sa inyong mga anak, dili ba labi pa ang inyong Amahan nga langitnon magahatag sa Espiritu Santo sa mga **managpangayo** kaniya?”

Ikaw usab nagpadayon sa pagsulti nga Ikaw magahatag sa Balaang Espiritu kanila nga **nagatoo** Kanimo (Juan 7:38-39), nagatuman Kanimo (Buhat 5:32), nga ginatugotan ang ilahang mga kaugalingon nga mabag-o pinaagi sa Balaang Espiritu (Efeso 5:18) ug **maggagawi sumala sa Espiritu** (Galatia 5:16). Kini ang akong handom. Palihog tumana kini kanako. Tungod niini nga rason, akong kinasingkasing nga ginapangayo Kanimo Amahan ang Balaang Espiritu karong adlaw. Tungod nga kini nga paghangyo suno sa Imong kabubut-on, ako nagapasalamat Kanimo nga Imo nang gihatag kanako ang Balaang Espiritu karon (1 Juan 5:15). Salamat nga ako usab nakadawat na sa Imong diosnong gugma, tungod nga ang Imong pulong nagaingon: “**Kay ang gugma sa Dios ginabubo sa atong mga kasingkasing pinaagi sa Espiritu Santo.**” (Roma 5:5; Efeso 3:17) Gusto nakong isulti kauban ang Salmista: “**Gihigugma ko ikaw, Oh Jehova, ikaw ang akong kusog.**” (Salmo 18:1) Salamat nga akong mahigugma ang akong isigkatawo pinaagi sa Imong gugma.

Salamat nga pinaagi sa Balaang Espiritu ang gahum sa sala nabungkag nganha kanako (Roma 8:13; Galatia 5:16). Palihog luwasa ug proteksyoni ako gikan sa sala, sa kalibutan, sa nalaglag nga mga manulonda, luwasa ako

122 Sila lamang nga mahimong magsingbubuhat ni Kristo, sila lamang nga magsulti, Ginoo, ang tanan nga anaa kanako ug ang akong kinatibok-an Imo, ang paga-ilhon nga mga anak sa Dios.

gikan sa mga tintasyon ug kung kinahanglan, sakmita ako ug luwasa gikan sa akong karaan ug limbongan nga kinaiya. (1 Juan 5:18)

Ug palihog tabangi ako nga mahimo Nimo nga saksi sa imong pulong ug gawi (Buhat 1:8). Ginadayeg ko Ikaw ug salamat sa pagdungog sa akong pag-ampo. Amen.

Gusto ni Jesus nga Siya mismo ang mupuyo kanato pinaagi sa Balaang Espiritu (1 Juan 3:24; Juan 14:23). Si E.G. White nag-ingon: “Ang impluwensiya sa Balaang Espiritu mao ang kinabuhi ni Kristo diha sa kalag.”¹²³ Ang gahum nga nagbag-o kang Pedro, Pablo, ug sa daghang mga tawo mamahimo usab natong ma-angkon. Siya usab nagahatag kanato “*Nga unta itugot Niya kaninyo, sumala sa mga pagkadato sa Iyang himaya, aron palig-onon kamo uban ang gahum pinaagi sa iyang Espiritu diha sa tawo nga sa sulod.*”(Efeso 3:16)

Ang pagkapuno sa Balaang Espiritu mao ang yawi ngadto sa kinabuhi nga adunay pagtoo sa kalipay, gahum, gugma ug kadaugan sa sala. “*...ug kong hain ang Espiritu sa Ginoo, atua ang kagawasan.*” 2 Corinto 3:17b.

Sa usa ka mensahe nga akong nadawat nagaingon: “Kadaghanan sa mga miyembro sa iglesia adlaw-adlaw nga naga-ampo gamit ang gisugyot nga pag-ampo nga tinagduha. Sa milabay nga lima ka mga bulan ako naga-ampo sama niini kauban ang akong higala nga babaye. Dili lamang nagalambo ang personal nga aspeto, apan kauban usab niini ang panimalay, relasyon, kaminyoon, espirituwal ug ang iglesia – dili sa pamaagi nga nagdala og dakong mga panagbangi, apan kini nagakahitabo sa usa ka hilom ug natural nga pamaagi. Kami natingala ug nakita kini isip usa ka pagpatin-aw nga proseso gikan sa Dios, nga makahimo sa mga pamaagi sa kinabuhi nga mas sayon, tungod nga among nabatian ang nagadugang nga pagpadool sa Dios kanamo.”¹²⁴

MAMAHIMO BANG MAGPABILING ESPIRITUHANON ANG USA KA TAWO?

Oo! Kung dili nato tugotan ang kinaiya sa pagkawalay pagtoo nga mulambo ug kita muginhawa sa espirituhanong paagi: “*Magbuga*” pinaagi sa pagkumpisal sa atong mga sala ug “*paglanghab*” pinaagi sa paggamit sa gugma sa Dios ug

123 Editor Francis D. Nichol, *Adventist Bible Commentary* Vol. 6 (Hagerstown, 1980), p. 1112

124 Email ngadto kang Helmut Haubeil: E.S.

pagpasaylo; ug pinaagi sa pagbag-o sa atong mga pag-ampo nga adunay pagtoo aron mapuno sa Balaang Espiritu.¹²⁵

Sama kini sa relasyon sa atong mga kabataan. Kung ang usa ka bata wala nagmatinumanon, magpabilin gihapon kini nga atong anak. Apan aduna kitay mabati nga kasamok sa relasyon. Ang bata mamahimo nga dili makatutok sa mata. Ang kini nga kasamok matul-id pinaagi sa pagkumpisal.

Apan natural sa tawo nga mubalik sa pagkaunodnon sa paglabay sa panahon. Ang Bibliya wala nagahisgot mahitungod nga kung “maluwas sa makausa, kanunay maluwas.” Ang atong makasasala nga kinaiya nagalungtad sa gihapon. “Walay usa sa mga apostoles ug sa mga manalagna ang nag-angkon nga walay sala.”¹²⁶

Apan pinaagi sa kinabuhi kauban ang Balaang Espiritu ug kauban si Jesus sa atong mga kasingkasing, ang gahum sa sala mabuskag aron kita makabaton og malipayon ug malig-on nga Kristohanong kinabuhi. Ang atong pagkamatarung anaa lamang kang Jesu Kristo “*...nga alang kanato gihimo nga kaalam gikan sa Dios, ug pagkamatarung, ug pagkabalaan ug pagtubos*” (1 Corinto 1:30). Kini nga importanteng tupiku matukib sa mas detalyadong paagi sa di madugay.

Kung kita mahimong unodnon pagbalik pinaagi sa taas nga pagpasagad sa espirituhanong kinabuhi o kapakyasan sa pagginhawa sa espirituhanong bahin, kita dayon makahibalo nga ang usa ka maloloy-ong manunubos naghulat lamang kanato.

Importante nga atong mahibaloan nga kita mabag-o pinaagi sa grasya sa Dios ug malaumon nga magkinabuhi nga espirituhanon sa walay kahangturan. Walay bisan kinsa nga kinahanglang magpabiling unodnon.

Apan timan-i nga sa personal ug sa kinatibuk-an, si Randy Maxwell nagahisgot: “Kita ba nagahunahuna nga ang pagtabang sa simbahan sa Dios gikan sa lapit nga espirituhanong kamatayon mabuhat nga walay paningkamot?”¹²⁷

Ang madagayaon nga kinabuhi diri ug sa kinabuhing walay katapusan, ang kaluwasan sa daghang mga tawo ug ang atong pagpasalamat sa dakong sakripisyo ni Jesus takos sa atong pagpaningkamot. Ang pinakaimportante nga butang mao ang panagtagbo sa Dios sa buntag alang sa pagsimba. Diri kita Niya ginasangkapan sa gahum.

Atong mabasa ang musunod bahin kang Apostol Juan:

125 Helmut Haubeil & Gerhard Padderatz, *Gott, Geld & Glaube* (Eckental, 2009), p. 97

126 E.G. White, *The Acts of the Apostles* (1911), p. 561.1

127 Randy Maxwell, *If My People Pray* (Pacific Press, 1995), p. 158

“Adlaw-adlaw ang iyang kasingkasing nadani ngadto kang Kristo, hangtud nga nawala sa iyang mga pagtan-aw ang gugma sa kaugalingon tungud sa gugma niya sa iyang Agalon. Ang iyang pagkamasuk-anon ug pagkamatinguhaon sa dungog gitugyan niya sa huwaranang gahum ni Kristo. Ang mabag-ohong gahum sa Espiritu Santo nagbag-o sa iyang kasingkasing. Ang gahum sa gugma ni Kristo nakapausab sa iyang batasan. Kini mao ang tinuod nga sangputanan sa pakig-usa kang Jesus. Kon si Kristo magapuyo sa kasingkasing ang bug-os nga kinaiya mausab.”¹²⁸

“Bukha ang akong mga mata, aron makatan-aw ako sa mga katingalahang butang gikan sa Imong Kasugoan.” (Salmo 119:18) Salamat nga Ikaw nagagiya kanako ug ako makasulti: *“Pagkabulahan ko tungod sa Imong mga saad, sama kabulahan niadtong nakakaplag ug dakong bahandi.”* (Salmo 119:162)

UNSA NGA MGA EKSPERIYENSIYA ANG NAGAHULAT KANATO SA UNAHAN?

*Ang mga personal nga eksperyensiya ug mga
eksperyensiya nga nagagikan sa mga simbahan, sa usa ka
komperensiya, ug unyon*

ANG EKSPERIYENSIYA SA USA KA IGSOONG LALAKE

“Sa milabayng duha ka tuig, ako naga-ampo adlaw-adlaw alang sa pagbubo sa Balaang Espiritu sa akong kinabuhi. Ang akong hangyo nga si Jesus magapuyo nganhi kanako sa mas dakong kadagaya kada adlaw. Ang akong paglakaw uban ang Dios [sa karon nga panahon] dili katoohan. Ang bunga sa Espiritu sa Galatia 5 mas makita na sa akong kinabuhi sukad nga akong gipangayo nga si Jesus magapuyo kanako, nga himoon ang Iyang kabubut-on nganhi kanako ug adlaw-adlaw nga bag-ohon ako pinaagi sa Balaang Espiritu. Mas dako ang akong kalipay sa pagbasa sa Bibliya, sa pag-ambit kang Kristo sa uban ug aduna akoy bug-at nga handom sa pag-ampo alang sa uban; sa pagdugang, ang gawi sa akong pagkinabuhi nabag-o usab pag-ayo. Ako kining nakita tanan isip pagpamatuod sa akong adlaw-adlaw nga pagpangita sa Dios ug sa adlaw-adlaw nakong paghangyo alang sa Balaang Espiritu.”C.H. Siya nagdugang sa pag-ambit:

“Ako kamong ginahagit nga mag-ampo adlaw-adlaw nga mapuno sa Balaang Espiritu sa sulod sa unom ka semana ug tan-awa ang resulta.”

40 KA MGA ADLAW NGA PAG-AMPO SA SERBIA

“Niadtong Septiyembre 2010, among gihubad ug gipatik ang libro nga *40 Days: Prayers and Devotions to Prepare for the Second Coming*. Amo kining gihimong ma-anaa sa tanang mga miyembro sa iglesiya sa among unyon. Ug kami nag-organisar og sinemana ug adlaw-adlaw nga panagtagbo alang sa pag-ampo sa sulod sa 40 ka adlaw sa mga lokal nga mga simbahan ug sa panimalay sa mga miyembro, sa diin ang mga tawo nagpuasa ug nag-ampo alang sa pagbubo sa Balaang Espiritu.

Sa pagkahitabo niini, adunay kinatibuk-ang pagbag-o nga nitubo sa mga lokal nga kongrigasyon. Ang mga dili aktibo nga mga miyembro sa iglesiya mibalik sa pagka-aktibo ug mas na-interes sa pagserbisyo sa uban. Ang mga nag-away sa pipila na ka mga tuig mahitungod sa mga nagkalain-laing mga isyu (ug wala na nagtinagdanay), napasig-uli, ug nagsugod sa pagbuhat og mga plano alang sa pagkab-ot sa komunidad nga dungan.

Ug niadtong Oktubre 2010, sa panahon sa Tinuig nga Panagtigom, ang “*Revival and Reformation Initiative*” gipaila-ila. Kami malipayong midawat niini, pagkakita nga usa kini nga pagpadayon sa gisugdan sa Dios sa among Unyon.

Nakita namo ang mas suod nga panag-uban, mas lalum nga panaghiusa, ug ang pagsinabtanay sa mga opisyal sa unyon isip resulta sa panagtigum alang sa pag-ampo.¹²⁹

40 KA MGA ADLAW NGA PAG-AMPO SA ZURICH/ SWITZERLAND

“Ang among pastor ug ako parehos nga nakadawat og libro, nga ang unod niini nakapalipay kanamo. Gitig-ulohan kini ug *40 Days: Prayers and Devotions to Prepare for the Second Coming* ni Dennis Smith, Review and Herald Publishing Association. Kini nga libro dili lang mabasa ug mapadaplin. Ang unod niini nagbag-o sa akong kinabuhi.

Sukad nga ang among simbahan sa Zurich-Wolfswinkel (nga aduna’y 100 ka mga miyembro) nakamatikud nga adunay dakong panginahanglanon sa pagkapukaw ug sa pag-ampo, kami nagplano og 40 ka mga adlaw alang sa pag-ampo pag-abot sa tingdagdag sa 2011. Ang libro naghatag og mga detalye ug bililhon nga impormasyon mahitungod niini ug sa dugang, 40 nga adlaw-adlaw nga pagsimba.

129 M. Trajkovska, Southern European Union, Belgrade, kinutlo gikan sa www.revivalandreformation.org

Ang mga tupiku nagatuki sa pagkapuno sa Balaang Espiritu, pag-ampo, pagwali, ang kinabuhi ni Jesus ug ang espirituhanong panag-uban.

Mao nga kami nagsugod sa among 40 ka mga adlaw niadtong Oktubre 1, 2011 nga adunay dakong kahinam ug pagdahom. Hilabihan ka maayo tungod kay ang halos tanang mga miyembro sa iglesiya nagpakigbahin niini. Ang mga managkauban sa pag-ampo nagtigum adlaw-adlaw alang sa pag-ampo, ang mga mensahe sa telepono ginapadala adlaw-adlaw ug ang mga tawo naga-ampo pinaagi sa pagtawganay kada adlaw. Ang usa ka grupo nagatigum kada alas sa isda sa buntag alang sa pagsimba ug pag-ampo.

Ang amoang 40 ka mga adlaw usa ka dili malimtan nga eksperiyensiya. Ang Dios nagtubag sa among daghang mga pag-ampo, labi na gyud sa serye sa mga lektura mahitungod sa Biblikal nga mga propesiya, nga dungan nga nahitabo niini. Kini nga mga lektura nahimong dakong panalangin. Aduna kami daghang mga bisita ug 20 ka mga tawo ang nagparehistro alang sa musunod nga seminar sa propesiya. (Ang misunod niini nahibato sa Marso 2013: mga 50-60 ang mga bisita nga mitambong, nga wala pa gayud mahitabo sa Zurich sa sulod sa 20 ka mga tuig.)

Ang Espiritu sa Dios naghimo og mga kabag-ohan sa among iglesiya ug usa ka kalipay kini nga makita ang mga gaymayng pundok nga nagsugod sa pagtubo, ug gi-unsa sa mga miyembro sa iglesiya, nga maikagon sa paghatag ug pagtoon sa Bibliya, pagkakita og interesado nga mga tawo. Ang mga nagpartisipar karon naka-angkon og mas lalom nga handom sa pagpadayon nga paglihok sa Espiritu sa Dios. Gusto namo Siyang pasalamatan sa tibook namong mga kasingkasing ug ibalik Kaniya ang himaya.” Béatrice Egger, gikan sa Iglesiya Adventista sa Zurich-Wolfswinkel.

40 KA MGA ADLAW SA PAG-AMPO UG PAG-EBANGHELYO SA COLOGNE/GERMANY

Si Pastor Joao Lotze usa ka German-Brazilian. Siya nagtrabaho sa mga iglesiya ug ospital sa Brazil sa sulod sa 38 ka mga katuigan, ug apil usab sa unyon ug sa South American Division. Siya nagretiro niadtong Marso 2012. Siya ug ang iyang asawa nagka-uyon nga muadto sa Cologne isip “*His Hands Missionaries*” ug magtrabaho sa Portuguese ug Espanyol og sinultian nga mga iglesiya.

“Kami nagsugod sa Cologne pinaagi sa gagmayng pundok aron sa pagdasig sa mga miyembro sa iglesiya ug aron makaimbitar og mga bisita. Sumala sa among

eksperiensiya sa Brazil, kami nagpasiugda sa 40 ka mga Adlaw nga Pag-ampo sa Cologne. Ang mga materyales nasulat sa Portuguese.

Ang mga iglesiya nga adunay mga miyembro nga Portuguese, Espanyol, ug German ang sinultian nalipay sa pagsugod sa 40 ka mga adlaw nga pag-ampo. Kami adlaw-adlaw nga nag-ampo alang sa 100 ka mga higala ug mga kaila. Kini nga mga pangalan sa mga tawo nasulat sa blackboard sa simbahan. Wala namo gipahibalo kini nga mga tawo nga kami naga-ampo alang kanila hangtod sa ika-30 ug ika-35 nga adlaw ug nag-imbatar kanila sa pagtambong sa usa ka espesyal nga pagsimba alang sa mga bisita sa Adlawng Igpapahulay. 120 ka mga tawo ang mitambong sa espesyal nga serbisyo sa simbahan. Si Christian Badorek, ang direktor sa Personal Ministries sa Nordrhein-Westfalen ang nagwali. Ang uban sa mga bisita minghilak sa kalipay sa pagkakita sa ilang mga pangalan sa *blackboard*.

Sa human niana, si Antonio Goncalves, usa ka magsasangyaw sa ebanghelyo nga gikan sa Brazil, naghimo og 15 ka mga adlaw nga pagpangwali sa Maayong Balita. Kada gabie siya nagwali sa sulod sa usa ug tunga ka oras (inubanan sa paghubad). Gitig-ulohan ang serye ug: 'Tugoti ang Bibliya nga Musurpresa Kanimu.' Naglangkob kini sa tupiku sa Ikaduhang Pagbalik ingon man sa mga tupiku gikan sa Daniel ug Bugna. Ang mga lektura ug mga alawiton gihubad gikan sa Protugues ngadto sa German. Aduna'y mga gagmayng koro ug maayong musika kada gabie. Ginatapos kini sa matag gabie paagi sa usa ka pagtawag sa pulpito. Kami nagpasalamat sa mga maayong reaksiyon. Ang mga miyembro sa iglesiya nag-ampo pag-ayo, labi na sa mga tawo nga mitambong sa 40 ka mga Adlaw sa Pag-ampo.

Ang pulongkoan sa simbahan makasigo sa 80 ka mga tawo. Apan sobra sa 100 ka mga tawo ang mitambong. Sa katapusan sa semana, puno ang simbahan ug kada semana mukabat sa 60 ka mga tawo ang nagatambong. 32 ka mga bisita ang kanunay nga nagatambong. Kini nagbunga sa 8 ka mga kandidato sa bautismo ug 14 ang miapil sa klase sa mga bautismohan. Sa katapusan sa tuig, 13 ka mga tawo ang nabautismohan.

Daghan kamig mga eksperiensiya nga makasurpresa. Lisod makapangita og tighubad. Adunay usa ka Katoliko nga magtutudlo ang nagboluntaryo nga mutabang. Apan siya walay igo nga eksperiensiya sa Bibliya. Kami nag-ampo alang sa usa ka Protestanteng tighubad. Ug wala madugay, kami nakailaila og usa ka babaye sa usa ka restawran, nga nageksplikar nga uban ang dakong kalipay siya naghubad gikan sa Portuguese ngadto sa German sa usa ka Pentecostal nga simbahan. Siya ang among tighubad sa pagwali ug siya usab nabautismohan.

Si Maria, ang tighubad, nangutana kung pwede ba niya imbitaron ang iyang higala nga si Elisabeth nga mutambong. Siya usa ka pangulo sa gamay nga Columbian nga simbahan sa Cologne nga adunay 13 ka mga miyembro. Siya mitambong ug gidala ang mga miyembro gikan sa ilang simbahan. Sukad niadto, duha sa kini nga mga tawo nabautismohan. Si Elisabeth ug ang iyang pamilya karon nagadawat ug patoon sa Bibliya.

Usa naman ka eksperiyensiya konektado sa Hope Channel. Wala gituyo nga nakaplagan sa usa ka German nga babaye ang Hope Channel ug siya nakumbinsi sa iyang nadunggan, lakip na ang mahitungod sa Adlawng Igpapahulay. Iyang gi-imbatar ang iyang bana nga mamati uban kaniya. Siya usab naganahan sa mga mensahe. Usa ka adlaw, sila mibisita sa iyang mama, ug sila gitagaan og impresyon nga muagi sa lahi nga rota. Sa dalan, sila nakakita og timaan sa usa ka Seventh-day Adventist nga iglesiya. Sila naka-amgo nga mao kadto ang mga Adventista nga gikan sa Hope Channel. Pag-abot sa Adlawng Igpapahulay, siya mitambong sa pagsimba. Ug iya usab nga gi-imbatar ang iyahang bana ug ang iyang mama nga muuban kaniya. Sukad niadto, silang tulo nabautismohan.

Sa lahi naman nga eksperiyensiya nalakip niini ang usa ka Russian-German nga igsoong babaye. Siya mitambong sa 40-Day nga pagsimba ug nagsugod sa pag-ampo alang sa iyang mga silingan nga Russian ang sinultian. Sa panahon nga iyang gi-estoryahan ang isa sa iyang mga silingan nga siya naga-ampo alang kaniya, kini nasurpresa pag-ayo ug mitug-an nga siya nagapangita og usa ka simbahan nga nagabanaty sa Adlawng Igpapahulay. Siya ug ang ubang mga silingan mitambong sa serye sa pagpangwali. Ang duha kanila nabautismohan.

Ang usa naman ka eksperiyensiya mahitungod sa usa ka babaye nga gihinganlang Jeanne. Siya nahimong miyembro sa Baptist nga iglesiya sa Brazil ug karon nagapangita sa Cologne og usa ka simbahan nga Portuguese ang sinultian. Iyang nakaplagan ang Adventistang simbahan ug midawat og pagtoon sa Bibliya ug nabautismohan. Human sa iyang pagkakabig, siya nanawag sa iyang mga paryente sa Brazil ug nagsugilon sa iyang uyoan, nga usa ka Adventista, nga siya usa na ka Adventista karon. Usa kadto nga dakong surpresa alang sa iyang inahan, mga igsoon ug mga kaigsoonan sa ilang Baptist nga iglesiya sa Brazil kung sa diin siya namiyembro. Human niadto, ang iyang pamilya sa Brazil, mibisita og usa ka Adventista nga simbahan aron nga sila makabalo mahitungod sa Adlawng Igpapahulay. Kini miresulta sa lima ka mga tawo nga nabautismohan sa Brazil: ang iyang inahan, duha ka mga igsoong babaye ug uban pang mga paryente.

Karon, siya naga-ampo alang sa pagkakabig sa iyang usa pa ka igsoong babaye nga nagpuyo sa Argentina. Iyang handom nga makauban sila sa ginharian sa Dios.

Sa ilalom sa giya sa Dios, aduna pa kami daghang mga eksperiyensiya. Sa unang bautismo, walo ka mga tawo ang nabautismohan – usa gikan sa Italy, Germany, Peru, Brazil, Ukraine, Venezuela, Columbia, ug Russia.

Sa tingdagdag, nagpatigayon usab kami og serye sa pagpangwali nga konektado sa 40 ka mga Adlaw sa Pagsimba. Si Jimmy Cardoso ug ang iyang asawa, nga gikan sa Brazil apan karon gapuyo na sa USA, ang nagdala niini nga serye sa pagpangwali. Bisan tuod nga natapos lamang kini sulod sa usa ka semana, kami nakahimo sa katapusan sa pagbautismo og upat ka mga pinalanggang kalag. Kaniadto pa sila nagadawat og mga pagtoon sa Bibliya. Adunay 3 ka mga German ug 1 ka Italian.

Ang duha ka mga bautismo gipatigayon sa sentrong simbahan sa Cologne, nga aduna’y 400 ka mga miyembro ug adunay matahom nga pacilidad sa pagbautismo.

Kami nagpasalamat sa Ginoo nga Iya kaming gisurpresa sa maanindot nga pamaagi. Ako kumbinsido, nga aduna pa Siyay dalagkong mga eksperiyensiya nga gigahin alang kanamo. Palihog iapil kami sa inyong mga pag-ampo.” João Lotze, Cologne, Germany.

Mahinungdanong Pagpangaliya “Sa unang higayon, pasimple lang nakong gibasa ang libro [40-Days nga libro]. Sa una pa lang nga pahina, hilabihan akong napukaw. Dili lang kita mag-ampo alang sa usa ka tawo, apan kita maghatag kanila og mapinanggaong pag-atiman. Kini magpabuhi sa pag-ampo para sa uban. Apan makasusubo tungod nga wala pa ako nakakita og sama niini nga klase sa pag-ampo. Ang pagkinabuhi sa imong pagtoo! Ako kumbinsido nga kini hilabihan ka importante sa tawo nga naga-ampo, ug sa tawo nga gina-ampo. Sa ingon usab, ako kumbinsido sukad sa pagsugod nga kini magpalig-on sa panag-uban sa simbahan. O, ako nagalaum nga ang susama nga pagpanag-uban mahitabo sama sa gihulagway sa ulahing mga kapitulo sa libro. Sa pagkatinood, ako kinahanglang muhilak, tungod nga ako nangandoy pag-ayo alang sa ingon niana nga panag-uban sa dugay na nga panahon. Ako kimbinsido nga ang libro nga “Si Kristo anaa Kanako’, nagamatuto kanato ug nagahatag kanato og kagawasan gikan sa atong kaugalingong mga kalampusan. Ako nakabasa og pipila na ka mga libro mahitungod sa ‘Si Kristo diha kanako’, apan kini nga libro ang daw pinakanakatabang. Ako nagatoo nga ang inyong kinabuhi sa pag-ampo magmalig-on pinaagi niini nga libro, nga ang panag-uban sa simbahan

ma-amuma, ug kini mas magpabuhi sa pag-ampo para sa uban. Kini nga libro nagahatag ug paglaum alang sa akong kaugalingon, sa iglesiya ug sa kalibutan. Ako nagpasalamat sa Dios alang niini nga libro. Sunod, ako nagaplano nga magtoon sa 40-Day Guide Book, mag-ampo alang niini ug buhaton kini kung asa ipakita sa Dios kanako.”

Pipila ka mga semana ang milabay ako nakadawat og usa na man ka email gikan sa usa ka igsoong babaye: “Abi nimo, sa sinugdanan, simpleng pagbasa lamang ang akong gibuhat niini nga libro. Apan sukad nga ako nagsugod sa pagtoon mahitungod sa pagsimba kauban ang akong partner sa pag-ampo, akong nadiskubrehan nga kini mas bililhon pa kaysa sa una nakong gihunahuna. Ako nakakuha og tubag sa mga butang, nga wala nako mahimo sa akong kaugalingon lamang. Ako nagpasalamat sa akong partner sa pag-ampo, nga aktibo gayud kaayo nga mi-apil niini.” H.K.

Wala na nakasiguro: “Ang balasahon nga *Mga Tikang Ngadto sa Personal nga Pagkapukaw* nakatandog gayud kanako sa talagsaong paagi...Isip nga natawo sa usa ka Adventista nga pamilya, ako nagatoo nga ako nagalakaw sa insaktong dalan. Ang kapitulo parte sa napulo ka mga olay labi na gayud ang naa sa Roma 8:9b: “*Apan kong adunay tawo nga wala magbaton sa Espiritu ni Cristo, kini siya dili Iya.*” nagpakurat kaayo kanako. Kalit lang nga nawala ang akong kasiguradohan kung anaa ba kanako ang Balaang Espiritu ug kung Siya nagalihok nganha kanako, tungod nga ako hilabihan ka kulang sa katugbang nga mga ‘bunga’sa akong kinabuhi. Niining hapon sa Adlawng Igpapahulay, akong nahuman pagbasa ang balasahon ug ang usa ka lawom ug dili matungkad nga pagkasubo ang miabot kanako. Ug dayon akong nabasa ang pag-ampo dapit sa katapusan sa libro ug mitubo kanako ang lawom nga handom nga madawat ang Balaang Espiritu, nga tugotan Siya sa pagbag-o sa akong kasingkasing ug nga ang Dios maghulma kanako sumala sa Iyang kabubut-on... A.P.

Ilailaha SIYA: “Pipila ka panahon ang milabay, ako nakabasa sa imong artikulo mahitungod sa pagkapukaw. Ang akong hunahuna na-okupar mahitungod niini nga tupiku sa sulod sa tulo ka mga katuigan. Karon, ako nagasugod sa pagbasa sa *Mga Tikang ngadto sa Personal nga Pagkapukaw*. Ang ako lamang maingon, AMEN para niini! Ako nalipay nga sa mga pahina niini akong nakaplagnan ang kadaghanan sa “akong kaugalingong” mga panghunahuna. Ako napailalom sa impresyon nga sa sulod sa atong iglesiya, kita nasipyat sa pag-abot sa atong tumong ug usa ka pulgada. Dili nako matangtang ang akong gibati nga nawala

ang atong panan-aw sa mga mahinungdanong mga butang! Kasagara, nalambigit kini sa ‘kung unsa ang kamatuoran,’ ‘unsaon nato pagkinabuhi’ o ‘unsa kaimportante ang propesiya’, ug wala ako nagasulti nga kini sayop. Apan wala nato matan-aw NGANO nga gihatag kini sa Dios kanato! Dili ba ang kamatuoran nagpaninguha sa kinatibuk-ang pagpakig-uban sa Dios? Hinunoa, dili ba kini unta nga mga bahin makatabang GAYOD kanato sa pag-ila sa Diyos? Dili ba ang tumong sa propesiya mao ang pag-ila sa kabantog ug pagkalabing-gamhanan sa Dios, nga atong masabtan nga Siya ang nagakapot sa tibook kalibutan sa Iyahang mga kamot ug nagadirekta niini ug sa susama nga pamaagi Siya makagiya ug maka-umol sa atong mga kinabuhi? Unsa ang kinabuhing dayon? Juan 17:3: *‘Ug mao kini ang kinabuhi nga walay katapusan, nga sila MAKAILA unta Kanimo, ang usa lamang ka Dios nga matuod, ug Kaniya nga Imong gisugo nga mao si Jesucristo.’* Sa sambingay, ang pamanhonon nag-ingon lamang sa lima kaboang-boang nga mga olay: *‘Wala Ako makaila kaninyo.’* Ang tumong sa atong pagtoo mao ang pag-ila lamang sa Dios, ang pakigkauban Kaniya, aron nga Siya makahimo sa pagpuno kanato sama sa Iyang pagpuno sa templo kaniadto (2 Cronicas 5:13-14). Ug kung Siya magadagayday pinaagi kanato, magpuno sa atong kinatibuk-ang pagkatawo, nan kita wala na mabuhi, apan si Kristo ang nabuhi nganha kanato.” (Ang manunulat nailhan sa editor)

KAHIBULONGANG MGA TUBAG SA PAGPANGALIYA

“Ang ikaduhang libro sa 40 Days ni D. Smith usa ka dili makatoohang panalangin alang kanako. Ang uban sa mga tawo nga akong gi-ampo nakaeksperyensiya og 180° nga kausaban sa ilang mga kinabuhi.

Sa sulod sa 40 ka mga Adlaw, aduna akoy lalom nga espirituhanong panagsultihanay kauban ang usa ka higala. Iya akong gisuginlan nga sa pipila na ka mga semana ang iyang kinabuhi misubay og lain na nga dalan Siya naka-angkon og pagbati ug mas lalom nga panginahanglanon sa pag-ampo, mas nagapamalandong sa Pulong sa Dios ug nakahimo sa pagbuhi sa mga butang nga bilihon ug tilinguhaon alang kaniya kaniadto. Ako nagpakaisog ug gisultihan siya mahitungod sa 40-Day nga libro ug gisultihan usab nako siya nga usa siya sa lima ka mga tawo nga akong gina-ampo. Ug siya mitubag sa usa ka positibong pagkasurpresa: *‘Ikaw diay ang responsible sa tanang butang.’*

Ang usa ka babaye nakadesisyon sa pagdedikar 100% sa iyang kinabuhi sa Dios. Bisan tuod nga siya usa ka magtutuo sukad sa iyang pagkabata, siya

nagkinabuhi nga wala ang Dios. Siya walay interes sa pagtoo ug bug-os nga nalit-ag sa kalibutanong pagkinabuhi. Karon, siya bug-os nang nabag-o; ang tanang nakaila kaniya ug nakakita kaniya karon, natingala. Karon, siya nagatoon sa Bibliya uban kanako ug nagpakigbahin sa 40-Day nga programa sa among simbahan ug gusto magpadasig sa uban nga magseryoso sa ilahang kinabuhi sa pagtoo.

Usa usab ka batan-ong babaye, nga akong gina-ampo, kinahanglang muapil sa usa ka semana nga pagsanay ug kinahanglang magpabilin sa akomodasyon kauban ang ubang mga partisipante. Siya nabalaka nga maggahin og panahon kauban niini nga mga estranghero. Usa ka adlaw sa wala pa siya mubiya, ako siyang gipadasigan sa pag-ampo ug gisultihan siya nga ako naga-ampo alang kaniya sa pipila na ka panahon. Busa kami nag-ampo nga siya pagahatagan sa Dios og kalinaw niini nga sitwasyon ug nga Siya magahimo niini nga eksperyensiya nga tubag sa pag-ampo. Samtang nagpadayon ang pagbansay, siya nanawag kanako ug malipayon nga nagsaysay nga ang Dios adunay gihimong dili katoohang butang kaniya. Siya wala lamang naghatag kaniya og bug-os nga kalinaw, apan Siya usab naghatag kaniya og kaisog nga dili muapil sa mga kalingawan sa gabie nga naglangkob sa mga disco, alkohol, etc.

Human sa 40 ka mga adlaw ako nagpadayon sa pag-ampo alang niining mga tawhana, tungod nga akong nadunggan ug nakita ang mga dagkong pamaagi sa pagtubag sa Dios sa akong mga pag-ampo.” A.M. (gipamubo nga bersyon)

GI-UNSA PAGLIHOK SA DIOS PINAAGI SA PAGPANGALIYA

“Sa niaging lima ka tuig, wala na ko makakontak sa usa ka importanteng tawo para nako. Daw ginabalewala niya ang akong mga mensahe. Ako nakadungog nga siya wala na nagasimba sa sulod sa tulo ka mga tuig. (Siya midako sa simbahan.) Ug siya adunay relasyon sa usa ka dili Kristiyanong babaye. Akong gi-apil kining batan-ong lalaki sa listahan sa akong pag-ampo, bisan pa nga ako naghunahuna nga imposible na ako makakontak balik kaniya, tungod nga siya nagpuyo mga 600 ka kilometro gikan sa amoa ug wala gayud nagatubag kanako. Bisin pa niana, ako nag-ampo alang sa usa ka ‘senyales sa kinabuhi.’

Sa mubo nga pahibalo ako nakadungog mahitungod sa umalabot nga bautismo sa iyang igsoong lalaki, nga tukma gayud nga igapatigayon kini sa lugar nga dool kanako ug na-atol usab sa petsa sa 40 ka mga Adlaw sa Pag-ampo (lahi

nga petsa ang orihinal nga plano alang niini). Ako ming desisyon nga mutambong- ug kami nagkit-anay! Nakahimo kami sa lawom nga paghisgutanay ug siya mitug-an kanako nga sa pipila na ka panahon, siya nakabati og dako nga panginahanglanon nga mubalik sa Dios, apan siya walay igong kusog sa pagbag-o sa pamaagi sa iyang pagkinabuhi. Ako siyang gi-ignan nga sa sulod na sa 20 ka mga adlaw, ako naga-ampo gayud alang kaniya ug bisan sa wala pa kini, nasulat siya sa listahan sa akong pag-ampo. Siya wala makatingog tungod nga niana usab nga panahon, iyang nabatian ang paglihok sa Ginoo kaniya.

Niadiong hilabihan ka espirituanong serbisyo alang sa pagbautismo, siya napukaw pag-ayo ug sa pag-apelar sa pastor, akong nabati ang gubat nga nagakahitabo nganha kaniya ug human sa taas nga pagpakigbisog, siya miluhod ug nagsugod sa paghilak. Gitugyan niya pag-usab ang iyang kaugalingon sa Dios! Pagkahuman niana nga kagabhion, iya akong gi-ignan nga siya nakadesisyon nga regular na nga mutambong pagbalik sa pagsimba ug iyang pagabag-ohon ang iyang pamaagi sa pagkinabuhi. Wala siya nagdahom nga matapos ang semana sa ingon niini nga pamaagi.

Pipila ka mga semana ang milabay, kami nagkita pag-usab sa usa ka komperensiya alang sa mga pamatan-on sa misyon, nga nagpalig-on ug nahimong pundasyon niya. Ako nagpasalamat sa Dios alang sa paghinulsol sa usa ka hinigugmang tawo.” M.H.

SIMBAHAN SA LUDWIGSBURG/BADEN-WUERTEMBERG, GERMANY

“Sa sinugdanan, kami nagtoon sa 40-Day nga libro isip usa ka magti-ayon ug nakaeksperiyensiya og dakong personal nga benepisyo ug panalangin sa panahon sa pag-ampo. Pagkahuman, kami nag-organisa og usa ka panagtagbo alang sa pag-ampo ikaduha ka beses sa usa ka semana sa simbahan ug nagbasa sa mao nga libro kauban ang mga miyembro sa iglesiya. Kami tataw nga

nakaeksperiyensiya sa panalangin ug paggiya sa Dios ug nakaeksperiyensiya og mga milagro sa sulod sa 40 ka mga adlaw. Isip usa ka simbahan ang Dios nagpabag-o ug nagpukaw kanamo: ang mga miyembro sa iglesiya nga walay kaisog sa pagpakig-estorya sa mga estranghero, kalit lang nga nagpakigsugilanon sa mga estranghero pinaagi sa ilang kaugalingong inisyatibo. Ang Dios nagahigot kanamo ngadto sa usa ka hapiit nga relasyon isip usa ka simbahan pinaagi sa tingub nga pag-ampo. Kami adunay pribilehiyo nga makabaton og espesyal nga

mga eksperiyensiya sa pag-ampo para sa uban ug sa pagsuporta sa lima ka mga tawo nga among gina-ampo sa sulod sa 40 ka mga adlaw. Ang Dios nagalihok sa kinabuhi niining mga tawhana pinaagi sa usa ka espesyal nga pamaagi. Balik-balik nga ang mga tawo gikan sa mga kalye kalit lang nga mutungha sa Adlawng Igpapahulay aron mutambong sa mga serbisyo sa simbahan. Kami nagahatag og mga pagtoon sa Bibliya sa usa sa mga pamilya. Sila nasinati na sa Adlawng Igpapahulay pinaagi sa mga *video* sa *internet* ug sa libro *The Great Controversy* ug nagapangita og simbahan sa pipila na ka panahon. Katja ug Christian Schindler, Seventh-day Adventist Church sa Ludwigsburg (gipamubo nge bersyon).

40 KA MGA ADLAW NGA EKSPERIYENSIYA

“Ang tanan nagsugod sa usa ka seminar sa Mga Tikang ngadto sa Personal nga Pagkapukaw. Niana nga panahon adunay mitubo nga pangandoy nganha kanako nga maeksperiyensiyahan ang Dios sa akong adlaw-adlaw nga pagkinabuhi. Dayon akong nadunggan ang mahitungod sa 40 ka mga adlaw sa pag-ampo ug pagsimba. Nahimo dayon kining tataw kanako – gusto nako ni maeksperiyensiyahan nga panimpalad. Sa pagkatinuod, wala ko nakahibalo unsa ang akong masudlan. Dili lisud ang pagpangita og angayan nga kauban sa pag-ampo (nga sakop sa programa). Ang hagit alang kanako mao ang pagpangita og oras alang sa usag usa adlaw-adlaw sa sulod sa 40 ka mga adlaw. Isip usa ka nars, ako walay regular nga oras sa pagtrabaho. Wala man gali nako ni mahuna-hunaan. Bisan pa niana, gipanalanginan sa Dios ang akong desisyon sukad sa sinugdanan. Ako nagahulat nga adunay kaikag sa mga bililhon nga oras sa adlaw nga kami mag-ambit sa usag-usa mahitungod sa tupiku ug maghangyo alang sa Balaang Espiritu. Among nadiskubrehan nga ang mga pag-ampo adunay ginabag-o sa among mga kinabuhi. Ug dili namo kini matipigan sa among mga kaugalingon lamang. Sa kada oportunidad nga muabot, kami adunay impresyon nga mag-ambit. Importante kanako ang pagdasig sa ubang tawo nga makabaton og susama nga eksperiyensiya. Ang epekto wala mapakyas sa pagtuhaw. Ang uban sa mga miyembro sa iglesiya natakdan sa among kadasig. Sa madali, adunay mga bag-ong pares sa pag-ampo ang nahimo. Among ginahulat kada semana ang pag-ambitanay mahitungod sa among mga naeksperiyensiyahan. Kini nga ‘kagaw’ mitakod usab sa pipila ka mga batan-on. Paspas natapus ang 40 ka mga adlaw. Dili kami gusto mu-undang ug dili kami

maka-undang. Busa kami nagpadayon sa among oras sa pagtigum alang sa pag-ampo ug pagtoon gamit ang libro nga *Maranatha – the Lord is Coming* ni Ellen White. Ug wala kami pahulata og dugay sa Dios. Sa sulod gihapon sa 40 ka mga adlaw Iya kaming gihatagan og daghang mga kahibulongang tubag sa pag-ampo. Ang usa sa among gina-ampo karon, mibalik sa simbahan human sa dugay nang panahon nga walay pagtambong. Kami nalipay pag-ayo. Ang mga tawong nagpalibot kanako nahimong mas importante kanako. Ang akong handom nga i-ambit ang gugma sa Dios sa ubang tawo mas mingdako. Nabag-o ang akong kinabuhi. Kadaghanan kanamo nailaila ug nakasabot sa usag usa. Daghan na ang gusto makigbahin para sa kinabuhi sa uban ug para sa usag-usa. Ang panag-uban natagaan og bag-o gayong kahulogan. Ang 40 ka mga adlaw sa pag-ampo ug pagsimba ni Dennis Smith usa ka dakong tabang kanako. Daw mas sayon ang pagpangita og kauban sa pag-ampo ug maeksperiyensiya ang Dios. Ang atong minahal nga mga higala magpasalamat gayud kanato.” Hildegard Welker, Crailsheim Seventh-day Adventist Church, usa ka nars sa kwarto alang sa mga naoperahan (gipamubo gamay).

SI JESUS ANG ATONG PANAG-INGNAN

Si Jesus ang atong pinakadakong panag-ingnan sa tanang mga butang. Sa Lucas 3:21-22 kita makabasa: *“Karon nahitabo nga sa gibautismohan ang tanang katawohan, nga sa nabautismohan usab si Jesus, ug sa nagaampo, ang langit naabli, ug mikunsad sa ibabaw Niya ang Espiritu Santo, sa dagway nga lawasnon sama sa usa ka salampati...”*

Si Ellen White naghisgot mahitungod niini nga panghitabo: “Isip tubag sa Iyang pag-ampo ngadto sa Iyang Amahan, na-abri ang langit, ug ang Espiritu, sa dagway sa usa ka salampati, mikunsad ug nagpabilin nganha Kaniya.”¹³⁰

Makapahibulong ang nahitabo samtang Siya nagministryo: **“Kada buntag Siya gapakigsultihanay sa Iyang Amahan sa langit, nagadawat gikan Kaniya adlaw-adlaw og bag-ong bautismo sa Balaang Espiritu.”**¹³¹ Kung si Jesus nanginahanglan og bag-ong bautismo sa Balaang Espiritu adlaw-adlaw, mas labaw nga kita may panginahanglan niini!

130 E.G. White, *Ye Shall Receive Power* (1995), p. 14.4

131 E.G. White, *Signs of the Times*, Nov. 21, 1895

INTERES UG PAKIG-AMBIT

Ang kalipay nga atong gina-ambit nagabalik sa atong mga kasingkasing. (Panultihon sa Alemanya)

Unsaon nako pagtabang sa uban nga makaeksperyensiya og “madagayaon nga kinabuhi?” (Juan 10:10)

UNSAON PAGPUKAW ANG INTERES NGADTO SA KINABUHI NGA PUNO SA ESPIRITU?

Unsa ang pwede mahimo sa mga pangulo ug mga iglesiya? Adunay mga pipila ka posibleng mabuhat isip mga pangulo (pananglitan presidente, pastor, sekretarya sa iglesiya o misyon, mga pangulo sa mga institusyon, o uban pang importanteng mga katawhan) inubanan sa kolaborasyon sa *board* sa iglesiya, mga simbahan ug mga grupo.

MGA POSIBILIDAD

1. **Grupo sa Pagsimba nga Tinagduha:** Tun-i ang *40-Day-Worships* isip usa ka magtiayon o kauban ang lahi nga tawo sa pag-ampo. Pagsugod sa 40 ka Adlaw nga libro *“Prayers and Devotions to Prepare for the Second Coming,”* ni Dennis Smith, *Review and Herald*, ug pagkahuman, kung angay gamiton, isunod pagbasa ang ikaduhang libro sa 40 Days *“Prayers and Devotions to Revive your Experience with God.”* Kung ang usa ka magtiayon adunay pagsimba nga tingub, kini mapuslanon ug makapalambo sa mapinanggaong pagbati sa usag usa. Natural nga mamahimo usab nga makasimba kauban ang lahi nga tawo. Mas maayo kon tani ang personal nga panagkita, apan mamahimo usab nga pinaagi sa telepono o Skype o lahi

nga pamaagi sa media. Ang pagsimba nga tinagduha adunay pinakadako nga epekto. Ang Pulong sa Dios nagarekomendar nga kita mag-ampo nga tinagduha (Mateo 18:19) ug magtrabaho nga tinagduha (Lucas 10:1). Kini nga pamaagi sa pagsimba mao ang pinakamaayong kinahanglanon aron makapadasig sa uban nga mubuhay og sama niini.

2. Pagpaila o pag-ambit og balasahon. Pananglitan:

Ang balasahon nga “Mga Tikang ngadto sa Personal nga Pagkapukaw” (libre kini o barato lamang sa tanang nahubad nga linggwahe).

Labaw pa sa 80 ka mga pamatuod sa mga magbabasa ug ginatus ka mga panagsultihanay ang nagpakita nga kini nga balasahon natagaan og espesyal nga bili pinaagi sa mga musunod:

- Nag-abri kini sa ilahang mga mata sa ilang espirituhang kahimtang: naluwas o nawala? (ang dugang makita sa kapitulo 2)
- Sila nakasabot sa mga gikinahanglan nga mga tikang nga maggiya ngadto sa espirituhang pagkinabuhi:
Adlaw-adlaw nga pagtugyan kang Kristo, adlaw-adlaw nga pagpangayo nga makadawat sa Balaang Espiritu. [DA 676.2]
Ang uban pang mga tikang ginapahayag sa Balaang Espiritu. (ang dugang makita sa kapitulo 3)
- Pinaagi sa pag-ampo gamit ang mga saad sa Bibliya, sila makasalig nga ila nang nadawatan ang Balaang Espiritu. (ang dugang makita sa kapitulo 5)
- Ang ilang dakong kalipay mao ang hinungdan nga sila nahimong mga tigpamatuod ug tigpakaylap sa maong mga balasahon.

Pinaagi sa eksperiyensiya sa kadaghanan, kita nakakat-on nga ang paggamit sa “Mga Tikang ngadto sa Personal nga Pagkapukaw” kauban sa 40-Day nga mga libro 1 ug 2 nagbunga og hilabihan kamaayo nga mga resulta. Ang “Mga Tikang ngadto sa Personal nga Pagkapukaw” nag-abri sa mga mata ug nahimong usa ka dakong tabang sa pagsugod diha-diha dayon. Ang 40-Days nga mga libro nagpalapad ug nagtabang sa pagpalig-on sa espirituhang kinabuhi. Ug kini nagdala kanila sa personal nga pag-ampo ug pagtoon sa Bibliya sa kada buntag ug sa mga natubag nga mga pag-ampo.

3. **Mubo nga mga pagbasa sa panahon sa serbisyo sa pagsimba:** Sa pipila ka mga panahon, adunay mga pinili ka mga kinutlo mahitungod sa Balaang Espiritu ang pwede mabasa sa panahon sa serbisyo sa pagsimba sa dili pa magsugod ang wali. (Lima hangtod sa napulo ka mga minuto) Ang mga girekomendar nga mga balasahon nalista sa sunod nga punto. Sa kadugayan, mamahimong dasigon ang mga tawo sa pag-grupo nga tinagduha o pagpatuman sa 40 ka adlaw nga konsepto (tan-awa ang ika-12 nga punto).

4. **Ang mga kinutlo gikan sa atong mga balasahon** mamahimong maprinta ug mapaskil sa *bulletin* sa simbahan o pwede kini nga marekomendar sa panahon sa mga pagpahibalo:
 - *Ang Desire of Ages, kapitulo 73: “Let not your heart be troubled.”*
 - *The Acts of the Apostles, kapitulo 5 “The Gift of the Spirit”*
 - *Christ’s Object Lessons, Kapitulo 12 “Asking to Give”*
 - *Testimony Treasures volume 3, “The Promise of the Spirit, p. 209-215*
 - Mga panghunahuna sa matag adlaw gikan sa EGW nga libro alang sa pagsimba nga “Ye Shall Receive Power” (Makita sa lokal nga Adventist Book Center)

5. **Pag-ambitanay og mga eksperyensiya:** Kutob sa mahimo, pag-ambit og mga espirituhanong eksperyensiya sa panahon sa serbisyo sa pagsimba. Ang mga personal nga eksperyensiya mamahimong ma-ambit o kadtong gikan sa lahi nga mga miyembro sa iglesiya o uban nga mga iglesiya. Ikaw makakita og mga pagpamatuod sa www.steps-to-personal-revival.info. Pinduta lang ang: “*Testimonies.*”

6. **Upat ka bahin nga seminar isip Espesyal nga Adlawng Igpapahulay:** Kini tingali ang pinaka-epektibo nga pamaagi aron dali makamugna og interes sa iglesiya. Kini usa ka espesyal nga Adlawng Igpapahulay nga adunay 3-4 ka mga presentasyon, sugod sa Biyernes sa gabie, sa serbisyo sa pagsimba sa Adlawng Igpapahulay ug sa hapon. Ang potensyal nga kinatibuk-ang tupiku mao ang “Mga Tikang ngadto sa Personal nga Pagkapukaw” nga programa: tan-awa sa www.steps-to-personal-revival.info:
 - Ang Biyernes sa gabie mao ang pinakamaayo nga panahon sa semana sa pag-ambitanay og mga eksperyensiya, busa maayo nga mag-ambit

og makatandog nga eksperyensiya. Kung posible, kini kuntani usa ka personal nga eksperyensiya sa magsusulti. Ang usa usab ka posibilidad mao ang paghisgot mahitungod sa “Pagtugyan kang Jesus.” Ikaw makakita og mga sugyot alang niini sa balasahon nga “*Abide in Jesus*,” sa ikaduhang kapitulo “*Surrender to Jesus*.”

- Ginarekomendar ang pagwali gamit ang mga importanteng punto gikan sa “Mga Tikang ngadto sa Personal nga Pagkapukaw” sa panahon sa serbisyo sa pagsimba. Sa pagkatukma, pag-ambit og 2-3 ka mga kinutlo gikan sa pasiuna mahitungod sa kakulangan sa Balaang Espiritu. Padayona ang mga importanteng punto gikan sa unang kapitulo “Unsa ang gitudlo ni Jesus mahitungod sa Balaang Espiritu” ug gikan sa ikaduhang kapitulo “Unsa ang sentro sa atong mga problema?” (mamahimong mabahin kini sa 2 ka oras)
- Sa pinakaunang hapon nga miting, e-ambit ang mga importanteng mga punto gikan sa ikatulong kapitulo “Ang atong mga problema – masolbad ba kini? Sa unsang pamaagi?”
- Sa ikaduhang hapon nga miting, e-ambit ang mga importanteng mga punto gikan sa ikalimang kapitulo “Ang Yawi ngadto sa Praktikal nga Eksperyensiya.”

Sa mga iglesiya diin nakahimo sa unang seminar sa “Mga Tikang ngadto sa Personal nga Pagkapukaw”, pwede sila makahimo pag-usab og usa naman ka espesyal nga Adlawng Igpapahulay o lahi naman nga seminar gamit ang mga tupiku sa balasahon nga “*Abide in Jesus*.” Sa makausab, pwede nga bahinon kini sa upat gikan sa upat ka mga kapitulo.

Mas mapuslanon pa gayud kung mapanghatag ang mga katugbang nga mga balasahon sa wala pa sugdi ang seminar isip preparasyon sa espesyal nga Adlawng Igpapahulay; kauban ang pagrekomenda nga tun-an kini pag-ayo. Napamatud-an usab nga mapuslanon kung sugdan ang 40 ka mga adlaw nga oras sa pag-ampo pagkasunod nga kataposan sa semana human sa espesyal nga Adlawng Igpapahulay (tan-awa ang ika-12 nga punto) o ang dungan nga pagbasa og usa ka kapitulo sa usa ka semana gikan sa “Mga Tikang ngadto sa Personal nga Pagkapukaw” (tan-awa ang ikapitong punto).

7. **Dungan nga Pagbasa: Usa ka Kapitulo kada Semana** – ang sayon ug makatabang nga posibleng buhaton mao ang pagbasa og usa ka kapitulo

kada semana (mas maayo kung mabasa ang kapitulo sa makadaghan) gikan sa “Mga Tikang ngadto sa Personal nga Pagkapukaw” o “*Abide in Jesus*” o gikan sa usa sa mga libro nga *40-Days*. Pwede nga magsabot ang usa ka grupo o ang tibook simbahan kung unsa nga petsa kini sugdan. Kini pwede buhaton isip preparasyon alang sa upat ka bahin nga seminar (tan-awa ang ika-6 nga punto) o human sa espesyal nga Adlawng Igpapahulay. Ang kada usa makadesisyon kung gusto nila kining basahon nga nag-inusara o adunay kauban o grupo. Sa Adlawng Igpapahulay, nindot nga basahon ang importanteng mga punto gikan sa nahisgutang mga kapitulo sa sulod sa lima ka minuto ug mag-imbatar og mga tawo nga mag-ambit sa ilahang personal nga pagpamatuod. Kung walay mga personal nga pagpamatuod, pwede magbasa ug pagpamatuod gikan sa ubang tawo (preparahe nga daan kini – tan-awa ang mga Pagpamatuod). Dayon ipahibalo kung unsa nga kapitulo ang inyong pagabasahon sa sunod nga semana. Ikaw maka-order sa *40 Days* nga mga libro sa www.spiritbaptism.org.

8. **Pagpatigayon og mga Pagwali** mahitungod sa pagkinabuhi kauban ang Balaang Espiritu o padasigi o paghangyo og lahi nga tawo nga muhimo niini. Adunay hilabihan ka maayo nga mga wali ni Dwight Nelson nga gitig-uluhan: *“Ground Zero and the New Reformation: How to be Baptized with the Holy Spirit.”* Ang mga wali magsugod sa petsang Septiyembre 2 ug ang iyang mga blog sa Agosto 30 ug Septiyembre 13 sa www.pmchurch.tv/sermons
9. **Pagpatigayon og mga Pagtoon sa Bibliya** mahitungod sa pagkinabuhi kauban ang Balaang Espiritu o basaha kini nga kusog.
10. **Mga Gagmayng Pundok o mga Grupo sa Pag-ampo** makahimo sa pagbasa ug pagdiskusyon gamit ang mga tukma nga balasahon ug mag-ampo nga tingub. Sa pagdugang, iduso ang paghimo og grupo nga tinagduha, nga mu-agi og 40 ka mga adlaw nga pagsimba, ug kausa sa usa ka semana tibook grupo magtapok alang sa pagdiskusyon, pag-ambitanay og mga eksperyensiya ug pag-ampo nga tingub (tan-awa ang ika-12 nga punto).
11. **Misyon sa Adlawng Igpapahulay** - Tungod nga ang pagkinabuhi kauban ang Balaang Espiritu maghimo kanato nga mga misyonero, usa ka maayong posibilidad ang pagpasi-ugda og balik og misyon sa Adlawng Igpapahulay

nga permanente o sa nauyonang kadugayon. Kini usa ka sukaranong elemento sa atong mga magsususgod. Ang atong mga katigulangan nagpatigayon og misyon sa Adlawng Igpapahulay, sa unang Sabado sa kada bulan. Ang usa ka dedikado nga tawo o usa ka gamayng pundok ang magkuha sa responsibilidad alang sa usa ka ma-inampoon nga preparasyon ug pagpatuman. Kung kini mahiusa sa nasulat nga mga posibilidad sa ibabaw, kini maka-ambag ngadto sa mabungahon ug malipayong mga oras sa Adlawng Igpapahulay. Sa pagdugang, kini magresulta ngadto sa pagkahigmata sa espiritu sa pagkamisyonero.

12. **Tun-i ug paghimo og diskusyon mahitungod sa konsepto sa 40 ka mga adlaw** – Kini nga konsepto gipresentar sa 1, 2 ug 3 nga *40-Day* nga mga libro, sa seksyon nga *“Introduction and Overview”*. Kini mamahimo nga hisgutan sa opisyal sa simbahan, misyon o komperensiya. Kini usab nga konsepto mamahimong mapresentar sa miting sa mga pastor, mga tigulang sa iglesia, mga misyon ug mga batan-on; sa mga espirituhanong panagtigum, mga miting sa mga distrito ug mga tulonghaan sa misyon. Kini nga konsepto makatabang sa mga musunod nga aspeto:

- Makatabang nga makabaton og mas suod nga relasyon kang Jesus pinaagi sa Balaang Espiritu.
- Makatabang nga mapalig-on ang kinabuhi sa pag-ampo (nag-inusara, pares o grupo).
- Makatabang sa pagpalalom sa atong mga personal nga relasyon.
- Makatabang sa pagpalig-on sa espirituhanong pagkinabuhi pinaagi sa 40 ka mga adlaw nga pagsimba nga nagahisgot sa Balaang Espiritu.
- Nagapahigayon og pag-ampo alang sa mga nawala o wala mawalihi nga mga tawo ug nagapahigayon sa pagkontak kanila.
- Makatabang sa pagsuporta sa ebanghelyo, mga gagmayng pundok o mga pagtoon sa Bibliya.

Kini makab-ot pinaagi sa tulo ka mga espirituhanong mga tikang:

- Personal nga espirituhanong pagpasig-uli pinaagi sa 40 ka mga Adlaw nga pagsimba nga tinagduha.
(Nalakip sa libro ang *“Discussion Questions”* ug mga adlaw-adlaw nga pag-ampo sumala sa *“Prayer Focus”* alang sa Balaang Espiritu.

- Ang pagpangaliya nga puno sa Espiritu ug ang pagkontak sa lima ka wala mawalihi nga mga tawo o maluya nga mga miyembro sa iglesiya.
- Mga kalihokang pang-ebanghelyo (mga presentasyon/seminar, mga gagmayng pundok nga adunay panghunahuna sa misyon, mga pagtoon sa Bibliya, ginagmay o igo lamang kadako nga mga *expos* e.g. parte sa panglawas, paglalang o propesiya)

Alang sa mga naga-organisa, ang 40-ka Adlaw nga Konsepto nga gitawag nga “Instruction Manual” makita kung imong e-click ang 40Day-Instructions.pdf. Kini naglangkob sa tanang mga kinahanglang tikang nga magahatod sa usa ka mabungahong 40 ka adlaw nga eksperiyensiya. Ang gisugyot nga espirituhanong dalan mao ang labing maayong preparasyon alang sa usa ka planado nga pagpangwali. Sa ingon niini nga paagi, ang mga pangulo ug mga miyembro sa iglesiya espiritwal nga maandam. Pinaagi sa pag-ampo para sa uban ug ang kada usa magkontak og lima ka wala mawalihi nga mga tawo, ang kaumahan ma-andam sa usa ka pagpangwali. Magamit ang nagkalain-laing mga klase sa pag-ebanghelyo. Sa pag-order og *40-Day* nga mga libro ni Dennis Smith, adtoa ang www.spiritbaptism.org.

13. Pagpanagtag og **tratados** sa mga miyembro sa iglesiya mahitungod sa 40 ka mga adlaw nga programa sa pag-ampo. Sa pagdugang, ginarekomendar usab nga maghimo og imbitasyon alang sa sinugdanang petsa sa 40 ka Adlaw nga serye sa inyong simbahan.
14. Pagprinta og angay nga mga **artikulo** sa mga *bulletin* sa simbahan, komperensiya, unyon, mga magasin, mga *website* sa simbahan, bisan sa mga pinatik sa simbahan ug sa mga nagkalain-laing mga departamento.
15. **Sensus:** Human sa presentasyon mahitungod sa tupiku sa Balaang Espiritu, pagpasa og mga papel alang sa usa ka mubo nga *anonymous* nga sensus:
 - Kung ang usa ka tawo makadaghan o adlaw-adlaw naga-ampo alang sa Balaang Espiritu, pwede nila kining butangan og tsek.
 - Kung ang usa ka tawo naga-ampo gamit ang mga saad alang sa Balaang Espiritu, pwede silang magbutang og duha ka tsek.

Kini usa ka maayong paagi sa pag-ila kung unsa ang estado niana nga dapit sa pagkakaron.

Ang ma-inampoon nga preparasyon alang ug ang pag-ampo sa panahon sa mga nahisgutang mga posibilidad hilabihan ka-importante. Bililhon kaayo isip mga tawo nga naga-ampo ang paghangyo og pipila ka mga miyembro sa iglesiya, mga natukod na nga grupo sa pag-ampo ug bisan pa ang tibook simbahan alang sa usa ka piho nga pagpangaliya alang sa usa ka piho nga paghangyo – ang pagpatuman ug epekto niini.

UNSAON PAGPANGHATAG OG MGA BALASAHON MAHITUNGOD SA PAGKAPUKAW?

Tumong:

Ang usa ka igsoong lalake nakahisgot: “Kini nga mensahe kinahanglan nga makaabot sa kada Adventistang panimalay sa tibook kalibutan. Akong buhaton ang akong bahin,”ug siya nagahimo niini sa hilabihan ka makugihong paagi. Ang usa ka igsoong babaye nagsulat: “Kini nga balasahon kinahanglan nga mahubad sa mga punoang pinulongan, o mas maayo pa gayud nga sa tanan.” Siya nagmalampuson sa iyang komperensiya ug karon nagapangwali mahitungod niini nga tupiku sa mga distrito. Sa dugang, pinaagi sa giya sa Dios, siya nakadala og linibo ka mga balasahon sa silingan nga nasud nga dili nagadawat sa Kristiyanong pagtoo kaniadto.

Ang Kalamboan ug mga Pinansyal:

Pinaagi sa giya sa Dios, ang balasahon nga Mga Tikang ngadto sa Personal nga Pagkapukaw mapasa sa tanang mga Adventistang pamilya sa ilang kaugalingong linggwahe – libre o sa barato nga presyo. Pinaagi sa tabang sa mga pastor, daghang mga komperensiya ug mga unyon ang nakapanghatag og mga libreng kopya sa mga pamilya sa ilahang mga distrito. Nag-una ang Swiss-German Conference sa Switzerland, ang Austrian Union sa Austria, ang Baden-Wuerttemberg Conference sa Germany. Kini nga proyekto namugna pinaagi sa inisyatibo sa Dios. Pinaagi sa impluwensiya sa Dios ug sa Iyang grasya, kapin sa 600,000 ka mga kopya ang napanghatag hangtod 2017. Amo kamong gina-awhag sa pag-ampo nga ang Dios magpadayon sa paggiya kanato ug maghatag og mga kinahanglanon nga mga pamaagi aron mapalungtad kini nga proyekto. Kasagaran, kami nagahangyo og pundo gikan sa mga Komperensiya o mga Unyon nga adunay lig-on nga badyet aron mabayran ang katungang gasto sa pagprinta. Alang sa uban, labi na sa mga misyon, pinaagi sa tabang sa Dios, gusto

namo nga kami ang mugasto sa tanan. Apan ang ulahing makagamit niini kasagaraan makadawat sa materyales nga libre o barato bisan sa binulto nga pagpalit.

Ang usa ka Kasaligang Personal nga Kinahanglanon

Kami nagahandom nga ikaw makalab-ot sa uban. Ang usa ka kasaligang kinahanglanon alang sa pag-ambit niini mao nga ikaw personal nga napanalanginan niini nga mensahe ug nga si Kristo anaa nagpuyo sa imong kasingkasing pinaagi sa adlaw-adlaw nga pagdawat sa Balaang Espiritu. Palihog basaha ang *Desire of Ages*, p. 676.2 [egwwritings.org] ang bililhon nga reperensiya ngadto sa pulong ni Jesus sa Juan 15:4: “Managpabilin kamo kanako, ug Ako kaninyo.” Duha ka mga butang ang pasabot niini:

- ang makanunayong pagdawat sa Iyang Espiritu
- kinabuhi nga bugos nga natugyan alang sa pagpangalagad Kaniya

Nganong gihatag kini nga timaan ni Jesus? “Ako nagapamulong kaninyo niining mga butanga, aron ang Akong kalipay [ang kalipay diha kang Jesus usa ka bunga sa Balaang Espiritu sa Galatia 5:22] mopabilin kaninyo, ug ang inyong kalipay mahingpit.”(Juan 15:11)

Mga Posibilidad sa Pagpanghatag:

Pag-ampo

Gikinahanglan pag-ayo nga ang pag-ambit sa Ebanghelyo sa pipila ka mga tawo adunay pag-andam pinaagi sa pag-ampo para sa uban. Si E.G. White naga-ingon sa *Evangelism*, p 341.3, “Pinaagi sa daghang mga pag-ampo, ikaw magpangabudlay alang sa mga kalag, tungod nga kini lamang ang pamaagi nga imong malab-ot ang mga kasingkasing.”

Pagpanghatag sa balasahon:

Ikaw makapanghatag sa balasahon kauban ang pag-ambit sa imong mga impresyon ug mga eksperyensiya sa mga makadawat. Kini mahimong mga higala, mga pangulo, mga tawong adunay dako nga posisyon sa simbahan, komperensiya, ug mga unyon, mga imprentahanan, proyekto sa misyon, ug uban pang mga institusyon. Usa naman ka bililhon nga oportunidad ang panahon sa mga kombensiyon, sa usa ka puwesto o publiko nga pagpanghatag nga adunay

permiso sa mga nag-organisa. Dumduma nga ang kada Adventista nga pamilya kinahanglan makadawat og kopya nga libre o barato.

Ang balasahon usab mamahimo nga mapadala sa talagaan pinaagi sa sulat o personal nga pagkit-anay.

Pagpanghatag pinaagi sa internet

Ang usa ka labing modernong paagi nga pagpanghatag sa mensahe mao ang pinaagi sa email. Ang mensahe napadala ngadto sa Australia ug napasa ngadto sa Mizoram, India. Nakaabot usab kini sa Pakistan gikan sa Brazil. Imong mabasa ang mensahe sa www.schritte-zurpersönlichenerweckung.info. Pwede nimo kining eprinta ug/o ipasa pinaagi sa usa ka simpleng link sa usa o daghang hinubad nga linggwahe. Pwde usab nimo ipahibalo sa mga tawo nga adunay English nga bersyon niini sa www.steps-to-personal-revival.info. Sa katapusan sa 2016, pinaagi sa giya sa Dios ug mapahinungorong suporta sa mga tighubad, ang mensahe mahimong mabasa sa 20 ka mga linggwahe, ug 8 ka mga linggwahe pa ang musunod sa dili madugay.

Pagpanghatag pinaagi sa *E-books*

Adunay usa ka libre nga e-book sa website nga naa sa ‘epub’ ug ‘mobi’nga pormat. Pwede usab nimo nga ma-order ang e-book pinaagi sa Amazon sa kantidad nga €1.00.

Pagpanghatag pinaagi sa *Social Networks*

Ang usa sa pinakaepektibong paagi sa pag-ambit sa mga higala o kaila sa mga unod niini nga website o link ngadto sa PDF nga libro mao ang Facebook, Google+, Twitter o WhatsApp. Pinaagi sa pag-ambit ug pag-imbitar, ma-abot nimo ang imong mga personal nga kaila, ug bisan pa ang bag-ong mga kontak sa nagkalain-laing mga nasud ug kontinente.

Pagpanghatag pinaagi sa mga wali ug mga seminar

Ang tanang mga pastor ug mga layko adunay talagsaong oportunidad nga ma-ambit kini nga mensahe sa mga simbahan pinaagi sa usa o daghang mga wali. Imo kining mabuhat pinaagi sa imong kaugalingong mga pagtoon o pinaagi sa paggamit sa mga materyales nga gikan niining balasahon. “Wala pa ako nakawali og tupiku nga nadunggan o nabasa na sa simbahan kaniadto. Pinaagi sa edukasyonal nga pagtoon, ako nakahibalo nga importante gayud ang pagbasa o

pagpaminaw sa usa ka halangdon nga tupiku 6-10 ka beses,” (Personal nga eksperyensiya ug tambag ni Brother Helmut Haubeil). Karon nga ako na kining nahibaloan, wala na ko’y problema sa pagwali mahitungod sa tupiku nga nadungog na o nabasa na sa mga tawo. Kung gusto nimo, pwede usab nimong hisgutan nga ikaw nagagamit sa mga labing mahinungdanong punto ug mga kinutlo gikan sa niining balasahon.

Kung ikaw dili makawali, mamahimo nga imong hangyoon ang uban nga gamiton kini nga tupiku sa ilahang mga wali.

Ang usa ka seminar sa Adlawng Igpapahulay nga ang kinatibuk-ang tupiku mao ang “Mga Tikang ngadto sa Personal nga Pagkapukaw” kinahanglan adunay bisan tulo lamang sa mga musunod nga tupiku:

Wali:

Unsa ang ugat sa atong mga problema?

Aduna bay espirituhanong hinungdan ang atong mga problema?

Kita ba nakabsan sa Balaang Espiritu?

Unsaon nako pagsukod ang akong kaugalingong espirituhanong pagkinabuhi?

(Mao kini ang mga mahinungdanong panghunahuna gikan sa pasiuna, ug sa kapitulo 1 ug 2)

1. Programa sa hapon:

Masolbad ang atong mga problema – apan unsaon?

- Unsaon nato pagpalambo ang usa ka malipayon ug lig-on nga Kristiyanong pagkinabuhi?
- Unsaon pagpuno sa Balaang Espiritu ang atong kinabuhi? Ang sekretong pulong mao ang “adlaw-adlaw.”
(Mao kini ang mahinungdanong mga panghunahuna sa kapitulo 3)

2. Programa sa hapon o gabie

Ang mga importanteng punto alang sa praktikal nga aplikasyon/ Unsaon kini pag-aplikar sa praktikal nga paagi? (Ang Yawi ngadto sa Praktikal nga Eksperyensiya.)

- Unsaon nako pag-aplikar ug pag-eksperyensiya sa praktikal nga paagi ang solusyon sa Dios sa akong kinabuhi?
- Unsaon nako pag-ampo alang sa kasiguraduhan sa pagkapuno sa Balaang Espiritu?
(Mao kini ang mga mahinungdanong mga panghunahuna sa kapitulo 5)

Mga Personal nga Pagpamatuod

Hilabihan ka-bililhon ang mga personal nga pagpamatuod mahitungod sa musunod nga mga tupiku:

- Mahitungod sa personal nga mga impresyon o mga panghunahuna nga na-angkon pinaagi sa pagbasa sa balasahon
- Mahitungod sa nadala nga mga epekto niini nga mensahe sa atong mga kinabuhi

Paghubad ngadto sa imong kaugalingong lokal nga linggwahe

Kung kini nga balasahon wala pa mahubad sa imong lokal nga linggwahe, basi mahimo nimo kini – pinaagi sa pag-ampo ug probidensya sa Dios – pangita og tawo, nga andam ug makahimo sa pagbuhat niini. Adunay dakong bentaha kung ang tighubad personal nga natandog sa mensahe. Sa pagkakaron, kasagara sa mga hinubad, gihimo nga kinabubut-on, tungod nga ang tighubad adunay dakong interes sa pagpasibya niini nga mensahe. Apan usahay ang paghubad gihimo nga paagi sa pagpanginabuhi. Kadto nga mga tighubad makadawat ug “inigsoong” suweldo. Kami nagapasalamat kung ikaw personal nga makakontak kang Helmut Haubeil mahitungod sa mga butang parte sa paghubad. Aduna siyay mga maayong mga tambag nga mapahat kanimo ug iyang ginasisigurado nga mapagawas ang balasahon sa parehos nga pormat sa kada linggwahe.

PANAPOS NGA MGA PANGHUNAHUNA

Pinaagi sa Balaang Espiritu, aduna kitay labing maayong pangulo sa tanan nga mga sitwasyon sa kinabuhi ug kusog pinaagi sa kahupnganan sa Iyang himaya.

Busa, ang atong mga kinaia mamahimong mabag-o ug kita mahimong mga bililhon nga himan sa buluhaton sa Dios. Ang atong adlaw-adlaw nga pagtugyan og bautismo sa Balaang Espiritu magagiya ngadto sa usa ka tinood nga kagawasan sa atong mga kinabuhi.

Nagahandom ang Dios nga andamon kita alang sa pinakabug-at nga takna sa kasaysayan sa kalibutan. Gusto Niya nga kita personal nga maandam sa Iyang pagbalik ug pinaagi sa gahum sa Balaang Espiritu, kita mag-uban sa buluhaton sa pagtapos sa Ebanghelyo. Iyang handom nga Siya madinaugong magagiya kanato sa malisod nga mga takna.

Tugoti ang Dios nga hatagan ka og personal nga kapukawan ug pagreporma pinaagi sa adlaw-adlaw nga pagtugyan ug bautismo sa Balaang Espiritu.

Gusto nako kini nga tapuson pinaagi sa usa ka teksto sa Bibliya ug usa ka pag-ampo alang sa pagkapukaw:

“Kong ang Akong katawohan...magmapainubsanon sa ilang kaugalingon, ug magampo, ug mangita sa Akong nawong, ug motalikod gikan sa ilang mga dautang dalan; nan Ako magapatalinghug gikan sa langit, ug *magapasaylo sa ilang sala, ug magaayo sa ilang yuta.*” (2 Cronicas 7:14)

Pag-ampo: Amahan namo sa langit, palihog taga-i kami og pagpaubos (Miqueas 6:8). Ibutang sa among mga kasingkasing ang dakong handom nga mag-ampo ug mangita sa Imong nawong. Himoa kami nga andam ug tabangi kami nga talikdan ang among mga dautang binuhatan. Palihog tumana ang mga kinahanglanon nganha kanamo ug isip resulta sa Imong saad tugoti nga among madunggan ang Imong tubag. Pasayloa kami sa among mga kalapasan ug ayoha kami gikan sa among pagka-alabaab ug apostasiya. Palihog tabangi kami nga itugyan ang among mga kaugalingon kang Jesus adlaw-adlaw ug pinaagi sa pagtoo madawat ang Balaang Espiritu. Amen.

“Ang kapukawan maekspektar lamang isip tubag sa pag-ampo.”¹³² “Ang bautismo sa Balaang Espiritu sama sa Adlaw sa Pentekostes magadala ngadto sa pagkapukaw sa tinood nga relihiyon ug sa paghimo sa tanang mga kahibulongang binuhatan.”¹³³

132 E.G. White, *Selected Messages, Book 1* (1958), p. 121.1

133 E.G. White, *Selected Messages, Book 2* (1958), p. 57.1

APENDIKS

Rekomendasyon alang sa dugang nga Pagtoon

Usa ka importanteng sugyot: Basaha kini nga balasahon, kung posible, adlaw-adlaw sa sulod sa unom ka mga adlaw. Ang edukasyonal nga pagtoon nagpakita nga kinahanglanon alang sa usa ka importante kaayo nga tupiku nga mabasa o madungog unom o pulo ka beses ayha kini masabtan og hingpit sa usa ka tawo. Sulayi kini. Ikaw makumbinsi sa mga resulta.

Gisulayan kini sa usa ka magtutudlo: “Kini nga pagpadasig nga mga pulong nagdani kanako: ‘Sulayi kini bahalag kausa. Ang resulta magakumbinsi kanimo.’Gusto nako kini maeksperiyensiyahan ug sa ikatulo pa lamang nga pagbasa kini nagkupot kanako ug nabati nako ang hilabihan ka dakong gugma sa atong Manunubos, nga akong gipangandoy sa tibook nakong kinabuhi. Sa sulod sa duha ka bulan, akong nabasa kaunom ang libro ug bililhon ang resulta. Daw akong masabtan kung unsa ang bation kung si Jesus nagapadool kanato ug kita makatutok sa Iyang putli, mahigalaon, ug mahigugmaong mga mata. Sukad niadto, dili na ako gusto mubiya pag-usab nga wala kini nga kalipay ngadto sa Manluluwas.”C.P.

Ako nakadawat og mapasalamaton ug madasigon nga mga pagpamatuod mahitungod sa ilahang bag-o nga kinabuhi uban ang Balaang Espiritu. Halos tanan gikan sa mga nagbasa, nga makugihon gayud nga gibalik-balik pagbasa ang balasahon.

40 KA ADLAW NGA MANWAL SA PAGPANUDLO

Ikaw makakita og mga materyales nga makatabang sa pag-organisa og 40 ka mga Adlaw sa pag-ampo inubanan sa usa ka sErye sa pagpangwali human sa paggamit sa 40-Day nga libro ni Dennis Smith sa website nga: www.SpiritBaptism.org ilalom sa *40 Days Instruction Manual*.

Bag-ong mga Eksperiyensiya sa Pagkinabuhi Kauban ang Balaang Espiritu

Ang atong Ginoong Jesus nag-ingon: *“Apan managdawat kamo sa gahum, sa diha nga ang Espiritu Santo mokunsad kaninyo, ug mga saksi Ko kamo...”* (Buhat 1:8)

Espesyal nga paghangyo: Kung kamo adunay mga personal nga eksperyensiya sa pagkinabuhi o pagsangyaw uban ang Balaang Espiritu, amo gayong mapasalamatan kung ikaw makapadala og mubo nga balita kang Helmut Haubeil aron nga iya kining mapahat sa *Missionsbrief* (usa ka gamayng *newsletter* sa German nga pinulongan mahitungod sa mga bulohaton sa kamisyunan). Palihog igna kami kung gusto ninyo nga ang inyong mga inisyal lamang ang ibutang human sa balita o kung pwede namo masulat ang imong tibook nga ngalan ug asa ka nga simbahan nagatambong. Palihog dumduma nga ang imong eksperyensiya makapalig-on sa uban nga mutubo sa ilang paglakaw kauban ang Balaang Espiritu o sugdan ang ilang panaw kauban ang Balaang Espiritu.

Ekontak: Helmut Haubeil (Puloy-anan: Anaa sa Kober sa maong libro)

Balasahon Mahitungod niini nga Tupiku

- *40 Days [Book 1] Prayers and Devotions to Prepare for the Second Coming*
- *40 Days [Book 2] Prayers and Devotions to Revive your Experience with God*
- *40 Days [Book 3] God's Health Principles for His Last-Day People*
- *40 Days [Book 4] Prayers and Devotions on Earth's Final Events*

Dennis Smith, Review and Herald 2009-2013

- *If My People Pray – An Eleventh-Hour Call to Prayer and Revival*
Randy Maxwell, Pacific Press 1995

- *Revive Us Again, Mark Finley, Pacific Press 2010*

- *How to be Filled with the Holy Spirit and Know it*

Garrie F. Williams, Review and Herald 1991

- *The Radical Prayer, Derek J. Morris, Review and Herald 2008*

BROCHURE 2:

MGA TIKANG NGADTO SA PERSONAL NGA PAGKAPUKAW

Ang Dalan ngadto sa Bug-os nga Kalipay

PABILIN KANG JESUS

“Pabilin kamo Kanako, ug pabilin Ako kaninyo.” Ang pagpabilin diha kang Kristo nagakahulogan sa makanunayon nga pagdawat sa Iyang Espiritu, usa ka kinabuhi sa walay pagreserba nga pagtugyan sa Iyang serbisyo.

E.G. White (*Desire of Ages*, DA 676.2)

Ang pagpabilin nganha Kaniya dili usa ka buluhaton nga kinahanglan nato himoon isip kondisyon aron atong matagamtaman ang Iyang kaluwasan. Kini hinoon mao ang atong pagtugot nga Siya ang mubuhat sa tanan alang kanato,

nganha kanato, ug pinaagi kanato. Kini usa ka buluhaton nga Iyang ginahimo alang kanato – ang resulta ug gahum sa Iyang matubsanon nga gugma. Ang atong bahin mao lamang ang pagtugyan, pagsalig, ug paghulat nga Siya magatuman sa Iyang gisaad, (Andrew Murray)

KAPITULO 1: ANG LABING BILILHONG GASA NI JESUS

Unsa ang ginatudlo ni Jesus mahitungod sa Balaang Espiritu? Nahibalo ka ba sa pinakatalagsaong mensahe ni Jesus? Unsa man ang mga tahas sa Balaang Espiritu?

KAPITULO 2: PAGTUGYAN NGADTO KANG JESUS

Unsa ang pasabot sa pagtugyan? Mawala ba ang akong kaugalingong kabubut-on? O mahimo ba akong mas malig-on? Unsa man ang makapugong kanato sa pagtugyan sa atong mga kaugalingon ngadto kang Jesus?

KAPITULO 3: SI JESUS MAGAPABILIN NGANHA KANIMO

Unsa man ang mga kinahanglanon aron makapuyo si Jesus kanako? Unsa man ang epekto sa akong kinabuhi kung si “Kristo magapabilin kanako?” Ang pinakadakong kalamposan: ang maeksperiensiyahan ang kahupnganan sa Dios.

KAPITULO 4: ANG PAGKAMASULUNDON PINAAGI KANG JESUS

Unsaon nako pagkinabuhi nga malipayong nagasunod? Unsa man ang mga timailhan sa matinud-anon nga pagsunod? Ngano kalipay man kini?

Imong mabasa, ma-*download* ug mapadala kini nga balasahon sa usa ka higala nga libre gikan sa

www.steps-to-personal-revival.info

Minahal kong kauban sa trabaho,

Sa pagkakaran, ako nagapastor sa duha ka mga simbahan sa California. Una nakong natagbo ang imong balasahon pinaagi sa pagpamati kang Pastor Dwight Nelson [tan-awa ang ubos] sa iyang kada semana nga *podcast*. Kini naghatag og dakong epekto sa akong kalag sa una nakong pagkadungog. Ako nakadungog na kaniadto sa ubang mga materyales mahitungod sa Balaang Espiritu, apan ako naga-ako nga wala kaayo nako kini taga-i og pagtagad. Ako nagatoo gayud nga adunay rason ngano gipili sa Dios ang kasamtangang panahon aron malab-ot ang mas daghang mga katawhan pinaagi sa Balaang Espiritu. Ug ako nalipay pag-ayo nga ako kining nakaplagan pinaagi sa imong mga pagpaningkamot.

Usa ka butang ang akong mapamatud-an nganha kanimo. Nabutyag kanamo sa simpleng pamaagi sa sinugdanang kapitulo ang mga gamhanang kamatuoran nga nagapahamtang sa among mga hunahuna sa paghunong ug pagpamalandong pag-usab. Ug ang proseso sa pagbasa sa makadaghan hilabihan ka-epektibo. Sa tanang nakong masulti-an, makadiskusyon, ug mawalihan parte niini nga libro, ang tupiku mahitungod sa Balaang Espiritu nahimong mas madanihon pag-usab. Daw ayha lang namo kini nadunggan. Ako kining makita sa akong kaugalingon. Dili ako mairog sa unang kapitulo hangtod ako makawali og 3 ka mga sermon mahitungod sa tupiku nga nalakip niini. Dili ko kahibalo unsaon nako pag-eksplikar, apan dili ko makahunong sa pagbasa sa libro ug akong nabati-an ang resulta sa akong mga simbahan. Sa niaging tuig, ako kining gipakuyanap nga tingog ug ang akong distrito nagpakita og mahinungdanong pagtubo. Ang tanan kadto akong gipahinungod sa Dios ug sa paghatag og gahum sa Balaang Espiritu sa among mga miyembro. Ug kami nagahandom pa sa mas daghang umalabot karong bag-ong tuig.

Kinutlo D.R. Enero 2018

*Si **Pastor Dwight Nelson** usa ka Pangulong Pastor sa Pioneer Memorial Church – Andrews University nagsaysay nga kini nga gamayng libro [Mga Tikang ngadto sa Personal nga Pagkapukaw] “nagbag-o sa akong kinasuloran, gusto usab nako nga buhaton kini kaninyo.”*

Siya nagwali og usa ka serye nga adunay tulo ka mga sermon:

“Ground Zero and the New Reformation: How to be baptized with the Holy Spirit?”

Siya nagkutlo gikan sa “Mga Tikang ngadto sa Personal nga Pagkapukaw”ug nagrekomenda niini. Kini nagdala ngadto sa 4,000 ka mga downloads ug ang linibo nga mga order. Mao kini ang link sa niini nga mga wali ug iyang blog: <https://www.pmchurch.tv/sermons> (Septiyembre 2, Septiyembre 9, Septiyembre 23)

*Iyang personal nga pagpamatuod ug ang tulo ka mga wali anaa sa **www.steps-to-personal-revival.info***

Mga Tikang

NGADTO SA PERSONAL NG PAGKAPUKAW

Si **Helmut Haubeil** usa ka negosyante ug pastor. Human nga siya nahimong malampusong representante sa usa ka kompanya sa mga barko, sa edad nga 37, siya mitubag sa panawagan sa Dios nga magpakigbahin sa ministerio isip usa ka pastor sa sulod sa 16 ka mga katuigan. Sa human niini, siya nahimong direktor sa usa ka Adventistang asilo sa Bad Aibling, Germany. Siya ang tagmugna ug editor sa “Missionsbrief” (usa ka mission-newsletter nga nasulat sa pinulongang German) ug sukad nga siya miretiro, siya natahasan sa usa ka mahinungdanong papel sa pagtabang sa pagpasiugda og mga misyonerong buluhaton sa Central Asia ug India.

“Nganong wala kita nagutom ug nauhaw alang sa gasa sa Balaang Espiritu, sanglit kini ang pamaagi nga kita makadaawat og gahum? Nganong wala kita nagahisgotanay parte niini, nag-ampo alang niini, ug nagwali mahitungod niini?”

ELLEN G. WHITE, TESTIMONIES FOR THE CHURCH, VOL. 8, P. 22